


Петр Липин

Бөрө кольөмаыс оз вун

Повесть-қазтылөм



Сыктывкар
2002

Петр Липин

«Мувывса олөмсö лосьöдöма
бур йöзлы, а ковтöм йöзыс
надзöникöн бырöны».

(Вежа небöгысь)

Бөрö кольöмаыс оз вун

· Повесть-казьтылöм

Сыктывкар

2002

*Автор ыджыд аттьö висьталö
Эжва районса администрациялы,
а сідзжö налы, кодзяс отсалісны лэдзны небөгсö.*

П.В.Липин. **Бөрö кольöмаыс оз вун.**— Сыктывкар:
КРИРОиПК-лөн оперативнöй полиграфия юкөн, 2002.—
100 лист бок.

Дона лыддысьысы!

Тэ водзын зэв аслыспөлöс небөг, кодöс гижис Вылыс Эжва
вывса крестьянскöй семьяысы петлöм морт, вöвлöм горнöй ин-
женер да инженер-строитель, Сыктывкарса лесопромышленнöй
комплекс стрöитысьысысы öти Петр Васильевич Липин. Сійö
казьтылö асьысы челядьдырся кадсö, сөвман-быдман вояссö,
верстьö олöмсö. Висьталö и сы йылысы, кызди вочасөн локтіс
Ен дінö да тайö отсаліс венны сылы уна сьöкыдлун, пыр лоны
йöзлы колана мортөн.

Автор эскö, мый небөгыс воас сійöс лыддысьылы сьöлөм
вылö.

© Липин П.В., 2002

© КРИРОиПК «Полиграф-сервис», 2002

Водзкыв

Авторлөн тайö гижöдыс мыйкö автобиографической повесть сяма, көні казтылөмторгясыс крепыда гудрасьöмаось олөм йылысь мөвгьяскөд. Ставсö, мый вöвлөма авторыскөд, сийö абу вунöдöма. Та йылысь ньöти дзевтöг висьталö лыддьысьысьлы.

Тöдчö, мый автор важысянь нин заводитöма чукöртны тайö повестьсö гижөм могысь казтылөмгьяссö, и со öнiя рыночной экономикалөн да конституционной диктатуралөн кадыс ышöдöмаось сийöс босьтчыны гижөд дiнас да юксьыны лыддьысьысьяскөд сы йылысь, мый вöли, эм да лоö. И вермискö эштöдны гижөдсö да йöзöдны, сiдзкö сийö аслас олөм-вылөмын удитiс ас чужан муыввса войтырлы ловгья дырйиыс вöчны буртор да кольны ас йывсьыс казтылан пас.

Быд сиктлөн аслас мыгөр

«Найö вöчисны ставсö, мый вермисны»

(Вежа небöгысь)

Важ гижöдъяс серти Эжва юйывса Кулöмдін сиктö йöзыс заводитöмаöсь овмöдчыны 1646 вося август тöлысьын, но Паса шорын археологическöй корсьысьöмъяс висьталöны, мый татчö мортыс локтöма нöшта бронза нэмö на. Татчöс мупытшса культурнöй слöйысь сюралöны гырнич торпыригъяс да бипур колясяс. Кармылькйөн шусян местаын, Катыдпом чужöм бöрын, вöлины синмад шыбитчана гуранъяс. Вермас лоны, легендаяс серти тані вöлöмаöсь чудьлөн мупытшса оланінъясыс. Найö сэтчö дзесьылöмаöсь лёк кöдзыд зэра да слöта поводдяысь. Мупытшса чомъясын йирксö вöчлöмаöсь потшъяс вылö вольсалöм сямöдысь, коз пу да ныв пу лапъясысь. На вылö вольсавлöмаöсь эжа пластъяс. Йирксö пыклöмаöсь сюръяясөн. Важся войтыр овлöмаöсь общинаясөн. Кор общинаас чукөрмылöмаöсь ёна пöрысьяс, вермытöмъяс да сьöкыда висьысьяс, кодсюрöös торйöдлöмаöсь торъя чомйö, керавлöмаöсь йирк пыкöдъяссö и Войпель ен нимөн гуавлöмаöсь найöс ловъя вывсьыс тайö гуясас. Со тайö чомъясыс и артмöдисны Кармылькйын гуранъяссö.

Кор Эжва йылын дыр мунасны сувтса зэръяс, юыс заводитö туны да здук кежлö пыкö сьö усьысь Кулöм юлысь визувсö. Со тайö здукас ю кузя кывтысь лөп-ёгыс тыын моз заводитö сулавны öтилаян быттö кулöма. Та вöсна и юыслы тані олысь йöзыс сетісны Кулöм ю ним, а сы вом дорö пуксьöм сиктсö шуисны Кулöмдінөн. И, дерт жö, татчö медводдза овмöдчысь мортыс вöлі коми.

Өні, коді көть өтчыд оз волы татчө да видзөдлы сиктса джу-джыд нөрыс йывсянь Эжва юйывса вөр-ва вылас, сьөлөмас пыр жө чужас нимкодълун да сьыланкыв. А синъясыс сэк кості шымыртөны лөня визувтысь Кулөм юсө, Эжва бокса пармасө, ойдлан видзьяссө, тыяссө, ю бокас пуксьөм сикт-грездсө асланыс еджыд вичкоясөн да часовнясөн. И тайө сиктас волысь морт сэсса некор оз вермы вунөдны аддзылөм мича серпассө.

Джуджыд нөрыс вылө пуксьөм сиктө кыскө весиг ылі муысь мортөс тані пыр олөм вылө. 1818 воө татчө локтіс Иоаннөн шусьысь морт да сиктса йөзкөд өтсөгла-са сёрни бөрын овмөдчис орччөн. Недыр мысти төдмасис Анна нима коми нывкөд да гөтрасис сы вылө. Гөтырыс-лы эз кут кажитчыны верөсыслөн Иоанн нимыс да кутіс сійөс шуны Иванөн.

Тані олысьяс пөвстысь унаөн вөралісны, вотөс да тшак вотісны, чери кыйисны, сикт гөгөрсьыс пөрөдісны вөр, вөчалісны тыла муяс да көдзисны сю. Видзисны и гортса пемөсьясөс.

Том гозья эз жө кольччыны сиктса йөзысь да вөчисны выль муяс да видзьяс, көдзисны сю, вөдитісны град выв пуктасьяс, картаын да гидын видзисны пемөсьясөс. Куйөдөн вынсьөдөм нөрысвивса муыс сетіс бур урожай. Эжва юбокса ойдлан видзьяс вөліны турунаөсь. Том гозья эз төдлыны во гөгөр некутшөм дзескыдлун сёян-юанысь да паськөмысь. Иван новліс вурун носкиөн кыс да көті, а Анна гөтырыс вурун шөртысь кыөм сера чөрөсөн көті. Вөрө ветлывлігөн да гортын удж вөчигөн Иван пасьтавліс дөрөм-гач кындзи шабур, Анна гөтырыс чөвтліс ас вылас шушун. Быд лун, вөскресеньёысь да крам праздник-ясысь кындзи, том гозьялөн вөлі тырөма уджөн. Быд ногыс зільөмөн Иван да Анна чукөртісны овмөссө. Дерт, налы

и сиктсаяс корсюрё волевлісны помечён отсасьны. Тадзи олігён Иванлён да Анналён овмёсыс пыр ыдждіс да сөвмис.

1840 воё Иванлён семья пытшкын содіс уджалысь ки. Чужис пи, кодёс нимтісны Ёгорён. Сійё быдмис да сөвмис мича еджыд нитшка ягвывса гоб моз өдйё да лоис вын-йёра зонмён. Дас кык арёс тырттөдз на кутіс ветывлыны батыскөд лунтыр кежлө гортдорса парма вөрөд лэчкө шедөм пөткаясөс да зверьясөс өктыны. Нопйыс сылөн кыйдөссыс пыр жө сьөктаммыліс. Но Ёгор эз элясьлы. Пиньсө мурч курччөмөн да вомсө ве-кыштөмөн зілис ас кадө локны лэч туй вылысь гортас.

Дас нель арёсөн Ёгор отсаліс нин батыслы видз-му паськөдны да бурмөдны. Став семьянас сотлісны тылаяс да петавлісны сиктсалы отсасьны помечьяс дырйи чера уджьяс вөчны.

Дас квайт арёс тырөм бөрын Ёгор петавліс нин нывьяс діно войпукны да лыддис асьсө верстьө мортөн. 1860 воё Ёгор батыскөд да мамыскөд советуйтчөм бөрын сөвтіс ноппё лун-мөд кежлө кутшөмсюрё кос вөлөга да Куж сиктөд мунан туй пыр мөдөдчис Уллынаса манастыр кы-пөдысьяслы отсасьны. Пырис Микулай Архангеллөн вич-ко дзирья пыр стрөйтчысь манастыр йөрө да паныдасис сәні олысь Мөкей нима манаккөд, коді висьталөм серти-ыс вөлі манастырас бурдөдчысь пыдди да төдіс бурдөдысь быдмөгьяслысь вынсө, вермис на отсөгөн бурдөдны ви-сьөмьясысь да доймөмьясысь. Мөкейыд сёрни костас ка-зяліс, мый Ёгор сылыын абу пернаыс. Сідзкө нө, сійө вичкоын пырттөм на морт да сылы оз позь лоны манас-тыр стрөитысьөн. Мөкей том мортөс корис Ен нимсянь пыртчыны манастыр горулын курьяса ваё морөсөдз пы-ралөмөн, Ен нимсянь бүрсіөм примитөмөн да сылыас ыргөн перна өшөдөмөн. Мөкей нюжмасьтөг босьтіс Ёгорөс

киӧдыс, нуӧдiс куръя дорас да тшӧктiс зонлы пӧрччыны дӧрӧм-гачсӧ. Кор Ёгор колис пасътӧгыс, Мӧкей тшӧктiс сылы пырны ваас морӧсӧдзыс. Сӧсся бурсиӧм лыддиг-тырйи куимысь юрӧдзыс дзумгылис Ёгорӧс ва пытпкас, петкӧдiс берег вылас, сьылиас ӧшӧдiс ыргӧн перна да шуис:

— Ёгор Иванович, тӧ ӧнисянь нӧм кежлад лоин Енлӧн рабӧн да православной христианинӧн. А кутан кӧ коркӧ омӧльтчыны, пернасӧ аслад рӧдын кийсь киӧ сет дзоляджык мортлы, мед сийӧ новлас аслас сьылиас. Тайӧ лоӧ сылы Енсянь отсӧгӧн.

Тайӧ кывъясыс колины Ёгор Ивановичлы нӧм кежлас. Сийӧ сӧсся коркӧ ыргӧн пернасӧ сетас Анна невесткаыслы, Анна Григорьевна ӧшӧдас сьылиас аслас ӧтка Петыр пиыслы. И уна-уна во бӧрын Петыр сьылыын вӧли тьдовтчывлӧ ыргӧн пернаыс.

Ёгор Иванович ваын пыртчӧм бӧрын лоис православной христианинӧн век кежлас да кадысь кадӧ кутiс волывлыны монастырсӧ стрӧитысьяслы отсасьны. Сылӧн Мӧкей манаккӧд лоисны бур йитӧдъяс. Манак велӧдiс Ёгорӧс тӧдны бурдӧдчан быдмӧгъяслыс вынсӧ, кутшӧм висьӧмъясыс найӧ отсалӧны да кызди вӧчавны препаратъяс. Ёгоркӧд пыдiсянджык тӧдмасьӧм бӧрын Мӧкей пондiс тшӧкыда волывлыны Кулӧмдинӧ. Сиктса тайӧс казалисны да Ёгор Ивановичлы сетiсны Мӧкей прӧзвище. Тайӧ прӧзвищыс сибдiс сылы, сылӧн челядьлы да внукъяслы нӧм кежлас. А Ёгор Ивановичлӧн лои ыджыд семья. Анна гӧтырыс сылы чужтiс пиянӧс, кодъяслы пыртiгас сетiсны Микӧлай, Григорий, Иван, Миш, Василей нимъяс, а нылыслы — Анна ним. Налӧн нин мыйта сӧсся пияныс да нывъясыс лоисны, он куж весиг висьтавны. И ставныслӧн Мӧкей прӧзвищӧ. Бур али лӧк тайӧ? Код тӧдас. А лои нӧм кежлӧ збыльӧн...

Енмөн индөм ин

Античнөй йөзлөн уна Енлы эскөмыс пыр отарө важ-мис. Тайө языческой Енъясыс сэсся лоисны висетьясса да мифъясса геройсөн. Тайө эскөмыслы паныд отарсянь локтис некодлы гөгөрвотөм из ёкмыльяслы, пуяслы да синмад пырджык шыбитчана мукөд көлуйлы эскөм, а мөдарсянь чужис мөвп корсьны оти Енмөс, коді зьскө вермас веськөдлыны став мирнас, аслас збыль велөдөмөн йөз костын лөсьөдас колана пөрадок, вердас тшыгъялысьясөс, доръяс вермытөмъясөс. Тайө Еннас и лоис Иисус Кростос.

Миян странаын Иисус Кростослы эскөмыс воис Византиясянь Владимир князь дырйи на. Киевса княжествоөн христианской православной вера примитөм бөрын православной вичко отсаліс роч йөз пөвстын лөсьөдны бур политической да гражданской оласног, ёнмөдны семьякостса олөм, вермасьны языческой эскөмъяскөд. Православной вичко вайис роч муыввса йөзлы сэкся византийской культурасө. XII нэмсянь роч му вылын кутісны кыпөдны монастыръяс. Сэсся Иисус Кростослы эскөмыс кутіс паськавны роч му пасьтала луныввсянь ылө войыввса да асывввса муясөдз.

Комиын выль Енлы эскөмсө паськөдысьөн лоис Перымса Степан.

1379 воын Дмитрий Донской князьсянь сөглас да епископ Герасим Коломенскойсянь бласлөвитөм бөрын Степан лөсьөдчис мунны войыввса Коми муө. 1380 воын сійө катіс пыжөн Эжва кузя Емва ю вом дорөдз да тасянь кутіс ваө пыралөмөн пыртны Кростослы эскөмө коми йөзөс, кыпөдны православной вичкояс. 1383 воын Степан лоис епископ Стефан Пермскойөн. Тайө жө кадө воліс

Сыктыв ю вожё. Сэні кывліс, мый Эжва ю пёлөн пуксьём сиктъясын да грездъясын олысьясыс — язычникъяс да эскёны пусь вёчём Войпель енлы. Перымса Степан пуктіс ас водзас мог кайлыны Эжва ю кузя вылөджык да бөрйыны сэні бур ин, медым гажа нёрыс вылын заводитны кыпөдны манастыр, коді эськө вермис лоны вой-вылын олысь йөзлы духовной шөринөн. Дерт, эз регыдөн кыпты тані манастырыд. Ковмис та могысь уна во. Но век жё кузя-визяён лыбисны Уллыанаса манастырлөн стрөйбаясыс. Татчө кутісны воливлыны Эжва да Сыктыв вожсаяс, Печора ю йывсаяс да весиг чердынъсаяс, вяткасаяс, устюгсаяс.

Но кыпөдчысь манастыро волісны эз сөмын көсйысьяс. Мырдөн вайөдлісны татчө и вина юысьясөс медся сьёкыд уджъяссө вөчны. Локтысьяс пөвстысь өтияс манастырын олөмысь мынтысьлісны сьёмөн; мөдъяс — вайөмторъясөн; коймөдъяс — быд лунъя уджөн. Но ставөн мынтысьны, дерт, эз вермыны да та вөсна ёнджыкасө мынтысисны асланыс уджөн. Манастырын олысьяс ас кияснас сьөд вөр шөрын паськөдісны-лөсьөдісны видз-му, рөдмөдісны пемөсьясөс, кыпөдісны вичкояс да манастырса мукөд стрөйбаяс.

Мөкей Ёгор Кулөмдінсянь сідзжө воливліс кадысь кадө чера уджъяс вөчны да весиг ас вөчём полиспаств отсөгөн манастырсө стрөитысьяскөд лэпталіс көлөкөльняяс вылө быд пөлөс жыннъяс, кодъясөс вайлісны Екатеринбургской каналті ыджыд ва дырйи. Кор 1872–1876 воясө эштөдісны манастыр соборкөд орччөн 60 метр судта звөнича көлөкөльня, Ёгорөс гортас нарошнө волөмөн корлісны кыпөдны Демидовлөн мастеръясөн Невьянск карын 1739 воын на вөчём 1011 пудъя жыннъян. Ёгор пыр жө локтіс корөм сертиыс да ёртъясыскөд кыпөдіс

жыннянсö да ниа пуысь вöчöм, зарниён эжöм квайт метр судта крест.

1890 воын, кор кызвын уджыс Уллянаса манастырын кутіс лыддыссыны эштöмаён, Ёгор пондіс сэтчö волывлыны сöмын крам празникъяс кежлö, кыззыны сьылöмсö да аддзöдчывны Мöкей манаккöд.

А Кулöмдін воысь-во паськаліс да сөвмис. 1866 воын тані вöлі нин 169 овмös да 1025 олысь. Уллянаса манастырын медводдзасяньыс пондісны градъяс вылö пуктыны картофель, рöдмöдны гöрд рöма колмогорскöй пöрöдаа мöсьясöс да еджыд вуруна романовскöй пöрöдаа ыжъясöс. А 1890 воын Кулöмдінын воссис земскöй больнича. Тайö жö воö Кулöмдінянь Куж сикт пыр Уллянаса манастырö мунан туйöд Преображенньö лун кежлö мöдöдчис Мöкей Ёгор да Утка шор дорö воигөн аддзис дивö: шор гурансьыс енэжас веськыда кымөръясöдзыс кыпöдчö зэв югыд би кодь сюръя.

Ёгор чуймöмөн сувтовкерис да рöмдыны нин кутан кадас эз мун водзö, а пуксис кос вутш вылö да дивуйтчöмөн пукаліс лöнь ывла вылас югдытöдзыс. И сöмын асывнас чеччис вутш вывсьыс, матыстчис сэтчö, кытысянь кыпöдчис му пытшсьыс югыд би сюръяыс да вöчис пас. Та бöрын мöдöдчис манастырö. Сэні аддзылөмтор йывсьыс висьталіс тöдса нин Мöкей манаклы. Сійö зэв сюся кыззіс Ёгорös да котöртіс манастырса настоятель Матфей дінö. Мöдыс кыззіс жö Ёгорлысь аддзылөмтор йылысь висьтсö да шуис:

— Тайö Вежа Микöла Чудотворецлөн Преображенньö лункöд паныд петкöдчöмыслөн бур пас. Колö сэтчö кыпöдны часöвня. Утка шорса ваыс кутас Енлы эскысь висьысь йöзös бурдöдны. Ме часовнясö кыпöдöм могысь лöсьöда проект да вола Кулöмдінад.

Мод вежоннас нин сиктса староста Петыр да Павел апостолъяслон татчос вичкоса Олюксан попкод чукортисны скод. Сэни Утка шорса знаменнө йылысь кывзөм бөрын сиктса йоз өтсөгласон шуисны кыпөдны часовня Уллына манастырса настоятель Матфейлөн проект серти. Часовняыслы сетисны Микөла Чудотворецлысь ним. Уджсө котыртны индисны Ёгор Ивановичос. Сиктсаяс, кор төдмалисны та йылысь, окотапырысь кутисны вежласьны мөвпъясон, коді мый кутас вөчны часовнясө кыпөдөм могысь. Тайө жө онас Утка шор дорө вөв доддьяс ягысь ваялисны сись кодь веськыд керъяс. Джеджим-Парма гөраысь перйисны из да кыскалисны часовнялысь подуvsө вөчөм могысь. Часовня сруб пытшкас тэчисны кык морт-лы водөмөн төрана ванна сяма бассейн. Бурдөдчан ваыс сэтчө локтис шорсьыс ворга кузя. Часовня асыв-лун пе-льөсас Ен джеджийө сувтөдисны вежа Микөла Чудотворецлысь образсө. Часовня асыв стен бокас лөсьөдисны йөзлы киськасянин. Часовнялөн джеджид көлөкөльня вылас өшөдисны пуд джынъя жыния. Көлөкөльняыс помасьліс көртысь дорөм крестөн.

Часовнясө вежөдны 1905 воын воліс Уллына манастырса настоятель Матфей. Сийө лунсянныс Утка шорса Микөла Чудотворецлөн часовняыс уна йөзлы лои бурдөдчанінөн. Нөрпалысь йөз волісны татчө бурдөдчыны быдсяма висьөмъясысь. Шорса васө кисьтлісны и пемөсьяслы помөяс, кор найө висьмывлісны мыйөнкө.

И тадзи вөлі 1934 воөдз. А сэсся Рөштво рытьяө Ёгор Иванович дорө локтис Кужйысь сылы төдса морт да висьталіс, мый Утка шордорса Микөла Чудотворец нима часовняыс кушөдз сотчөма. Тайө неминучасө кывлөм бөрын Ёгор Иванович лөссьыс лэдзис көр кысөн пыдөсалөм вөралан лямпасө да веськыда ыб вывті муніс сотчөм часовня

дорö. Сылöм лым вылысь сійö аддзис Микöла Чудотворецлысь öбразсö, лэптис сійöс, вайис гортас да пуктис Ен джаджъяс Кростос öбразкöд орччөн. И сэки кыліс морöссьыс дой. Водліс. Куйлыштис, но бөр öдйö чеччис да ылöсас кодлыкö шуис:

— Сё мокасьтö, коді нö та ыджда грексö вермис ас вылас босьтны, öд Енмөн индöминас став мирөн кыпöдiм часовнясö. Сы понда и морöсын дойыс чужис да весиг вины вермас...

Олöмыс муно водзö

1901 вося декабрь 19 луно Мөкей Ёгор семьяын чужис пи, кодлы пыртігас сетісны Василей ним.

Ёгор Ивановичлөн бөръя пиыс батыс моз жö лунысь-лун быдмис, сөвмис да вынсяліс öдйö. Сэсся кутіс отсасьны бать овмөсас, кызди збыль көзяин. И, дерт, тайö пöрысьмыны нин да висьны заводитöм батылы и мамлы вöлі ыджыд радлун. Дас квайт арöс тырöм бöрын Василейлөн пашкыр юрсиа юрын кутісны бергавны медводдза радейтчöм йылысь мөвпъяс. А сідзсö сійö важөн нин казявліс, мый сы дорö кутісны сибöдчыны сиктса нывъяс. Зэв бура гөгөрвоис, мый нывъяслы кажитчöны сылөн кудриа юрсиыс да кельыдлöz синъясыс. Но тöждысьтöг да кыпыда Василей окасис став нылыскöд, кодъяс вöліны войпукса ворсан кытшын. И друг öтчид казяліс, мый сылы козьналö торйөн нин мелі видзöдлас да нюм Катыдпомса уна челядя Гермоген Гришалөн Анна нылыс. Анналөн войпукалысь нывъяс пöвстын пыр торъявліс гөлöсыс мичнас да горнас. Василейлөн сэки сьölöмыс вöлі дась чеччыштны морöссьыс. Сійö гусьөн аслас синъясөн

зілис паныдасыны Анналөн съод синкыма да кузь синлысьяса синъяскөд да нюмөн тыр вом доръяскөд. А кор Анналөн дзоридзалан чужомыс друг тырліс өмидз рёма банйөмөн, Василейлөн синъясас өзйыліс сэтшөм би, мый сійө эз төд, кытчө асьсө воштыны. Другъясыс сійөс сэки лэптылісны серам вылө чуньнас Анна вылө петкөдліг-тыр:

— Со, Василей, и тэнад невестаыд... Кыдзи сөмын гөтра-сян сыкөд, дзик жө пыр кага ноп кутанныд новлөдлыны сикт кузя...

Василей сөмын нюмдывліс:
— Весасьөй син водзысь, мый нө, меным оз позь весиг нывъяс вылө видзөдлыны?

Другъясыс бара пиньяссө жергөдлісны:
— Кор тэнад корасьысьясыд локтасны Гермоген Гриша ордад, пөжалуй, сійө өткажитас... Тэрмась, тэрмась, зонмөй... Кодкө вермас мырддыны тэнсьыд чой-вокөн озыр татшөм невестатө...

Василейс скөрмөдліс татшөм лөк ногөн серамыс. Другъясыслы паныд морөсас весиг лөглун пузыліс.

— Яндысьтөм синъяс,— скөра шыасьліс Василей на дорө да вешйыліс бокө. Сійө төдіс: Анналөн морөсыс юсьлөн кодь, восьласыс дозмөрлөн кодь, синъясыс варышлөн кодь, синкымыс низьлөн кодь... Но и зэв вежөра сійө менам...

Войпук дырйи Василей вөлі аддзө, мый Анналөн синъясыс руалөны пыр ёнджыка и ёнджыка сыкөд паныдасьлігөн. Синмө шыбитчана өмидз рёма чужөмө видзөдлывліс Василей, кор воліс ворсігас очередь окасьны Аннаыскөд. Но найө некоднанныс эз төдны, кыдзи висьтавны өта-мөдыслы та йылысь. Сэк жө зонъяслы и нывъяслы вөлі тыдалө, мый Василей да Анна тайө здукас вунөдлө-

ны вольной свет вывсьыс ставсö да вот-вот инмодчасны öта-мод дорас да сывъясьёмөн кутасны дугдывтөг окавны ёрта-ёртнысö.

Войпук бöрын Василей Аннаос пыр колльодлис гортöдыс вылыс туйод, Уллян шор пыр Борган шор вомөн кильчö пос дорöдыс. Анна муясывса ордым кузя мунигөн пыр кылис ас пытшсьыс, кызди Василейлөн сьолём чеччём шыыс вуджавлис сылөн морösö. Öтчыд Василей зэв ёна топöдис сийös ас бердас да гусьоникөн шуис:

— Анна, ме тэнö радейта садь быртöдз, радейта...

Анна немтор сэки эз вермы вочавидзны и сöмын кылис ас пытшсьыс, кызди биён сотыштисны сийös тайö кывъясыс. И кыкөн бара восьлалисны надзöникөн водзö. Эз удитны найö воны Уллян шор дорын сулалысь бадь кустьяс динöдз, кызди Василей друг сывъялис Аннаос, топöдис ас бердас да пöся кутис окавны Анналысь васод вом дорсö. Анна ньöти эз прöтивитчы, ачыс топöдчис Василейлөн морös бердö да гусьоникөн тиралана вом дорнас шуис:

— Василеюшко, öни меысь кöть көв гарт. Тэ меным олöмысь донаджык... Öд абу радейтана меным вольной светыс, кор тэ абу ме дорын матын.

И Василей радейтöмыс вöсна кызди код юра морт вочавидзис:

— И ме, Анна, эг ов эськö, эг сөй да ю, пыр эськö тэ вылö видзöдi, менам гулюй, да радлi, мый тэ эм му вылас...

Регыд мысти Василей да Анна венчайтчисны сиктса вичкоын да лоины верösөн да гöтырөн, а Кулёмдинса сиктсöвет налы сетис брак йылысь свидетельство. Тайö лои 1918 вöся июль 31 лунö. Свадьба лунö Ёгор Иванович дорö пыралис Улляна монастырса манак Мөкей да олис куим лун чöж. Сийö сэки и кывлис, мый Ёгор Иванович

дорө сиктсаяс шыасьоны Мөкей Ёгор нимөн, но немтор эз шу.

1917 воё сиктын керкаыс керкаё кутіс паськавны сёрни, мый Россияын лоёма выль власть, коді сетө мужичойяслы да нывбабаяслы воля, а озыръясөс бырөдө век кежлө. И кымын ёнджыка пуис сикт Россияса царөс шыбитөм бөрын, сымын крепыдджыка содіс кутшөмкө бур олөм вылө лача. Быдөнлөн, весиг дзормөм юрсиа нин мортлөн, юрас пөжсис кутшөмкө гудыр лачаа аслыс бур олөм лөсьөдөм йылысь мөвп. А кодсюрө шмонитісны:

— Царь дырйи челядьөс нывбабаяс чужтылісны и выль власть дырйи оз жө, гашкө, мужичойяс кутны челядьтө чужтыны.

Паныдасьлісны и сэтшөм йөз, кодъяс веськыда шулісны:

— Сиктсаяслы колө аслыныслы крестьянскөй депутатъясөс Советө бөрйыны, коді пондас кутны аслас киясын став местнөй властьсө...

Сиктса проповедник Васькин Иванлысь кодсюрө корлісны вочавидзны, мый висьталө өнія олөм йылысь Вежа небөг.

Куш плешка, еджыд тошка Иван Васильевич небөгсьыс корсьліс сылы колана лист бокъяс да лыддыліс сэтысь гижөдъясө, а сэсса гөгөрвоөдліс кывзысьяслы:

— Вокъяс да чойяс, кутшөм боксянь көть он матыстчы, а став тайө гижөдъяс серти тыдалө, мый воис нин антикрістлөн властьлы пом... Матысмө югыдсьыс-югыд сюрс вояс кежлө царство... Но колө терпитны миянлы, вокъяс да чойяс, терпитны...

1918 вося март төлысь заводитчигөн Василей батыслы шуис:

— Батьё, ме косья ас окота серти ветлыны ачымös йöz пöвстын аддзыны да муна Гёрд Армияö.

Анна гөтырыслы та йылысь висьталіс жö. Дасьтысьны туйö Василейлы эз ков дыр. Нопйö пуктіс рудзöг нянь чөлпан, пуём дас чипан кольк, кучик көшельö совтор, вит-ö-квайт лук, косьтём дас сукар, пачын косьтём некымын кусök кукань яй.

Мөкей Ёгор шыасьліс пиыс дінö тöдтём сибдём гөлөсөн:

— Но, пиö... Енмыс тэкөд. Сійö быд мортös бласлөвитö кузь туйö петігөн...

Василей пидзöсчанясьліс да копыртчыліс батыслы кок улөдзыс. Ёгор Иванович куимысь чөвтис пернапас. И кор Василей сувтіс кокъяс йылас, куимысь жö окыштіс писö. Накөд орччөн сулалысь Василейлөн Анна гөтырыс синвасö чышкалігтыр бласлөвитіс да окаліс верөссö.

Василей воськовтіс батыс дорö. Сійö видзөдліс пиыс вылө да бара шуис:

— Виччысь, пиукöй, лөк йөзысь, эн балуйтчы... Помнит, кутшөмтор вылө ас окота серти муна... Мыйкө кө лоö, бур йöz дорö сибөдчы. Прөстой йöz вöсна сулав...

Анна сыркъялөмөн чышкаліс нырсö водздөра помөн.

Василей öдйö көмаліс вöравны ветлан кыссö, пасьталіс шушунсö, босьтіс дасьтём нопсö да петіс керкаысь...

...Тайö онас Эжва ю горулысь «Гоголь» нима паракөдөн Кулөмдін сиктса кык судта керкаясö овмөдчөм Рөман вокъяс дорö карысь локтісны гөстьяс. Ок и гуляйтисны! Музыкаөн, сьылөмөн да йөктём шыясөн тырлісны кык судта уна öшина керкаясыс. Гөстьяс вайисны юөр, мый ва туй пуксьөм бöрын сиктсаяслы да грездсаяслы ньөбөм да вежлалөм вылө кутас воны уна быдсяма төварыс да чөскыд сөян-юаныс, весиг скипидар, динатурат да

одеколон висысыяслы зырасьом могысь. Ваясны пö вöралысьлы пищаль, пуля-порок, вөр пөрöдысьяслы пила-чер, велöдчысьлы, лыддысьысьлы да гижысьлы — тетрадь, перö, ручка, сись, лампа да карасин, самöвар дорын пукавны радейтысьяслы — выль мича самöвар, тшай, сахар, кöлач да преник.

Тайö вонас Кулөмдін сиктса войтыр Рöман вокъяс моз гажöдчөм вылö эз сетчывны. Сöмын вина да сур радейтысь морт гортсыс петавтöг видлывліс ас вöчөм курыдторсö. А омöлыс ыджыд сиктад вина да сур ютöг вöвлі и сідз уна. Дöваяс, кодъяслөн верöсьясыс пöгибнитісны война вылын либö вöралігөн, нывбабаяс, кодъяслысь верöсьяссö пуксьöдісны дзескыдінö либö мобилизуйтісны кутшөмкө фронт вылö, сикт кузя ветлігтыр мукöддырйи бөрдісны да ёрисны гора гөлөсөн озыра олысьясöс, а сідзжө найöс, кодъяс чукөртісны сиктса войтырлысь вот.

— Энö асьнытö синванад нюкыртöй, шөвктугыяс... Терпитöй... Ладмас ставыс, — шуавліс ас кежсыс Ёгор Иванович. — Энö бөрдöй... Лөсьыдджык и тэныд, Анна моньöй, лоö. Эн бөрд... Колö став лөксö ас вывтіыд нуны лөня, майшасьтөг...

Кулөмдінын вочасөн сөвмис сиктса сөвет власть, коді тöждысис пöрадок вöсна. Ёгор Ивановичлөн кулі гөтырыс. Сиктын эз кывны сыланкывъяс. Мужичöйяс да нывбабаяс кутісны вунöдны шөгсö асья кыасянь рытья кыаөдз уджөн.

Эз озыр тайö вонас вöв нянь кöдзалөн урожайыс. Но выль кадыс мужичöйяслысь восьтіс вомсыс каличсö. Кутісны быдсяма мойдсö да вöвлытөмторьяссö асланыс олөм-вылөм йывсьыс öта-мöдыслы висьтавлыны.

Коркө Ёгор Иванович пырис сёрөн нин рытнас чукөртчөм мужичöйяс дорö да гораа чолөмаліс найöс.

Мужичöйяс пиысь кодсюрö вочавидзис:

— Пуксы, пуксы мянкөд тшөтш да ваксы. Гөстьон лоан! И ас вөчөм винайдла котөртлы да гөститөд мянөс тшөтш!

Сөрни заводитчөм бöрын Ёгор Иванович висьталіс, кыдзи сійö уджаліс Улляна монастырын, аддыліс Куломдін мышсайса Утка шорысь дивö да сиктса йөзлөн скодывса индөд серти сэнö кыпөдісны Микөла Чудотворец нима часовня, кытчö воывлөны сиктса да грездса висысь йөз шорса вежа ванас бурдөдчыны.

— Төдам, төдам, Ёгор Иванович, та йылысь, и воывлам тайö часовняс, и купайтчам йөрданас, и ванас кыскасям, и юам васö.

Важөн нин горзісны вой шөр йылысь гортса петукьяс, а мужичöйяслөн сөрни-басни эз на матыстчы помланьыс.

Ольөксан Ногиев висьталіс, кыдзи сійö царскöй армияса генераллы денщикалөма и кыдзи сійөс генераллөн нылыс кутөма радейтны. Мужичöйяс ставөн нин төдісны, мый Ногиев тайö ставсö лөсьөдлө серам петкөдлөм могысь, медым сійөс окотапырысь кывзісны. Сәсея ставөн больгөмсö кывзігөн кызкө төдлытөг унмовсисны.

Коркө асьявылыс нин садьмисны мужичöйяс да надзөник разөдчисны гортаныс. А луннас сиктсаяс чукөртчисны Советö, көні председатель юөртис:

— Со мый, мужичöйяс, сиктö локтасны карса заготовительяс. Найö кутасны чорыд дон серти ньөбны сьом вылө нянь, пемөсьясөс да чипаньясөс. Ме тшөкта тиянлы отсавны тайö уджас. Вузалөй, мый кутасны корны. Төдөй, ставыс, мый ті вузаланнөд, мунас Гөрд Армиялы, коді чорыд тышьясөн зырö белогвардеечьясөс.

Йөз чукөрысь кодкө падмөдіс председательөс:

— А көн нө эськө өні сідз шуяна Гөрд Армияным? Көнөсь миян пиянным да зятъясным, кодъяс ас окота сертиыс мунісны Гөрд Армияас?

— Миян Гөрд Армия Урал гөра сайын, Кавказын, Украинаын, и быдлаысь вөтлө белогвардеечьясөс. Мужичөйяс да нывбабаяс, отсалөй Гөрд Армиялы няньон да яйон, мыйон верманнды, — гораа шуис недыр чөв олыштөм бөрын сиктсөветса председатель.

И со Кулөмдін сикт кузя кутісны ветлөдлыны заготовительяс. Мый вөчан? Кытчө воштысян? Быд морт сьөлөмлы вөлі деливө воштыны нянь запас да пемөсьясөс. Но колө отсавны казналы. Татшөм кадыс. Сикт дзоньнас злөдчөмөн лөнис. Весиг понъяс эз увтны. Челябиньд ывла вылысь вошисны. Коді удитіс, вузалис лишалана няньсө, а пемөссө дзевис вөрө. Сикт лои унзіль морт кодь. Но ни мужичөйяс, ни нывбабаяс эз вермыны узыны тайө лун-войясө. Сьөлөманыс вөлі ыджыд майшасьөм. Ёгор Иванович Анна моньыскөд шогсисны Василей понда.

Быдторсө мөвпаліс Ёгор Иванович, кыліс аслас пөрысь сьөлөмнас Анналысь төждъяссө да кутіс велөдны сійөс бурдөдчан быдмөгъяслысь вынсө төдмавны да наысь вөчавны препаратъяс, мый йылысь Ёгор Ивановичлы коркө төлкуйтліс Улляна монастырса Мөкей манак. Анна окотапырысь кывзіс Ёгор Ивановичөс да вөчаліс препаратъяс да кодсюрөлы сиктса висъысьяс пиысь отсөг сетліс ас вөчөм сөзваөн. Мый татчө шуан? Мөкей Ёгор да сылөн Анна моньыс бур сьөлөма йөзөн вөліны.

Сійө кадсяньыс, кор Василей муніс Гөрд Армияө, кольны кутіс нин нельөд во. Тайө кадө Муыс нельөдысь нин пондіс кытшовтны Шонді гөгөр. Нельөдысь енэжыс кутіс бөрдны кодзыд зэр вөйтъясөн Мулысь вирөсь дойяссө

мыськигтыр. Нельодысь нин Муыс удитіс шебрасьны еджыд эшкынён.

Гөрд Армия вөтліс Петроград дорысь да Россиялөн Вой-вылысь белогвардеечьясос. И со 1921 вося март төлысьö Анналөн Василей верөсыс нем виччысьтөг локтіс гортас. Восьтіс керка өдзөссө кузь тушаа, кок шегъяс дорөдзыс кузь руд шынеля, вит пома гөрд звездаа шлема, бакилө сапөга морт. Эз на удит турунвиж рөма нопсө пөрччыны мышку сайсьыс, а Анна гөтырыс вөлі нин сылөн сывйын. Василей локтіс дзоньвидзаён. Вайис батысьлы и Аннаыслы козинъяс. Нопсьыс перйис кузь сыръя гөрд дзоридзьяса кашемир чышьян, плавгис Анналы пельпом вылас. Батысьлы мыччис лөз сатин дөрөм да петкөдліс наградной лист, мый Гөрд Армияса командование аттьө-алө красноармееч Василий Егорович Липинөс смеллунысь да кужөмөн тышкасьөмысь.

Сэсса нопсьыс перйис нель зэв ыджыд сакар кусөк, куим плитка тшай, дас истөг көрөб, еджыд няньысь косьтөм сукар, печенньö пачка да монпансье тыра жөч банка.

Сөветскöй власть сиктын ставсө өткодяліс: мужичöйөс и нывбабаөс. Öні ставлөн вөлі бөйысян гөлөс... Анна суседкаяслы шуис:

— Со, аньяс, вермим терпитны да виччысьны и ми асьыным правоясьнымөс... И Василей менам гортө воис бөр дзоньвидзаён война би пыр мунөм бөрын да выль мөвпъясөн.

— Мый нө эськө тэнад Василеюшкоыд Петроград йывсьыс висьтавлө? — чужліс сиктсалөн сёрни костын юалөм.

Анна шевкнитліс кинас да ставлы өтитор вочавидзліс:

— И-и, шөвктугъяс! Он вермы өтпырйө ставсө висьтавны. Волөй коркө прөст кадө асьныд Василей дорө да

кывзöй сылысь помтöм-дортöм висьтсö. Öтитор гөгөрво-ана: öнi и ми асьным кöзяинъяс, асьным кутам лöсьöдны асьыным олöм слöйсö.

Нывбабаяс кывзисны. Сэк жö налы вöли окота стöчджы-ка тöдмавны, мый сетö сиктса йöзлы Сöветскöй власть-ыс. Но Анна öдийö мунилс на дорысь, тэрмасигтыр шулис:

— Некор. Правлениеö колö котöртлыны. Ветлöй, до-наяс, митинг вылö да асьныд кывзöй...

Митинг вылö локталисны зэв унаöн. И Сöветлөн керка дор вöли тырöма йöзөн. Локтисны весиг озыра олысь Рöман вокъяс. Найö удитисны нин ас костаныс сёрнитчыны, мый лöк кö сиктса Сöветö бөрйысьöм, вöзъясны асьнысö.

Весь эз овны и быдторсö медводз тöдысь сиктса че-лядь да тшöтш матыстчисны Сöветлөн керка дорö.

Митингсö восьтис кильчö вылö петöм бöрын ачыс сикт Сöветса председатель Кочанов керкадорса луд да улича вылас сулалысьяс да пукалысьяс дорö шыöдчöмөн:

— Ёртъяс! Кулöмдин сиктын медводдза сöветскöй ми-тинг лыддя восьтöмаөн. Митингсö нуödöм могысь кора вöзйыны президиумö кандидатъясöс.

Сиктсаяс эз гөгөрвоны, мый корö насянь председате-льыс. Чöла сулалисны да видзöдисны сы вылö. Сэки кодкö кильчö вылас жö сулалысьяс пöвстысь гораа кутис лыд-дöдлыны:

— Иван Кочановöс, Öльöксан Ногиевöс, Микола По-повöс, Ёгор Турьевöс!

Председатель öвтыштис кинас. Горзан шыяс лөнисны.

— Кодi тайöяс вöсна, лэптöй кинйтö!

Сиктсаяс öтсöгласөн ставныс кыпöдисны кияснысö.

— Öнi босьтчам уджö,— водзö шуис председатель.— Медводз казтыштам война вылын пöгибнитöмъясöс. Мöd сёрнитанторйөн лöк Кулöмдинын Сöветскöй власть индöм.

— Бөрйысьömөн колö тайöс нуöдны, председатель ёрт,— шыасис кодкö Рöман вокъяс пöвстысь.

— Революция дорö из сьöлöма да няйт киа йöз сибöдчöны да сиктса Сöветсö ми öнi урчитам асьным. Индам сэтчö миянөн пыдди пуктанаясöс бөрйытöг,— вочавидзис председатель.— Энö майшасьöй. Сöветын уджсö кутасны нуöдны сöстөм сьöлöма войтыр.

Сöветö йöзöс урчитөм бöрын кулөмдинсаяс эскисны, мый сиктын ставыс лоö тöлка-лада. Сиктса Сöвет пондас кутчысьны революцияөн лöсьöдөм декретъясö.

Сиктса Сöвет урчитiс нель мортысь милиция. Сийö корис сиктса став олысьöс кутны бур пöрадок, кöсйысис стрöга сулавны крестьяна да рабочöй дор.

Митинг бöрын недыр мысти паракодөн Кулөмдинö карсянь локтiс сикт Сöветсалы тöдса нин Минин ёрт да котыртiс большевикъяслысь ячейка. Сиктын сэки мунлiс сёрни, быттьökö Минин кодсюрököд сиктса пиысь сёрнитчöма да большевикъяс партияö пырны тшöктöма. Сэки жö лои тöдса, мый большевикъяслөн партияö пырны позьö ас окотаысь да сiдзжö ас окотаысь тышкасьны Му шар пасьтала коммунизм вöсна.

Тайö воясö сиктса джынсьыс унджык овмöсыс вöли рözöритчöма. 1922 вося тöлын сиктса уна семья пытшкын эз коль амбар йöртöдъясын ни öти нянь тусь. Унджык пемöссö да чипансö тшыгъялөм вöсна лои сёйöма. Гидъяс да потшöсьяс сотiсны пес пыдди. Сиктса войтырлөн важмис да шогмытöмөдз киссис паськөмыс. Эжва ю горулысь катыдö эз кутны вайны некутшөм төвар.

Кужысь нывбабаяс, кыз мый вермисны, важмөм көлуйсьыс челядьлы, мужичöйяслы да аслыныслы вьльмöдалiсны новлыны позянторъяссö. Большевикъяс да сикт-сöветса членъяс эбöс воштытöдзыс вöли тырöмаöсь

уджөн. Зэв тшөкыда найö чукöртчылісны сёрнитыштны сьöкыдлунъяс венан туйяс йылысь.

Матыстчис тулыс. Рёспута да ытва дыр кежлö ородісны Кулöмдін сиктöс став мирсьыс. Дона вöлі сиктсалы быд час. Сикт Сöветса да партъячейкаса членъяс дугдывтöг нуöдісны сөвещаниеяс да шуисны Мининöс мөдöдны карö, медым сійö сэні төдмаліс, кыдзи позьö öдйöджык петны тайö сьöкыд да голь олөмсьыс. А кор сійö локтіс бөр, ставлы лои төдса, мый Россияса областьсын сиктса йöз кутісны котыртавны видз-му вөдитан коммунаяс. И со öти сөвещание вылын Минин шуис:

— Ковмас и миянлы босьтчыны тайö зэв колана удж бердас. Колö миянлы, ёртъяс, сёрнитчыны, кыдзи крестьянинлы отсавны. Та могысь Кулөмдін сиктын мукөд областьсын моз колö котыртны видз-му öтув вөдитан коммуна. И озыра олысьяслысь, кодъяс озырмөдчөм могысь медалöны йöзöс да нартитöны, ковмас бордъяссö чинтыштны. Оз позь жö рөзöритчөм крестьянинлы тшыглы кувны... Ичöt челядь талун весиг тшыгъялöны!.. Сикт Сöвет да партъячейка вөзийöны со мый: сійö крестьянаыс, кодъяс олöны судзсьöмөн, мед голь овмөсьяслы сетасны öти вөлөн да лысьтан мөскөн. Татшөм ногөн жö мөгмөдны и нянь кöйдысөн.

Мөд луннас нуöдісны митинг. Сиктса Сöветөн лөсьöдөм индөд серти милиционеръяс да Сöветса членъяс заводитісны ветлөдлыны Кулөмдін сикт кузя Кывтыдпомсянь Катыдпомөдз. Милиция отсөгөн заводитісны мырддявны сиктса озыра олысьяслысь пемөсьяссö да нянь кöйдыссö. Сэсся кык лун чөж юклісны чукөртөмсö гөльяслы. Дерт, зыктöг эз вермы мунны тайö уджыс. Но гөльяслы отсөгыс вöлі төдчана.

Сьөлөмсяньыс уджалісны крестьяна асланыс гөра-көдза

муяс вылын. Ӧдйӧ гӧрисны да кӧдзисны. Дьӧбӧ эз кольны и дӧваяс. Но сиктсаӧс майшӧдлыны кутіс дыр нин нюжалысь кос поводдяыс. Нянь кӧдзаяс да град выв пуктасьяс петалісны зэв бура, но заводитісны нюкыртчыны да урӧсмыны. А енэжын эз мыччасьны кымӧртгорьяс.

Кодсюрӧ кутісны нин панны сёрнияс, мый войдӧр татшӧм поводдя дырйи котыртісны молебен, ветлӧдлісны гӧра-кӧдза муяс пӧлӧн да корлісны Енлысь отсӧг. Та бӧрын шливгыліс лун-мӧд. И став петасыс ловзьыліс да вежӧдліс. Но тайӧ сёрнияс бӧрас сиктын кыптыліс вензьӧм, мый ставсӧ ӧні колӧ вӧчны наука серти. И эз сӧмын олӧмаяс, но и том йӧз костын кутліс кывны кык лагерлӧн вензьӧмыс.

— Немтор попыд оз тӧд!— шулісны ӧтияс. Мӧдьяс содтылісны:

— А мый, колӧкӧ Сӧвет власть да наука кутасны лӧсьӧдны поводдятӧ кутшӧм колӧ мортыдлы.

— Сотчасны таво нянь кӧдзаясыд... Накажитӧ йӧзӧс Енмыд.

— А тӧданныд мыйла? Сисьтӧ сувтӧдтӧмысь тшук. А колӧкӧ большевикьяс понда тайӧ...

Но друг кытыськӧ ӧти асылӧ енэжас тыдовтчисны руд кымӧрьяс да парма пытшсянь кутіс пӧльтны тӧвру. И кутіс шливгыны зэр. И сэки сиктса нывбабаяс ыджыд лачаӧн видзӧдісны енэжӧ да долисны:

— Видзӧдлӧй, видзӧдлӧй, аньяс! Кымӧрьясыд тыртісны енэжсӧ. Гашкӧ, енэжвивса царица-матушкаыд ыстіс миянлы спасенньӧсӧ.

И тайӧ гожӧмнас эз на ӧтчыд парма весьтӧ чукӧрмывлыны кымӧрьяс. Эз на ӧтчыдысь чардав да гымав войяснас.

Пыр тшӧкыджыка сиктсаяс костын кывсьыліс сёрни, мый регыд локтасны карса большевикьяс няньла да

мырдөн кутасны ректыны сиктса войтырлысь йөртөдъяссө бөръя нянь тусьөдзсыс. Весиг кыйдыс вылө оз кольны. Уна сёрни вөлі и коммунизм йылысь. Өтияс шулывлісны, мый Россияса коммунаръяс мукөдлаас уджалоны да олоны бура. А мөдъяс сэк жө содтылісны, мый коммунаръяслөн олөм абу ошкана, а мужичөйяс да нывбабаяс узылоны өти шебрас улын. Пөль-пөчьяс тайө висетьяссө кывзөм бөрын сьоласисны да содтылісны, мый регыд лоас Страшной суд.

Василей ас пытшсьыс кыліс, мый татшөм ногөн сиктса олөмыд вермас вайөдны тшыгъялөмөдз. И ёртъясыскөд сёрнитчөм бөрын пырис уджавны паракодствоө. Тулысыянь йи сувттөдз ректіс паракодөн вайөм баржаясысь быдсяма груз. Сэнө Василей уджаліс 1926 воөдз. Сэсся сьөкыд уджсьыс зэв ёна висьмис коснас. Сиктса фельдшер Елькин шуис сылы, мый вөрзёма коскыс. А батыс, Мөкей Ёгор, бөрийис мича гожся лун, Анна моньыскөд Василейөс сөлөдіс вөла доддө да вайис Кармылькйө. Сэсся кыкөн пөрччөдөм Василейөс водтөдісны кодзувкоткар вылө. Муртса и куйлыштис сэнө Василей. А кор чеччис, сылөн коскыс вөлі кисьмөм өмидз рөма. А рытнас батыс ломтіс зэв жара пывсян да кос жарас швачкөдіс пиыслысь коссө ныв пу да тусяпу лыскысь вөчөм корөсьөн. Гортас пырөм бөрын Ёгор Иванович сетіс пиыслы ыргөн көшө кисьтөм ас вөчөм ма сора тагъя сур да тшөктіс юны да юөм бөрас куйлыны паччөр вылас важ ош ку вылын. Василей унмовсис да узис сутки чөж. Чеччөм бөрас батыс тшөктіс петны пес видзан гидняө да поткөдлыны медся винөв да увйөсь пес чуркаяссө. 1928 воө Василей ёртъясыскөд арсяньыс кайис Ньюмыдө сортовка кер лэдзны...

Код сэсся төдас, мыйысь сійө татшөм өдийө бурдіс кос висьөмсьыс. Больничаян эз вөв, укольяс да лекарствояс

эз примит, а висьомсö эз кут кывны. А öд батьсö сылысь Улляна манастырса Мөкей манак на велöдліс висьысь-ясöс бурдöдны. И со бурдöдісны Василейöс, гашкö, батьыслөн Ен дорö бур сиана кывъясыс да вөр-ва йылысь тöдöмлунъясыс.

Василейлөн Ньюмыдö мунöм бöрын Анналы лов вылас лои гажтöм. Сійö тшöкыда кутіс кайлыны Ньюмыдö Василей дорас да лун-мöдöдз овны вөр лэдзысьяскöд öтлаын вонійö Василейкöд сайöдчöмөн. Таöдз мөвпаліс, мый тайö торійöдчöмыс лои Василейöс радейтöмлы пом. Но кызди сöмын кутіс волывлыны вөр лэдзанінö да овны Василейкöд öти баракын, Анналы бара лои нимкодъ сьölöм вылас. Анна вöлі дась став йöз дырйиыс шыбитчыны Василей сывійö да окавны сылысь водз тувсов шонді югөръяс улын гожъялöм чужöмсö помтöг.

1930 воö Кулöмдінын кутісны котыртны «Сталинеч» нима колхоз. Василей Анна гöтырыскöд да батьыскöд пызан сайын пукалігөн юаліс батьыслысь, позьö-ö налы пырны колхозö. Ёгор Иванович вочавидзис:

— Тіянлы, том войтырлы, кевны тайö аслыспölös олö-мöдыс и, дерт, йöзысь бөрö кольччыны оз кв. Мунöй сиктса войтыркöд öтлаын и пыр лоій пыдди пуктана йöзөн.

Мöд лунас Василей Анна гöтырыскöд пыралісны колхоз правлениеö да сетісны колхозö пырöм могысь шыöдчöм. Председатель Öльöксан Попов найöс пасйис и Василий Егорович Липин да Анна Григорьевна Липина лoисны «Сталинеч» колхозса членъясөн.

Василей тулыснас, гожöмнас да арнас Анна гöтырыскöд уджалісны видз-му вылын ставкöд öтлаын, а тöвся кадö Василей ёртъясыскöд пилитіс колхозлы тьöс-плака да брус, стрöитіс гидняяс, гидъяс, картаяс, рынышъяс да гум-

лаяс, нянь видзан амбарьяс. Найо жө кыпөдісны сиктса больничалы стрөйбаяс. Колхоз лэдзліс найос тулыснас и кар горулө сортовка кер тыра пурьяс кылөдны.

Кулөмдін сикт паськаліс да озырмис. Уджысь некод эз пов. А рытнас сьөкыд удж бөрын лунся шыясыс өдйө лөнълісны. Дугдылісны весиг увтны поньяс да баксыны ыжьяс. Эз узьсыс сөмын Ёгор Ивановичлы. Сійө лөсьөдчис ветлыны Куж сикт туй кузя Уляна манастырө да копыртчывны манастырса кольөм стрөйбаясыслы, казтыштны, көні да мый сійө удитіс вөчны манастырсө стрөитігөн. Куйліс өти войө сарайын сылы зэвтөм вонйын да друг кыліс гым шы. Чеччис вонсьыс, матыстчис сарай стенас писькөдөм өшинь розь дорө да аддзис, кызди чардби ньөвйыс лэбис сикт весьтті, югдөдліс ывла вывсө. Ёгор Иванович кывзіс гымлысь шыяссө. Сулалыштіс да бөрпырис вонйө узьны. Кутіс надзөникөн унмовсьны... Но матын, дзик керка вевт весьтас, бара кыліс пель чунөдана гым шы, кодысь дрөгнитліс керкаыс и муыс. Ёгор Иванович вөлі куйлө гатшөн да өдйө чөвтис пернапас Ен дорө шыөдчөмөн:

— Бласлөвит миянөс, Енмөй, да прөстит...

Олөмыс томмө

«И шуис Ен югыдсө лунөн, а пемыдсө войөн»

(Вежа небөгьсы)

1932 вося июль 10 лунө Василей Егоровичлөн том семьяын чужис пи. Пыртісны сійөс сиктса православнөй вичкоын да сетісны Петыр ним.

Батыс Петырлөн вөлі шөркодъ тушаа, паськыд пель-помъяса, раминик оласнога мужичöй. Мамыс, позьö весь-кыда шуны, вөлі сиктас медся бур да йöзкөд ладмөдчысь мортөн. Сийö төдiс мортлысь сьөлөм дойяссö да эз лэдзлы керкаысь тыртөм киён корысьлы петны. Суседъяскөд пыр мелі кывъя. И некод некор эз кывлы сысянь гора скөр гөлөс шы. Батыс и мамыс Петырлөн пыр вөліны колхоз удж вылын. А пöльыс, Ёгор Иванович, видзис Петырөс. Петьö кольліс пöльыскөд кык сёр костö лайканö öшөдөм потанö. И кор кага кутліс ёна бергавны да ружтыны, сы дорö матыстчыліс Ёгор пöльыс да вежліс котасьөм рузумсö. Сэсся босьтліс рудзөг нянь шөрөмысь шөрсö, няклявліс, вөчліс сысысь дөра нень да суйліс дзоля внукуыслы вомас. Тайö ас вөчөм пөтөса неньсö кага зэв азыма заводитліс нёнявны. Быдмис вынйөраөн да гажа мортөн. И кор сы дорö матыстчыліс батыс либө мамыс, заводитліс вашъявны да весиг гораа серавны. А верстыöлы таысь вөлі нимкодъ и лача, мый быдмысь мортыс лоö аслас олөмын зэв вежөраөн да шог төдтөмөн, корсяс аслыс бур туй.

1934 вося март төлысьын Ёгор Иванович кутіс зэв сьökыда нёрпавны да элясьны морөс дой вылө. Анна моньыс эз кольлы айкасö отнасөн, лөсьөдліс бурдөдчан быдмөгысь сөзва да юктөдліс висысьсөс тайö ванас. Но висьöмысь пыр öддзис, и Мөкей Ёгор 1934 вося март төлысь помын муніс мөдар югйдö. Сийö коліс ас йывсьыс бур казьтылөмъяс рөдвужыслы да сиктса йөзлы. Мөкей прөзвицöнас сьылөдіс бөръя туйö петкөдігөн кильчö пос помас сиктса проповедник Васькин Иван, кодөс недыр мысти йөртісны сиктса Петыр-Павел вичкоса Ольөксан попөс моз дзескыдинö. Дыр вөлі Кочмөсса лагерын. Реабилитируйтөм бөрас воліс гортас, но регыдөн кувсис.

Ёгор Ивановичос став мирон дзедом бөрын Куломдин кутис быдмыны да сөвмыны выль керкаясон да овмосьясон зэв одйө. «Сталинеч» колхоз пыдди котыртчис «Выль-ног» нима колхоз, код улө пырисны Макар, Олеш да Няр сиктъяс ыбывса да увтасса гөра-кодза муяснас да Эжва юбокса видзяснас. Колхоз кутис кодзны быдсяма кодзасө. Колхозса председательон лои Иван Николаевич Чаланов, зэв вежөра морт, коді бура төдіс сиктса видз-му овмос, йөзөс да сёлөмсяныыс төждысис колхозса войтыр да овмос понда. Василий Егорович да Анна Григорьевна во гөгөр чукөртлісны уна трудодень и во помассьом бөрын колхозысь босьтлісны додь тыр мича нянь, пемөсьяслы (мөслы да куим-ө-нөль ыжлы) турун, идзас да жуг, мый гозьялы тырмыліс юр вывтис да весиг мыйсюрө кольлі уна челядя да гөля олысьяслы сетөм вылө. Гажаа олісны ыджыд, уна өшиньяса, югыд да эмбурөн тырөм кырйивса керкаын Мөкей Ёгор Вась гозья асланыс өтка Петыр пиыскөд, коді 1940 вося сентябрь 1 лунө ас коддьом челядыкөд локтис сиктса начальной школаө да кутис велөдчыны медводдза классын. Одйө төдмасис шыпасьясон да лыдпасьясон, пондіс лыддысьны да артасьны, мөд классын велөдчигөн школаса библиотекаысь кутис босьтны лыддыны небөгьяс да гортас сәні гижөдьяс йылысь висьтавлыны батыслы да мамыслы. Радейтис видзөдны парта сайын өтлаын пукалысь Сене Петыр Анют вылө да мамыслы висьталіс, мый найө гөтрасясны. Но Анна Рассыхаева висьмис скарлатинаөн да куліс. Петыр велөдчысьяскөд воліс колльөдны нывкаөс да бөрдис. Бөрдис и гортас локтөм бөрын. Од радейтана морт эз ло. Парта сайын кутис пукавны мөд морт.

1941 вося гөжөм шөрнас заводитчис Великой Отечественной война. Сиктса йөзлы воис ыджыд шог да син-

ва. Анна Григорьевналысь медводдза лунъяснас война вылө нуисны вокъяссö: Миколöс, Мишöс, Иванöс, бöрын-джык Васьöс. Пöрысь нин Гермоген Гриша да Як Марья колисны медся ичöt челядыскöд: Öльöксанкöд да Лизакöд, кодъяс бать-мамыслы отсалісны гортса удж вöчны. Кутіс кольны война заводитчöмсянь медводдза во, но сійö пыр ёнджыка и ёнджыка öддзис. 1941 вося декабрь 27 лунö Петырлысь батьсö босьтісны фронт вылө.

Сійö лунас ывла вылын вöлі швачкакылан кöдзыд поводдя. Но та вылө видзöдтöг армеечъясöс сөлöдісны рöзваль додьясö да Носим сикт пыр нуисны Эжваса горулö юркарлань. Кывсьыліс и кынмалöмъяс йылысь, но унджыкыс воисны веськыда места вылас да воюйтісны немечьяскöд. Сэк жö сиктса нывбабаяслы тайö котырсьыс воис верöсылөн пöгибнитöм йылысь эз этша юөр. Воис татшöм юöрыс и Петырлөн мам Анна Григорьевналы. Сылөн верöсыс пöгибнитіс Старая Русса кар немечьясысь дорйигөн да дзёбöма карса му пытшкö 1942 вося февраль 22 лунö. Петырлөн мамыс тайö юөр бöрас дыр кад чöж эз вермы лөньöдны асьсö. Но шөгсö вермис и пиыслы шуис:

— Пиöй, тэ öні меным лоан батьыд пыдди и ас пыдди-ыд. Ковмас тэныд школаса каникулъяс дырйи босьтчыны меным отсасыны горт гөгөр удж вöчны да корсюрö öтлагын колхозса уджъяс вылын трудоденьяс нажöвитны.

И Петыр эз öткажитчыв некутшöм уджысь. Первойсö сортучастоклы дубövöй пöвйысь вöчаліс биркаяс, а сэсса пожöм пöвйысь зіліс вöчавны ярлыкъяс. Кор сюрліс стрöка, отсасис колхознöй кузнечаын немöй Сенялы дзоньтавны телегаяс, куртан да ытшкан машинаяс. Петырлөн кйясыс да синъясыс матыстчылісны и кöдзан да вундан машинаяс дорö, мамыслы важ розя көрт ведраысь вöчаліс нянь пöжалан рачьяс. Вермис дорны пурт.

А гожся кадө, кор Эжва юпөлөнса видзьяс вылын водз асывсянь сёр рытөдз вирдалісны пöльяслөн да томиник зонъяслөн дзоридзьясөн серпасалом дөрөмъясыс, эзысь рөмөн дзирдалісны косаяс, видз кузялаяс ытшкысьяс бөрся нюжөдчылісны коса улө сюрөм турун лэдзьяс, том зонкаяс коластысь позис аддзывны пашкыр юрсиа детинкаос. Тайө вөлі Анна Григорьевналөн Петыр пиыс.

А рытнас видзвывса чом дорын сотчысь бипур дорө чукөртчылісны видз вылын войколөн уджалысь зонъяс зонпосникөд да нывъяскөд. И на пөвстын вөлі пашкыр юрсиа Петыр. Но бипур дорын да Эжва ю кыр йылын оз вөлі кывны война лунъясө том йөзлөн сыланкывъяс. Эз кыв и гудөкасьөм шы. Пöльяс да пөчьяс тайө шөгөн тырөм война дырся лунъясө эз лэдзны том войтырлы вөр-ва пөвстын сывны ни йөктыны. Сьөд сьөкыд занавесөн Куломдін вылө өшөдчылісны война дырся лунъяс. Некодлы төдтөм водзө олөм вөсна страк. Ставныс сиктө кольөм йөз виччысисны некодлы стөча төдтөмторьяс. Пöльяс да пөчьяс тшөкыда некутшөм помкатөг кутлісны зыксьыны, ас костаныс пинясьны, лөглунсө уськөдлісны том йөз вылө, кор зонъяс да нывъяс кыр йылын пондылісны сывны либө ворсны. Уна скөр ёрччана гөлөсьяс том йөз кывлісны мамъяссяньыс: «Ок-ок-ок! Кылө менам сьөлөмөй, оз ло тайө олөм дырйи бурыс...»

Нельөд классө Петыр помаліс похвальной листөн да вуджис велөдчыны шөр школаса витөд классө. Гожөмнас зэв лөсьыда ытшкис верстыө йөзкөд өтлаын видз вылын веж турунсө гөрбуш косаөн. Недыр мысти пуксис куртан машина вылө да куртіс шонді улын косьмөм турунсө лэдзьясө. Петырлөн куртан машина вылас уджыс артмис бура, и Домна Гриша бригадир бур уджысь Петырлы куртіс козынавлыны «Аврора» сигарет пачка либө «Прибой»

папирос пачка. Тадзи Петыр заводитіс куритчыны. Дерт, мамсыс да йозсыс гусьон, бадь кустьяс пөвстө пыраломон либө вөр діын. Но сылөн ертьясыс төдісны Петырлысь дзебсясьомсө да мукөддырйи волісны сы дорө, корисны кыкыштны чөскыд дука табак тшынсө. И Петырлы эз вөв жаль. Сетліс папирос помсө дзоньнас.

Купайтчисны зоньяс да нывьяс торйон бадь кустьяс сайын пөрччысьомон. Нывьяс Эжва ляпкыдінас пыравлісны ю шөрөдзыс да дөзмөдісны зоньясөс:

— Эй ті, кержакьяс, мый поланныд ваас пырны ылөджык!

Зоньяс вочавидзлісны налы:

— Ланьтөй, вакулыс кыскас тіянөс йирас!

А нывьяс налы:

— Ми ог полөй, ми повтөм рөдысь!

Нывьяс шмонитөмөн шуасисны зоньяс вылө. А зоньяс сіджө. И тадзи вөлі пыр, кор найө пондылісны купайтчыны Эжва юас.

Петырлы төдса Саньө нима ныв некымынысь нин варччыліс сы дорө, сунласис сы дорын, вомас босьтөм ваон резсис да дөзмөдчис:

— Эй, Петрөван, видзөд — вөя!

И бара суныштас.

— Но и вөй!— веськодя шуліс сылы Петыр, но зэв сюся видзөдіс нывлөн кикимеритчөм вылө.

— Жалитны пондан, Петьө!— горөдіс ныв кинас ваас кучкалігмоз.— Дорйы, Петьө!

— Ог көйы весиг!— сы вылө видзөдігмоз шуис Петыр.

— Эй, Петыр, эн синтөммы? Мый нө синтө чашкөдін ныв вылас? Вай өти «Аврора» сигарет!— горөдіс кодкө зоньяс пиысь.

Петыр дözмытöг вочавидзис:

— Абу тiян мог. Асьныд эн синтöммöй. Сигаретыд гач зептын. Босьтöй кöть ставсö.

Ныв варччис Петыр дорö. Кодi танi сылы кутас мешайтны Петыркöд ворсны. А, гашкö, яндзимыс, мöвпалiс сийö. Кутшöм нö яндзим яндзим тöдтöм нывлөн.

Эжва ю кузя паськалiс нывъяслөн да зонъяслөн серам шы. Но та вылö некод эз шензьи. Дыр на нылыд плавъялiс ва вылас да сунласис Петыр водзын.

Рытнас бипур дорын матыстчис Петыр дорö да шуис:

— Ме кывлi, Петыр, мый тэ полан бубылясысь. Вай котöртлам эстчö, вөр дi дорас, ме видзöдла, полан он тэ пемыдсьыс да бубылясыс.

Кодкö бипур дорас пукалысь шуис:

— Ха-ха-ха! Петыр полö бубыляысь? Сийö бубылятö öдйö сийöсалас!

Петырилөн чужöмас чепöсйис вир да сийö шуис:

— Но и котöртлам! Видзöдлам, эм-ö мян Эжва юбок-са вөр дiясын бубыляыс!

Ныв да зон сералiгтыр котöртiсны пемыдас, но вөр дiöдз эз воны. Паныдасис потштöм на зорöд. А сэнi турун юр. Бипур дорын пукалысьяс вунöдiсны на йылысь. Эжва юдорса вөр-ваыс вöли лөнъ.

Зорöд дорö воöm бöрын Петыр кватитiс нылöс коскöдыс, топöдiс ас бердас да кутiс шуавны:

— Эн пов, шöвктуг, эн пов. Оз ков повны меысь...

Нöшта на ёнджыка топöдiс нылöс да кутiс окавны.

— Оз ков, оз ков,— шöпкöдiс ныв, но сетчис ставнас...

Сьöкыдöсь вöлины сиктса йöзлы война дырся лунъясыд. Мам вермис пиыслы либö нылыслы школаас мунiгөн сумкаас пуктыны пöим пытшкын пöжалöм кык-куим картофель да öти-кык картофеля сöчөн. А öд школаясад

сэки столөвөйүд да буфетыд эз вөвны. Да и дөва мортыдлы сетлісны пенсиясө 5–7 шайт. А поставкаыд вөлі йөв вылө, вурун вылө. Сьөкыда муніс олөмыс, но град выв пуктасыд отсаліс. Колхоз пөртис олөмө «Ставсө фронтлы, ставсө победа дорөм вылө!» лозунг. И трудовеньяс вылө эз сетлыны весиг жуг. Но томъяс колисны ловйөн олөмсө нюжөдөм могуьс.

Йөкты керка, йөкты пач!

«Керкаыд мича абу гөрд
пельөсөн, а пирөгъясөн»

(Роч пөслөвича)

1945 вося март төлысь шөрын Эжва ю йылын кутіс пөльтны лун и вой небыд да шоныд рытыв-лун төв. Сиктьясө да грездъясө воис шондіа тулыс.

Ульдөм лымйыс кутіс личкыны керка вевтьяс вылө. И ковмис өдйөджык весавны найөс лымйысь. Лун-мөдөн Эжва юывса пес да турун ваялан туйяс сьөдөдісны, быттьө найөс асфальтөн вольсалісны. Керкаяслөн лунвыв стенъяс дорө сибөдчылісны шонтысьны төвбыд кынмөм воробейяс да вугралісны синъяссө читкыралігтырйи.

Мамъяс апрель төлысь медводдза лунъяссиянь перьялісны өшиньясысь мөд пөвста рамаяс да дзоньталыштөм бөрын идралісны мөд төв кежлө. Но мамъяс водзын вөлі медся ыджыд төжд — Благовещеннө кежлө пелькөднымыськыны керка пытшкөсьяс паччөр сэрөгсянь пос помөдз. Ёдждыд, зэв ыджыд тайө уджыс, но колана асьсө да керкаө волысь мортөс пыдди пуктысь көзаяйкалы! И таdzi вөлі вөйдөр Эжва юывса быд сиктын да грездын.

И водзё вылө, гашкө, лоас на. Керка пытшкөс мыськыны көзьяйка чукөртліс сылы төдса да матысса нывбабасөс помечө. Тадзи лои и 1945 вося апрель 6 луно Куломдін сиктын.

Мөкей Вась гөтыр тайө лун кежлас Петыр пиыскөд налы төдса Эжва ю берегдорса бужөдысь перйисны дзимбыр да пач мавтан еджыд сөй, даддьон вайисны гортас да пуктісны гөбөчас сывдыны. Сэні жө водздзык вөлі лөсьөдөма из ёкмыльяс, кодъяс отсөгөн керка мыськигөн пельсаын пипу пөимысь вөчлісны кунва. Мыськасян лун кежлө рөгөжа мешөкысь лөсьөдлісны ветьөкъяс. Росъяс вөліны арсяньыс дасьөсь.

Апрель 5 лунся рытө Мөкей Вась гөтыр кытшовтіс сиктсө да юөртіс Миш Анналы, Сандрө Клавөлы, Дода Лидьөлы, Дема Катялы, Матрос Машлы, Сюсь Катялы да Кузьма Олюксан Анналы, мый сійө лөсьөдчө Благовещенньө лунлы паныд — апрель 6 луно мыськыны керка пытшкөссө да корө помечө чукөртчыны көкъямыс час асыв кежлө, медым нуръясьыштөм бөрын босьтчыны вөчны урчитөм уджсө ывла вылас рөмдытөдз, сөсся пөнартөг на пывсыны да пукалыштны пөсь самөвар дорын ставлы өтлаын.

Апрель 6 луно мамыс Петыр писө чуксаліс югдігөн да шуис:

— Пиө, талун кежлө ме вөзйыси бригадирлысь колхозса уджысь. И тэныд гортгөгөрсө уджыд тырмас юр выв тырыд. А өні вай өдйөджык чужөмтө мыськышт да юкмөсысь заводит ваявны пельсаясө ва. Талун кутам мыськыны керка пытшкөссө. Ваыс да кунваыс зэв уна ковмас. Ме өти пельсаө пукті нин пипу пөимсө да донөдны заводиті изъяссө. Тэ ватө ваяв да босьтчы разявны пөлать да джадж пөвъяссө. Ми наысь вөчам кокшаяс вылө мөсти-

лөяс пөтөлөксө да стенъяссө ветьокөн ниртны. Регыд, гашкө, и кутасны локтавны меон кором йөзыс. Аски Благовещеннө лун. И колө, медым керка пытшкөсным кильчө пос помөдз вөлі мича да сөстөм.

Петыр видзөдліс гөгөрбок да аддзис пач водзсыс кык ыджыд куш пельса. Лөкань дорас мыссис да юалис мамыслысь:

— Мамө, а мыйла кык пельса лөсьөдін?

— Ме, пиө, ог кут майтөга ваон мыськыны керка пытшкөстө, а пицу пөимысь вөчөм кунваон. И ставыс кутас еджыднас дзирдавны. Тэнад ыджыд мамыд кунваон жө керка пытшкөссө мыськыліс, и зэв еджыдөн вөлі пөтөлөкыс и стенъясыс.

Муртса удитіс Петыр эштөдны васө ваявны, кильчө пос дорө матыстчисны кутшөмкө тубрасъясөн сизим нывбаба. Видзөдліс Петыр на вылө да төдіс ставнысө. А Миш Анна збоя видзөдліс Петыр вылө да шыасис:

— А көзяин! Виччысян? Локтім, локтім ми помечө. Ми өд пөслукман йөзыд. Мед сөмын шуисны и төдім, коді корө. А тэ ачыд дась?

— Мамө вөчө кунва и коли сөмын мөститчыны, мый ковмас ставлы өтлаын вөчны. Вай пырөй, пырөй, ме тиянкөд жө.

Керка пытшкөс тыри йөзөн. Петырлөн мамыс шыасис локтысьяс дорө:

— Пыдди пуктана менам бур пөдругаяс, вай пуксялөй пызан гөгөрыс да кокныдыка завтракайтыштам и заводитам вөчны меным и менам пины зэв колана урчитөм уджсө, мыськыны-мичмөдны миянлысь керка пытшкөс аскиа Благовещеннө лун кежлө паччөр сэрөгсянь кильчө пос помөдз.

И өти здукөн ставныс вөліны пызан сайын. Пызан вы-

лын сулаліс нин сэк кості пось руалысь самөвар, чашка-яс, сакарнича посниа поткөдлөм сакарөн, черинянь да ыджыд латкаын торпыригө вундалөм яеснича.

— Бур йөз, энө дивитөй, мыйон озыр, сійос и пукті пызан вылө, сёйыштөй-юыштөй,— шыасис көзьяйка да ачыс пиыскөд топөдчис пызан саяс.— Аски Благовещеннө лун и вай өтвылысь мичмөдам керка пытшкөс-нымос, медым во гөгөр чөж миян керкаын вөлі шог да майшасьом төдтөм югыд празник кодь.

Кор чукөртчөны нывбабаяс, шмониттөг кадсө оз вермыны коллявны. Но талун, мыйлакө, весиг яесничасө эз видлыны. Юисны юмов пось тшай, чепөльтыштисны черинянь, да Миш Анна друг нем виччысьтөг шыасис керкаса көзьяйка дорө:

— Анна Григорьевна, ми локтім эг сёйны-юны, а тэныд зэв колана удж вөчны. Вай заводит прөстмөдны пызантө да Ен джаджтө. А ми босьтчам мөсититчыны. А уджсө эштөдөм да пывсьөм бөрын миянлы пось самөвар дорад сувтөд вина сулея. Сэки и пукалыштам сөстөм керка пытшкад озыр пызан сайын да ставным өтлаын гажөдчыштам.

Нывбабаяс чеччисны пызан сайысь да Миш Анна бара шыасис:

— Петыр Васильевич, ло мужичөйөн да миянлы отсав мөститчыны. А тэ, Анна Григорьевна, лок петкөдлы, көні сулалөны кокшаясыд, лосьөд рөгөжа ветьокьястө да нель-ө-вит кыз пу рос. Öд росьяснад ковмас дзимбыр сорөн зыртны джаджьястө. И кунватө пуктыны мед вөліны тазьяс. Ен джаджсьыд образьястө кумад петкөд.

Артельнад нывбабаяс өдйө мөститчисны да занавес сайө дзесбылөм бөрын лоисны мужичөй улыс гачаөсь да дөрөмаөсь. И ставныс кайисны мөстилө вылө да

тшөктісны восьтны пачысь юшкасö дзоньнас. Көзьяйка мыччаліс налы ветьөкъяс, тазъяс да өлөдіс:

— Ичмоньяс, ме кунватö пельсасъыс гумлавны лөсьөді кузь воропа көш. Ті кунвасö веркөссьыс гумлалөй пельса пыдөссьыс гудырсö вөрзьөдтөг.

Өттшөтш мамыс шыасис пыис дорас:

— Пиö, тэ вай тэрмасътөг босътчы ломтыны пывсянтö, бабаяслы юрсö мыськыны гордорса пөртъяс васö ваяв Эжва юысь. Сэні ваыс небыд и кунва сорөн вөчөм ванас юртö мыськөм бөрын юрсиыд лоö шөвк кодь небыд да нюдз. Пессö, Петьö, пывсянад лөсьөд кызд пуысь. Сійö курыдсö пөдлалөм бөрас оз вөч.

Мамсö пыр кывзысь Петырлы уна сёрни да кесйөдлөм эз ковмы. Вөчис сідз, кызди тшөктіс мамыс. Керка мыськысьясөн уджсö эштөдігкежлө пывсяныс вөлі дась, и Петыр мөдөдчис гортланьыс.

Кор сійö матыстчис керка кильчө пос дорас, аддзис: пос помас вольсалөм пөвъясыс вөліны быгыд еджыдөсь. Сэтшөмөн жө вөліны пос тшупөдъясыс да кильчө джодж пөвъясыс. А кор кайис кильчө вылас да пырис керка пытшкас, аддзис: гөгөр ставнас вильмөма да вежсьөма. Нывбабаяс кокныд пальтоөн плавгысьөмөн пукалісны көтшас лабич вылын да сюся видзөдлісны Петыр вылө. Медся збойыс — Миш Анна шыасис:

— Но мый, Петыр Васильевич, примит миянлысь уджымөс да висьтав, пывсяныд тэнад дась али абу? Ми ассыным уркөвөй удж эштөдім.

— Донаяс, пывсяныд дась. Петөй да пывсьөй, бур аньяс, мамө виччысьö тіянөс. А пывсьөм бөрад пукалыштөй пызан сайын да варовытштөй.

Нывбабаяс тшайподнаныс петісны керка пытшкысь да котөртісны пывсянө. А сэк костті пырис мамыс да петкөдіс

гөбөчысь джодждөра чукөр. Бара пыраліс да пызан вылө плавкнитіс мича сера да сыръяса пызан дөра. Сэссия кутісны пиыскөд вольсавлыны джоджас мича сера джодждөраяссө.

...И кутісны локтавны пивсянысь чөскыд дукөн өвтысь нывбабаяс да пуксявны көтшас лабичө. Эз ков виччысьны дыр, пырис и Петырлөн мамыс, коді медбөрын петаліс пивсьыны, сөстөм да банйөм чужөмбана, юрсисө гөгыльөн юр гөгөрыс гартыштөма. Сійө шыасис лабичын пукалысьяс дорө:

— Аттьө, аттьө, ичмоньяс, ыджыд удж меным да менам пилы вөчөмсьыныд. И тэныд, пиө, аттьө жар, чөскыд дука да пөсь ваа пивсянсьыд. Öти здукөн ме пызансө сөян-юанторьясөн тырта. Вай пуксялөй пызан гөгөрыс да пукалыштамөй өтлаын.

Дзик жө пыр пызан вылын кутіс сулавны руалысь самөвар. А сы бөрын пызан выв тырис быд пөлөс сөян-юанөн. Недыр мысти югнитіс еджыд пробкаа сулея. Сыкөд орччөн сувтісны вөсни кока румкаяс да чашкаяс, сөянторьясөн тырөм блюдыяс да еджыд быгыя тагыя сура яндөва. И друг шыасис нывбабаяс пөвстысь медся томыс да мичаыс:

— Ми, Анна Григорьевна, та вылө и лөсьөдөмаөсь батьмамөн, мед овны бур йөз пөвстас да отсасьны өта-мөдлы колана кадө. Но эз тай войнаыд сет миянлы бурасө овны. Менам верөсөй муніс фронт вылад, кор сылы сөмын на тырис дас көкъямыс ар. И менө усьөм бөрас коліс өтнамөс. А тэ вай пиыдкөд пуксьы мекөд орччөн, менам өд пөрысь руыс абу на мукөдлөн моз да пиыдлы оз вудж.

— Нолтө, нолтө, кутшөм збой лои миян том ичмоньыд,— шыасис Миш Анна да копыртіс юрсө тшай чашка дорө вомаc сакартор суйыштігмоз.— Тэ өд тадзнад Анна

Григорьевналысь Петыр писо ылөдны верман да ас дінад коркө клеитан.

— Ланьтöй ті сөрнытö,— водзö гораа шуис Миш Анна.— Анна Григорьевна, сувтöдöм сулеясыд дзибыртам вöсни кока румкаяснад. Тадзи лоö ставнымлы бурджык и гажаджык. Öд ми ставным тайö ыджыд война вöснаыд верöстөмөсь лоим. Кулөмдін пасьтала кө миян кодтьö лыддыны, тшöтö кизьясыд оз тырмыны, и ми таысь абу мыжаöсь. Но челяднымöс ми видзам бура да дзоньвидзаөн найöс водзö олөм вылө быдтам. Таысь миянөс кодсюрöлы колö аттьöавны.

— Вай, вай, босьтöй ставныд öтлаын вина румкаяссö да дзибыртöй,— шыасис көзяйка да лэптис румкасö синъяс весьтöдзыс. Петыр, школаö на котралысь детинка, дерт, эз босьт. Да и сылы абу вöлі сувтöдöма тайö курыд зелля тыра румкасö. А юисны ставныс зэв окотапырысь. И весиг некодöс эз кезнитöд. Сэк кості Петыр видзöдліс еджыд сөйөн мавтөм пач вылө да сылы кажитчис, мый пачыс, пөтөлөкыс и стенъясыс керкаас асланыс мичнас семдöмаöсь. Мөд румкасö юөм бöрын Миш Анна видзöдліс гөгöрбок да шуис:

— Ичмоньяс! Ми öд öні эгö жö чукöртчöй сөмын сөйны да юны, а гажöдчыны удж бöрын чукöртчим. Вай йөктыштам да сылыштам. И-и-и, йөкты керка, йөкты пач!

Медводз пызан сайысь петис джодж шöрас медся том да мича ичмоньяс, көкъяснас крапнитис, матыстчис Петыр дорö, кыскис сійöс пызан сайсыс джодж шöрас да нуөдіс йөктыны «барыня». Петыр мый вынсыс зілис. Сэсся ичмонь матыстчис Петыр дорö да пеляс вашнитис:

— Петьö, тэ аски школаад урокъяс помасьöм бöрын ло ангелөн да гортад локтігөн пырав ме дорö. Ме тэнö кута виччысьны öшинь дорын пукалігтыр.

Петыр кыліс ставсө да сюркняліс пель саяс. Но эз гөгөрво, мыйла тайө аньыс корө ас дорас пыравны, кызди ангелөс.

Сэк костті керкаса көзьяйка дінө шыасис Миш Анна:
— Анна Григорьевна, тэ нө мый он гажөдчы: али виччысян, мый тавой тэ дорө волас Гавриил аркангел да тэ кутан нөбасьны?

Тайө кывъяссө кылөм бөрын пызан сайын пукалысьяс шуисны сөмын: «Аминь, аминь!» И ставныс лөнисны.

А Петыр школаын урокъяс помассьөм бөрас кежис ичмоньлөн керка дорө, гортас моз збоя пырис сы ордө да пуксис көтпаса лабич вылө. А ичмонь збыльысь пукаліс өшинь дорас мича рөма платтьөа, юрсисө шыльыда сына-лөма да мичмөдөма. Кор Петыр пырис, сійө видзөдліс зонка вылө да паськыда нюмуніс:

— Личөдчы, Петыр Васильевич, а ме петала да кильчө өдзөсө тас пукта. И керка өдзөс каличала, мед некод оз дөзмөдчы. А тэ воськовт пызан саяс. Ме пражиті чипан яй да вая тэныд нурьясьны.

Тайөс шуөм бөрын ичмонь петалис ывла вылө да пыригас гольснитіс керка өдзөс каличнас. Сэсся восьтліс пач пөдансө да пызан вылын кутісны сярвидзны нянь шөрөмъяса блюд да чипан яй тыра латка. Петыр дінө матыстчигмоз ань кутыштліс зонмөс коскөдыс да шуис:

— Ёнмөдчы, ёнмөдчы, Петьө, а ме нюжөдчыла крөвать вылө да окасьны велөда тэнө, том мортөс.

Петыр нурьясьыштіс пражитөм чипан яйнас да ныр увсьыс вештіс латкасө и нянь блюдсө. Тайөс казяліс том ичмоньыд да шыасис Петыр дорө:

— Менам ангелөй, Петыр Васильевичөй, матыстчы ме дорө и ме тэнө окасьнытө велөда.

Петыр збодера матыстчис крөвать дорө да пуксис ичмонь кокъяс бердө, а сійө кыпөдчыштис да чужөмнас матыстчис Петыр чужөм бердө...

Вөлі Благовещеннө лун и Петырлы вөлі 15 арөс. Ичмонь мыйлакө кутис серавны. Сэсся лөнис да шуис:

— Тэныд мекөд вөлі лөсьыд. Но тайө вөлі сөмын талун. Тэ том и ме абу тэныд гоз. Вунөд талунъя лунсө. Некодлы некор эн висътав, мый вөлі миян костын. Ме вунөда жө...

Та бөрын Петыр эз нин паныдасылы том ичмонькөд. Мөдыс полис йөз сөрниись да сідзи нэм кежлас и колис том дөваөн...

Победа лун

«Эжва крут берегсянь рытывлань дзоргө
Изъясысь кыпөдөм мам.

Му вылысь мир сэсся оз нин сет торкны
Войтырлөн вежөр да сям»

(Съыланқывайысь)

Эз уна кадыс коль Ыджыд лун пасйөм бөрын, а өти пөвста өшинь рамаяс пыр сиктса йөзлы водз асывнас кыліс шөр улича кузя котөртгьсь мортлөн гөлөсыс: «Побе-е-еда! Побе-е-еда!» Кадыс вөлі стөч нель час да джын. Дерт жө, мир туй бокын олысь морт кыліс тайө гора гөлөссө. Вежа кывъяс! Важөн нин кулөмдінсаяс виччысисны та йылысь юөрсө, көть некод эз төд, кутшөм лунө сійө воас. Но со воис жө медбөрын. Сиктса олысьяс эз нюжмасыны небыд вольпась вылын, звирк чеччисны, көсейисны өдйөджык төдмавны, мыйся татшөм водз вөлі ывла вылын гора гөлөс

шыыс. Чеччис и Мөкей Вась гөтыр да пачас бисö пестöм бöрын пиыслы шуис:

— Пиö, талун югдигас кодкö котöртис улича кузя да горзис: «Побе-е-еда! Побе-е-еда!» Эз-ö кус войнаыс? Вай чеччы, пасьтась, ветлы колхоз правление дорö да төдмав, мыйын помкаыс.

Петыр эз дыр нюжмась, öдйö мыссис, пасьтасис да град йөр боръяс вывти котöртис правление дорö. А сәни чукöртчöмаöсь нин «Выльног» колхозса конюкъяс, мöс лысьтысьяс, кукань, порсь да ыж видзысьяс. Вöлины и сиктса пöль-пöчьяс: Сандрö Иван, Гөрба Педөр, Рөдь Вась Ёгор, Сандрö Öндрей, Пер Микол да мукöд, кодъяс быд лун колхоз котыртчöмсяныыс уджалисны гөра-көдза муяс да видзьяс вылын и вöлины пыдди пуктана йöзөн. Ставныс виччысисны, кодi петас правление кильчö вылö да юөртас лоөмтор йылысь — ставлы кывссылöм гөлөс шы йылысь.

Воссис правлениелөн кильчö öдзöсыс да сэтысь петисны колхозса председатель Иван Николаевич Чаланов, колхозса завхоз Öлик Микол, бухгалтер Микол Öльöксан Наста да бригадир Домна Гриша. Медводз йөз дорö шыасис колхозса председатель:

— Дона колхозникъяс да колхозничаяс, пыдди пуктана пöль-пöчьяс, муса челяды! Талун миян став ыджыд страна пасьтала юөртöма, мый немецко-фашистскöй Германия кыв шутөг сетчис миян странаса Гөрд Армиялы да тайö луныс пыр кутас лыддыссыны Победа лунөн. Тайö вермөмсö шедöдны отсалис и миян колхознöй уджным. А öни ме сета кыв райкомса секретарь Минин ёртлы.

Чукöртчөм йөз водзö петис шөр арлыда, мича костюма, еджыд дөрöма, гөрд галстука морт да шыасис чукöртчөм йөз дорö:

— Дона ёртъяс, талун ми помалим Великöй Отечес-

твенной войналысь ставлы сьокыд луньяс. Ми вермим фашизмос, но сийо мян му выло колис кисьтом да жуглом карьяс, сотом сиктьяс да грездьяс, рёзоритом заводьяс да фабрикаяс. И ставсо тайос мянлы ковмас регыдья кадон ловзьодны да дзоньтавны, медым мян страна важ моз воли озырон да дзоридзалысьон. Та могысь мянлы ставлы ковмас зэвтчыны да сосьяс пуджомон босьтчыны уджо. Сувтодома могон быд во шоркодя перйыны 600 миллион тонна из шом, 200 миллион тонна мусир, сывдыны 60 миллион тонна сталь да 60 миллион тонна чугуна. Та выло мян эм ставыс: мупытшса запасьяс, механизмьяс, оборудование, специалистьяс да уджалысь йоз.

Тайос кывлом борын, а сидзжо Василий Юхнинлысь «Тундраса бияс» роман паметяс кутомон Петыр юрын чужис да ёнмис мовп лоны шахтерон.

Тайо луннас сиктса йоз лунтыр ветлодлысны улича кузя гудок шыяс улын сыланкывьяс сылыгтыр. Ромдом борын осьса ошиньяс пыр юргис варов серни да уна мича сыланкыв.

Мод лунас велодчысьяс да велодысьяс урокьяс борын чукортчылысны суботник выло да культура керка гогор садитисны пуяс да кустьяс. Сэки шуисны, мый тайо инсо лоо шуома «Победа» паркон. Но дыр мысти кодлыкко ковмома да став пуяссю и кустьяссю воли кералома. А кутшом лосьыд воли рытгоров сани лабич вылын кино либо концерт заводитчом виччысьны, нимкодпырысь видзодны быдмысь пелысь, льом пуяс выло да казътивны борю кольом луньяссю. Воли, воли Куломдин шорын велодчысьясон лосьодом парк. Но эз ло сийо, кызди и Утка шорын кыподом часовня.

Кадыс визувтö водзö

Петыр быдмис висьöмьяс тöдтöг. Сиктсаяс кутисны сийöс жöникöн нимтыны да тшöктылисны быдтыны ус. Та йылысь кывлöма мамыс да воча шулис:

— Петырлөн батыс вöли пыр устöм и менам öтка пи лоö устöгыс мича да лöсьыд пöрысьмытöдз.

Сиктад ыджыд война кадад олисны зэв дзескыда. Мир туй вылын тулыс-арнад вöлины пидзöсöдзыд няйт гуранъяс и школаö мунигöн да локтигöн ковмывлис каттысьсны потшöс праслö вылö да кыссьыны, медым кирзöвöй сапöг гöлень вывтыыд няйтыс эз пыр. Электричествоыд керкаяс пытшкад эз жö вöв, а карасинтö сетлисны паевöй книжка серти тöлысь кежлас куим литр. Сийöс колö вöли экономитны. Лампа стеклöыд нöшта на донаджык вöли. Сы вöсна сийöн пользуйтчисны гежöда, сöмын гöстьяс волигöн. Пыр олöм могысь вöли босьтöны лампасыс стеклöсö да пуктöны кудийö. И куйлö сийö сэнi гöстьяс локтöдз. Сэсса перьясны стеклö кутан венечсö, чинтасны лампасыс петьельсö и артмас семилинейнöй лампаысь дзузган, кодi сöмын югдöдлис пызан выв. Петыр, дас вит арöса зон, заводитас велöдны гортö сетöм урокъяссö, а мамыс кималаснас кыö вурун шöртысь кепысь либö носки.

Важöн нин бөрö коли тайö кадыс, кор сиктса челядь дзузган би улын гижлисны гортса сочинениеяс да решайтлисны алгебраысь да тригонометрияысь задачаяс. Петыр заводитлис гижны стенгазетö висьтыяс да кывбурьяс, но шылыда найö эз артмывны. И эз кут лотны абутöм бумагасö да дугдiс. А, гашкö, велöдысь София Львовна омöля вермис ассьыс велöдчысьсö ышöдны да вöйпöдны лоны гижысьöн? Но Петыр помнитö, мый велöдысь радейтлис гортö сетны гижны сочинение, а эз изложение. Сийö из-

ложениесö лыддылыс ковтöмөн. И Петыр помнитö, кор сийö классын зэв дыр чöла сулалöм бöрын сетлис школь-никъяслы гижны сочинение: «Пемыд царствоын мортлөн шудлун». Сэсса висьтавлис, мый вылö ёнджыка колö веськöдны мөвптö. Петыр дзик пыр гөгөрвоис, мый тайö темаыс лöсялö и Максим Горькийлөн гижöдъяслы, но София Львовна дзик пыр жö содтис:

— Медводз тиянлы ставныдлы колö мөвпыштлыны да аддзыны Александр Островскийлөн тöдса пьесаыс Катериналыс образсö. Сийö тырöма мортлөн бурлунъяснас, а лёксö петкөдлöны Кабанихалөн да Дикойлөн образъясыс. Весиг овъясыс висьталöны, мый найö абу бур йöз, кодъяс олöны сьöд парма вөр пытшкын. А Катеринаос вузалас небыд сьөлöма интеллигент Тихон. Сылөн кутшöм тайö мирас могыс... И нöшта, ме мөвпала, тиянлы унатор вермас тайö висьтавны. Мөд гижыс Горькийлөн эм бур мөвп... Ме весиг көсья, медым тi тайö сочинениесö босьтінныд олöманыд сюрöс пыдди... И тадзи... Морт чужö сийöс кытшалыс олöмыскöд вермасигтыр. «Морт» кывсö колö гөгөрвоны, тöдöмыс, сэтшöм вежөртасөн, кутшöмөн аддзис ачыс Горький. Сэки олöмын водзасьöмсö аддзисны революцияыс, кодi сöмын вермис сетны мортлы мездлун. Öд ачыс Островский пьесалөн «Гроза» нимнас нин индiс революциялөн локтöм вылö.

— Ме тиянлыс сöмын кора, — медбöрын содтис София Львовна, — медым тi энö босьтöй ставсö учебникыс да небöгыс. И эн чайтöй, мый София Львовна корö öтитор, а ронолы колö гижны мөд ног. Прөверитны тиянлыс уджтö ме кута ачым. И, кыдзи вöли пыр, оценкасö пукта ачым жö.

Петыр пукалис парта сайын вөрзьöдчытöг и эз гөгөрво, мый вöчсьö сы гөгөрын. Медводз помканас вöли, кыдзи ставсьыс гусьөн öни жö дзик пыр гижны öти классын ве-

лөдчысь Саньё нима нывкалы письмё да корны сійёс аддзодчывны урчитом кадё. Петырлы воисны сьолём вылас Саньёлон сьод синкымъясыс да синлысьясыс.

Петыр тэрмасьомён гижис письмёсё, но эз артмы сы ног, кызд кёсйис, а Саньё сылы ачыс суйыштіс пинжак зептас гижөдтор, кытчө вөлі пасйёма:

— Петьё, видза олан! Меным зэв окота тэкөд аддзысьлыны коркө кино вылын. Кор лоё стрөка, ме босьта билет да пырала тэ ордё. Виччысь!

Петыр гөгөрвоис: Саньёлон немтор абу вунёма видзвывса вөвлөмторйысь да сійё кёсйё аддзодчывны зонкакөд. И колё лөсьөдчыны тайё аддзысьлём кежлас бура. Регыд мысти вөскресенньё луно сійё пуксис өшинь дорас да кыліс керка өдзёс дорсьыс кышөдчөм шы, а сэсся пырис Саньё. Петырлөн сьолёмыс пондіс чеччыны. Саньё вөлі мича паськөма да шуис пырөм бөрас недыр мысти Петыр вылө видзөдігмоз:

— Вот и ме, Петьё. Тэ виччысин менё, кызди ме кёсйи аслам письмёын? Ньёби кык билет кино вылө. Талун культура керкаын петкөдлөны кино «Тахир и Зухра». А тэ ветлан мекөд?

Сёрни панөм бөрас нин Саньё пөрччис ас вывсьыс келььдлөз рёма плащсё да пуксис Петырлы паныд улөс вылө. Сійё вөлі сиктын жө чужлөм морт, но сёрниыс ёна торъяліс сиктса мукөд нывъяслөн сёрниысь. И быд кыв шуигөн кыліс литературной кывйөн висьтасьом. Келььдлөз рёма плащыс кодь жө вөлі платтьөыс. А морөс вылас төдчисны кык неыджыд мыльк. Чужөмбанъясас да синъясас петкөдчис нюм. Вом доръяссё корсюрө нюлыштліс.

Петыр видзөдіс Саньё вылө и нимкодьпырысь, и полөмпырысь. Тыдалө вөлі, мый сійё мыйыськө яндысьө.

И гөгөрвоис, мыйын помкаыс. Од сійё дас вит арөсөн

төдмаліс нин нывбабалысь көрсө. Төдө да кужо, мый коло вочны нывбабакөд, көсйө кө сійө мужичойос... И төдө, мый сьөлөмсянь радейтчөм абу гижысьяслөн сөрөм. И Петырлы лои сьөлөм вылас зэв кокни, мый Саньө да сы костын ёртасьөм пыдди вермас чужны радейтчөм и... Петыр вермас лоны Онегинөн, а Саньө... А мый эськө сійос Петыр дорас вайөдіс? Сөмын кино вылө отлаын ветлыны көсйөм али мыйкө мөдтор?

Таөдз Петыр да Саньө костын мыйкө пондыліс нин чужны видз вылын уджалігөн, но... Саньө мича ныр-вома, лөсьыд статя, сьөд синъяса да юрсиа ныв, морөсыс вылын, юсьлөн кодь, кокъясыс веськыдөсь да кузьөсь...

Киноыс помасис да сиктса культура керкаысь петөм бөрын Петыр Саньөос босьтчис колльөдны вылыс туйөд колхозлөн гумла дорті. Гумла дорас воөм бөрын найө кежисны сөрөмъяс дорө да дзевбисны сөрөм саяс. Петыр видзөдліс гөгөрбок. Некод матын оз тыдав. И сывъяліс Саньөос да зэв пөся кутіс окавны сылысь вом доръяссө. Но друг Саньө бергөдіс юрсө да шуис:

— Бара нин заводитөмыд куритчыны. Лёк табак дук вомсьыд пуркйө.

— Ме, Саньө, кино вылысь петігөн отилысь босьті чигарка помсө да кыкысь кыскышті.

— Петюк, тэ меным зэв колана морт и дугды менө дөзмөдны лёкторъяснас. Öд ме тэ моз жө көсья, мед миянлы кыкнаннымлы вөлі лөсьыд.

И Саньө кыкнан кинас сывъяліс Петырөс да кутіс окавны Петырлысь вом доръяссө, чужөмбанъяссө да плешсө. Дерт, Петыр колльөдіс Саньөос гортдорса кильчө пос помөдзыс. Сэссия окаліс да найө янсөдчисны.

Гортас локтөм бөрын аддзис, мый мамыс пукалө өшинь дорас да сылөн пырөм бөрын кылө шуис:

— Пиө, гуляйтсис кө, юышт пось йөвсө да вод кумө вонъяс, мед оз дөзмөдчыны гутъяс да номъяс.

Петыр юыштис кринча дорсьыс йөвсө, пырис кумө да водис мамөн лөсьөдөм вонйө. Но дыр эз вермы унмовсьны. Асывнас садъмис водз. Мөвпавсис өтитор йылысь. Талун сийө классын кутас гижны контрольной сочинение. Колө гижны бур оценка вылө.

Школаө локтис водз, но классын пукалисны нин ёртъясыс. Воссис класс өдзөс да пырис София Львовна. Сийө мыйлакө вөлі зэв зумыш чужөма, весиг абу нывбаба кодь.

— Видза оланнуд, София Львовна, — чеччыштис сылы пануд парта сайсьыс класса старөста Лина, а сыкөд өттшөтш и ставныс, кодъяс пукалисны партаяс сайын. Классын вөлі пөрадок — велөдысьөс чолөмавны кокъяс вылө сувтөмөн.

— Ми, София Львовна, көсйим нуөдны дженъыдик комсомольскөй собрание, — шыөдчис комсорг Нина Нечаева.

— Нуөдөй, нуөдөй, ме кывзышта жө, но төдөй, миян расписание серти колө лоны сочинение гижөм кузя урок. — И мыйлакө София Львовна сксея видзөдліс Петыр вылө да содтис: — Кутам дзик жө пыр гижны сочинение. Помнитөй, кадыс миян абу уна, сөмын нелямын вит минут. Но ме ог пов. Öд ті гортануд тайө тема йывсьыс мөвпыштіннуд.

Петыр зэвтис мөвпъяссө, босьтис тетрадьсө да ручкасө и заводитис гижны. Кывліс классын кодлөнкө кызөктөм шы, но дзик жө пыр ставыс лөнис.

— Ме төда, — бара шыасис София Львовна, — ті литература вылө видзөданныд, кызди медся мустөм школьной предмет вылө, а өд сийө — олөмө велөдысь. Ті мөвпаланнуд, мый тиян став олөмыс водзын, но сийө муно зэв өдйө.

Ті оланнуд нин быд лун. И тиян школьнõй олõмын эмõсь нин верстьõяслы паныдасьлысь став майшасьõмъясыс.

Классын ставõн пукалісны зэв лõня да эз гõгõрвоны, кытчõ школьникъясõс катовтõдõ аслас сёрниõн налõн велõдысь София Львовна, и мыйла сійõ кежис мõдтор вылõ...

А сочинениесõ Петыр гижис стõч нелямын вит минут чõж нель тетрадь лист бокõ да сетис София Львовналы. Прõверитõм бõрын сійõ аскинас сетис Петырлы уджсõ да шуис:

— Бура гижõмуд. Ме пуктї уджсьыс «хорошо» оценка. Сиа пыр тадзи гижны быд тема вылõ.

Тайõ жõ воас Петыр да Саньõ видзõдісны «Донецкие шахтёры» кино. Петырлы сьõлõм пытшкас пырисны шахтёръяслõн маршысь кывъясыс да сійõ шуис Саньõлы: «Лоа шахтёрõн!»

Лоа шахтёрõн!

«Кодлы кодõн лоны,
Ен индõ мамыслõн сьõктїгас»

(*Вежа небõгысь*)

Сиктса шõр школа бур аттестат вылõ помалõм бõрын Петыр ёртъяссõ ышõдіс мунны велõдчыны Свердловск карса горнõй институтõ. Сэнõ стипендияыс ыджыд и бура велõдчысьлы сетõны формаа паськõм. Сõглас сетисны Коля Кипрушев, Володя Пименов да Юрий Русинов. И майшасьтõг мõдõдчисны «Бородино» паракод вылын Эжва ю кывтыд. Вõлі тайõ 1951 вося июньын. Петырлõн портманетыс вõлі вõсни и зептас «Аврора» сигарет да истõг кõрõб кындзи сэсса эз вõв немтор. Озъяг пристань дорын пара-

код вылас матросъяскөд сөвтис гырысь поткөдлөм пес и тайо уджысь сылы капитаныс сетис неуна сьом. Сыктыв-карын ёртъяс сөлісны «Н.В.Оплеснин» паракод вылө да кывтісны Котласөдз. Татчө воом бөрын Петыр видзөдліс гөгөрбок. Синъяс водзас петкөдчис Эжва юлөн Войвыв Двинакөд отлаасяніныс. Сэні жө матын вөлі көрт туй пос да көрт туй вокзал. И ёртъясыслы шуис:

— Кывзөй менө! Ми сувтім роч му вылө и вай весиг ас костын талунсянь кутам сёрнитны да мөвпавны рочөн, медым миянлы кокныдджык лоө сдайтны горной институтад пыран экзаменъяссө.

Котлассянь сійө воясө веськыда сувтлывтөг Свердловскөдз пассажирскөй поездыс эз ветлөдды. И сиктса том войтырлы ковмис мунны отувъя вагонын Кировөдз, көні колө вөлі пуксыны Перым карөдз мунап поезд вылө. Тані бара жө веськалісны отувъя вагонө. Сэні джоджыс вөлі няйт. Джаджъяс вылас бусыс да пөимыс вөлі дзик чунь кызта. Асмогасянінас эз вөв ваыс. Сиктса зонъяслы чужөмсө ковмис көтөдыштны Перым карысь көрт туй вокзалса асмогасянінын да сэсся водзө мөдөдчыны Свердловск карө.

Урал гөра вуджөм водзвылын вагонса проводник юөртис пассажиръяслы:

— Пыдди пуктана ёртъяс, миян поезд регыд кутас вуджны Европалысь да Азиялысь границасө и ставлы шонді петігас поездын мунысьяс синъяс водзын тыдовтчылас еджыд сюръя, кытчө отар бокас гижөма «Европа», а мөдара — «Азия», и сэки пассажиръяс Европаянь веськаласны Азияө. Регод нин ми воам!

Асья нуръясян кадө зонъяс вөліны нин Свердловск карса ыджыд да руд рөма вокзалын. Кутшөм жө ыджыд шуд тайо карас велөдчыны сиктысь воом том мортлы!

Өд сійө таөдз оліс парма шөрын. И со синъяс водзын Свердловск карса вокзал. Неуна ылынджык ыджыд шыөн рельсыас вывті мунө трамвай. И медбөрын Куйбышев нима улича вылын гөрд кирпичысь тэчөм кык судта ыджыд стрөйба. Тайө и эм В.В.Вахрушев нима горной институтыс.

Воис и медводдза конкурсной экзамен лун. Колө гижны сочинение. Петырлы синъяс водзас петкөдчисны «Донецкие шахтёры» киносыс кадръясыс да Василий Юхнинлөн «Огни тундры» небөггысь лист бокъясыс. И сійө повтөг босьтчис гижны аслас тема вылө. Нимсө сочинениелы сетіс «Быть шахтёром». Сылысь уджсө донъялісны «хорошо» вылө. И мукөд экзаменсө сдайтис бура. Медбөрын сійө аддзис примитөмъяс лыдысь ассыыс да Коля Кипрушевлысь ним-овсө. А Володя Пименов да Юрий Русинов эз вөвны сәні. Но Володя Пименов сәсся велөдчис Свердловск карса лесотехнической институтын, а Юрий Русинов помаліс Троицк карын авиационной училище.

Бура велөдчысыяслы горной институт сетіс формаа паськөм. Карын быд празник дырйи котыртлісны демонстрация, а Победа лунө пырджык нуөдлісны легкоатлетической эстафета. Бөрө эз кольччы и горной институт. Өтчыд 1952 вося эстафета дырйи дистанция вылысь Петыр аддзис зэв мича чужөмбана да мыгөра котөртис нылөс, коді матыстчис нин «финиш» дорө. Сійө вөлі мойдса Медея коды! Радио пыр юөртисны:

— Медся бур кадөн «финиш» дорө воис горной институтса студентка Александра К.!

Тайө юөрсө кылөм бөрын Петырлөн кутіс өдйөджык тіпкыны сьөлөмыс. Институтын велөдчигөн дышөдчыны оз позь, вермасны дугөдны стипендияысь. А батьтөм том

мортлы кытысь сьомыс. И Петыр лекцияяс бөрын волевліс институтса лыддысян залө да зіля дасьтіс курсөвөй заданиеяс да проектъяс. И эстафета лунъяс бөрын недыр мысти лыддысян залысь казяліс: сылөн пызан дорсянь неылын пукалө да мыйкө гижө Медея кодь нылыд. Петырлөн сьолөмыс медводз ыркмуңліс. Сэсся кутіс зэв тэрыба тіпкыны. Сійө чеччис пызан сайсьыс да матыстчис ныв дорө. Медея видзөдліс Петыр вылө, нюмдыштліс да шуис:

— Колөкө пуксьөй, сөмын недыр кежлө, колө на вөчны уна удж.

Дерт, лыддысян залын сёрниөн мукөдөс манитны оз позь, но Петырлы окота вөлі төдмавны, коді тайө мича нылыс и кытысь сійө локтіс татчө велөдчыны. Вөлөмкө Лунвыв Уралысь, Оренбург кардорса посёлокысь уна челядя бать-мамлөн ныв. Батыс пөгибнитөма Сталинград дорйигөн. А шуоны сійөс Шураён. Сёрни пансигас на Петыр гөгөрвоис, мый тайө төдмасьомыс лоө зэв крепыдөн да кольө нэм кежлө. Зон сэк жө вөчис кывкөртөд: сёрнитны кужө, вежөрыс ёсь, радейтө висьтавны збыльсө дзебтөг, оз радейт асьсө увтыртны, зільө мортлы лоны бурөн да вөчны сылы бур.

Петыр недыр мысти сылы виччысьтөг друг шуис:

— Шура, ме тэнө, кад воас да, нуа гөтрасьом бөрын Войвылө,— сэсся Петыр зэв сюся видзөдліс Шура вылө да содтіс:— Эн повззы, кадыс петкөдлас, мый миян костын вермас лоны.

Шура эз дөзмы, пөся жө видзөдліс Петыр вылө, нюмдыліс да шуис:

— Видзөдлам, видзөдлам тэнад смеллун вылө.

Петыр аддзис, мый Шураыс сыысь томджык да төдмаліс, мый сійө медводдза курсың. А сьолөмыс корө

төдмасыны матысянъджык. И сэк костті Петыр ас кежысь мөвпаліс: «Ме локті велөдчыны да лоны горной инженерөн, медым сэсся уджавны шахтаын либө рудникын. И гөтрася кө Шура вылө, кутам уджавны өтлаын да быдтыны ассыным челядьос өтлаын жө».

Тайө кадсянъыс Петыр корсюрө кутіс корлыны Шураос ветлыны кино вылө, музейө либө театрө. Нылазонма костын пондіс чужны збыльысь радейтчөм.

Май төлысьыс сійө воас Свердловскын вөлі зэв шоньд. И Петыр корис Шураос өтлаын ветлыны Уктус гөра дорө, кайлыны сы вылө да нимкодясьыштны сэтчөс мича вөр-ванас.

Петыр да Шура сёрнитчисны аддзысьны вөскресеннө асывводзнас. Медводз мунісны троллейбусөн. Сэсся воисны йөзтөминөдз, кайисны гөра бокөдыс некутшөм ордымтөг пыр вылө и вылө да пырисны сук понөля вөрө.

Понөль костас Петыр сувтовкерис, видзөдліс Шура вылө. Сійө вочавидзис пөсь видзөдласөн жө, но немтор эз шу. Петыр сэки матыстчис сы дорө, сывъяліс да крепыда топөдіс ас бердас Шураос. Сійө окотапырысь жө топөдчис Петыр бердө. Тадзи кык радейтчысь кыв шутөг сетчисны өта-мөдныслы...

Сэсся найө дыр видзөдісны өта-мөд вылас. Петырлы друг воис юрас, мый татшөм мичаөн сійө Шураос некор на эз аддзыв. Сідзкө, сійө лоас тайө ныв дорас шуда верөсөн.

А Шура видзөдліс Петырлы синмас да шуис:

— Петьө, ме лои нывбабаөн. Тэныд ковмас лоны менам верөсөн. Ме талун тэныд сеті ассым медся донаторсө. И вай тайө му вылас лоам өта-мөднымлы медся коланаясөн, верөсөн да гөтырөн, миян нэм помөдз. А кузь-ө сійө лоө, та йылысь төдө сөмын Ен.

Тайо лун бoрас недыр мысти Петыр студентъяскoд куим вежон кежлo ветлис военной лагерo. А сeссия мoдoдчис каникулъяс вылo гортас. Кор петис паракoд вылысь горнoй институтлoн мича формаoн да кутис мунны моски кузя мир туй вывтi гортланьыс, унаoн, весигтo том дырся бур тoдсаяс, пондисны вешйыны моски вывсьыс, а кодкo шуасис повзьoм гoлoсoн:

— Аминь, аминь! Кутшoм аслыссяма том генерал воoма миян Кулoмдин сиктo!

Мoд морт повтoг матыстчис Петыр дорo да пoся видзoдлoм бoрын шыасис:

— Абу-o Петыр Васильевич локтoма?! Кутшoм мича да eн, Ен тeкoд, лooмьд! Миян сиктса да матысса грездса нывъяслы тeсянь покой оз ло. Майбыр, Мoкей Вась гoтырлы кутшoм колана гoсть воoма. Анна Григорьевна лунмoд нин сылигтырйи тeнсьыд локтoмтo виччысьo. Мамлoн oд сoлoмыс тoдo. Прoст кад лoo да пырав, Васильевич, пырав, eн oтдорт, лoам радoсь. Пoль-пoчьясoс пoсь тшай дорын казтыштам да oлoм-вылoм йылысь варовитам.

Дерт, Петырoс сoлoмыс кыскис oдйoджык аддзысьны мамыскoд и сиктса тoдсаяс дорo кежавтoг локтис кильчo пос дорoдзыс, кыпoдчис да пырис керкаас. А мамыс збыльысь важoн нин виччысьoма писo, надзoникoн матыстчис сы дорo да шуис:

— Бласлo Кристос, Петьo тай воис ас пыддиыс и бaтьыс пыдди. Пoрччы, пoрччы мича паськoмтo да пуксьы, пoсь тшайсo мекoд юыштам да сeрнитыштам. Eн на, гашкo, чужан кывтo вунoд рoчьяс пoвстад да он кут мукoд моз мамыдкoд рoчасьны. А то тaни карын велoдчысь волывлo да пыскыльтo кывсo сeрнитигас, мый кывзынытo весиг зывoк.

Петыр пөрччис ас вывсьыс студенческой мундирсö да ботинкисö, пуксис енув пельöсас пызан сайö мамыслы паныд.

Петырлөн мамыс пуксис пиыс динö матöджык, сюся видзöдлис сы вылö да шуис:

— Пиö, тэнад арлыдыд тырмö нин. Роч али мöд кывъя нывкöд тöдмасин, сийö тэнад тöжд. Тэныд сыкöд овны да быдтысьны. Но, дерт, бурджык эськö вöли медводз институтö помавны да бур удж дорö инасьны. Воча вок Василейыд Кизел карын уджалö ФЗО-ын велöдчöм бöрын да зэв пö бура нажöвитö. И патера көсиймаöсь сетны.

Сэсся Анна Григорьевна водзö нуöдис сёрнисö:

— Верöслөн да гöтырлөн торийөн олём абу буртор. Вай, вай тшайсö мамыслысь видлы.

Некымынысь сöмын Петыр удитис ырситны пöсь тшайсö, а керка тыр нин вöли ас йöз. Öти быдтор тöдысь весиг юалис:

— Петьö, гöтыртöгыд на локтин? Эн öмöй удит гөтрасьнытö? Роч муыд öд зэв пö озыр гöтырпуяснад.

И друг öшинь увсянь кылис гора гөлс шы:

— Эй, шахтёр! Лок ме тэнö кузь туй бöрад швачкöда жар пывсянас кыз пу корöсьөн да кöдзыд ырöшөн юктöда.

Тайö гөлс шы вылас Петырлөн мамыс шыасис:

— Со и Михайлö дядьыд кывлöма тэнсьыд локтöмтö да корö пывсьыны. Вай лöсьöдчы да петав дядьыдкöд пывсянас. Мөкей рöдыд öд зэв радейтöны жарын пывсьыны, а ми пукалыштам да тэтöг варовитам пöсь самöвар дорас.

Комçи сьöд пывсяныд овлö зэв жар да бурдöдö мортлысь лысьöмсö. Пывсьöм бöрас Петыр корис дядьсö кевжавны на ордö да тшöтш пукыштны. Но Мөкей Миш сьöлёмсянныс шуис:

— Тэ, Петьö, шойччы бура, а ме тэ дорö вола аски. Колö сёрнитыштны. Мамыдлы öтнаслы сьöкыд нин ов-мöснас бергöдчыны и ковмас институттö помалöм бöрад сийöс сьöрсыйд нуны челядтьö лелькуйтны.

Аскинас Петыр дорö Миш дядьыс пырис сьöрсыйс «Сливянка» дозйөн да шуис:

— Талун вöскресенньö. Ме вöзйыси шойччыны да, Петьö, тэнсьыд локтöмтö пасйыны.

Петырлөн ыркнитлис сьöлöмыс. Бара, тыдалö, гöтрасьöм йылысь лоас сёрниыс и сэк жö ас кежысь мөвпыштис: «Мамö веськыда шуö, мый менам арлыдöй тырмö нин. И эм радейтана Шура ныв. Мед дядьöй панö сёрнисö. А ме сылы шуа, мый та вылö дась. Но сöмын институт помалöм бöрын, кор босьта инженерлысь диплом»...

1955 вося төв заводитчигөн горнöй факультетса студентьясöс кутисны мөдöдавны дипломнöй проект дасьтöм могысь шахтаясö. Петыр веськалис Вөркута карса «Запад-уголь» трестлөн 17-öd шахтаö. Тані сийö уджаліс из шом перьян лаваын «Донбасс» комбайнөн веськөдлысьлы отсасыйсьөн. Сыкөд орччөн вöліны 58-öd статья серти судитöмаяс. Комбайнлөн электрической кабельыс вöлі зэв кыз да сьöкыд. А колö вöлі сийöс кыскыны лава кузяыс. И Петыр поліс, мый сылөн тайö уджсьыс лолыс петас. Но нинöм вылö видзөдтөг, уджаліс практика помасьтөдзыс да удитіс чукөртны дипломсö гижöм могысь материал. Шахтаса главнöй инженер сылы сетіс зэв бур характеристика. Лаваын уджалысьяс сідзжö пыдди пуктісны Петырöс.

Кор Петыр бөр воис институтö да петкөдліс характеристикасö, дипломнöй проект кузя чукөртöм материалсö, кафедраын ошкисны сийöс да лэдзисны дасьтыны дипломнöй проект. Петыр котөрөн муніс корсьны Шураöс да сылы висьтавыны ставсö...

Шура вöлі лыддысян залын да кор аддзис Петырöс, нюммуни. Но мыйлакö ки мышнас чыпкыштіс синъяссö да шуис:

— Но, висьтась, мусаöй.

Найö петісны лыддысян залысь да сёрнитісны дзонь час чöж. Медсясö Петыр висьталіс мамыскöд аддзысьлём, сыкöд сёрнияс йылысь.

1956 вося июль тöлысьöдз Воркутаысь локтём бöрын Петыр дасьтіс ассьыс дипломнöй проектсö да дорйис сійöс комиссия водзын. И со уна йöз дырйи Петырлы да сылөн ёртъяслы сетісны горнöй инженерлысь дипломъяс. А сяс-ся ставөн пуксялісны пызанъяс сайö. Петырлы вöлі нимкодсьыс-нимкодь. Сійö талунсянь горнöй инженер.

Регыд мысти Петыр петіс столövöйысь да котöртіс Шура дінö петкöдлыны сöмын на босьтём дипломсö да морöс вывсьыс горнöй инженерлысь знаксö. А мöд лунас нылазонма шуисны пыравны загсö. Сэки Шура и висьталіс ассьыс гусяторсö:

— Петьö, ме Уктусса гöра вылад кайлём бöрын куті нöбасьны. И öні ставыс тэ сайын. Ме сöглас лоны тэныд гөтырөн нэм кежлö...

Тадзи 1956 воын СССР-ын чужис выль том гозъя, коді виччысис нин пиöс либö нылöс. Тайö жö лунас Петыр пыраліс институтö да босьтіс удж вылö мунём йылысь индöд.

Сійöс мөдöдісны «Кизелуголь» трестö. Воркута йылысь тшöктісны вунöдны. Сэтчö пö мед Москваса горнöй институт ассьыс инженеръяссö мөдöдас. А Шуралы колö на вöлі велöдчыны институтас дзонь во чöж. Но сійö босьтіс нин Петырлысь овсö. И том гозъя сійö гожёмнас аддзысьлісны Кулөмдінын Петыр мамкöд да став рöдвужыскöд. Недыр мысти Шура чужтіс пиöс, кодлы сетісны Василей

ним. Тадзи Мөкей рөд кутіс ёнмыны мужичөй рөдөн и овыс кольо дыр кежлө. А тайо өд овсө Роч муысь коркө важон нин Коми муо вайломаось. Да и Василейлөн вирыс важ пöльсянныс да мамсянныс лоо рочөн. И кодөн сійо лоо? Комиён али рочөн? А сиктсаяс выль чужом дети-наос кутісны нин шуны Мөкей Вась Петыр Василейөн. Кузь ним, но важ олөмлысь сюрөссө казтылана. А Шуралы пондїс нин воны кад мунны институтас велөдчыны. И Петырлөн мамыс шуис ставлы кывмөн:

— Шура да Петыр, энö мучитöй кагасö, кольöй пöчыс дінö. Ме кута Василеюшкоос видзны ассым синмөс моз.

И колисны ичөтöс Кулөмдінö, пöчыс ордö. Анна Григорьевна окотапырысь кольөдїс внуксö ас дїнас. Петыр пиыс муніс уджавны, а Шура моньыслы колö вöлі помавны велөдчöмсö. Во бöрын аддзисисны. Василей быдмис пöчыс ордын да кутіс сёрнитны дзик комиён, а мамыс эз гөгөрво сылысь ни öти кыв. Кор кыліс пиыслысь гөгөрвотөм сёрнисö, сійö гораа бөрддзис. Но Петырлөн мамыс такөдїс моньсö:

— Шура, эн нормы, пиыд босьтас мамыслысь кывсö да кутас сёрнитны тэ ногөн.

А кадыс восьлаліс водзö. Колö вöлі Петырлы да Шуралы мунны удж вылө. Шураос институтсянь мөдөдөмаось «Кизелуголь» трестö. А Петыр уджаліс нин из шом перьян «Володарская» шахтаын участокса начальникөн. И Анна Григорьевнаос корисны мунны пыр олөм вылө Кизел карса «Володарская» шахталөн посёлокö. Кузь туйөд мунігөн Василей заводитіс сёрнитны мамыслөн кыв вылын — рочөн. И Анна Григорьевналы ковмис заводитны рочасьны.

Шуралы сетісны диспетчерлысь удж. Петыр лаваясысь перйö из шом, а диспетчер тöждысьö, мед сетісны тыр-

мымён вагонетка быд лавао да ас кадö петкөдiсны из шомсö му веркөсас. Зэв кывкутана удж.

А Петыр мөвпалiс, кыдзи эськö позьö кокньöдны шахтёрлысь уджсö. Öд Воркутаса шахтаын из шомсö перйисны комбайн отсöгөн. А Кизелын шахтёр уджалiс отбойной мөлöt отсöгөн. Та вылö колö ыджыд вын да уна эбös. А штрекын взрывитöм пөрөдасö важ моз сөвтiсны вагонеткаö ки помысь.

Петырлөн водзмöстчöм серти удайтчис механизируйтны уджсö. И лаваысь шахтёр кутiс перйины из шомсö воддза серти 2,5 пöv унджык, а штрексö нуöдны 2 пöv öдйöджык. Лои вежöма и лавасö да штрексö пыкөдъясөн крепитан паспортсö, мый сетiс ыджыд экономия. Участоксö кутiсны пасъявны шахтаса Почёт пöv вылö да гижны сы йылысь «Уральская кочегарка» газетö.

Öтчыд тайö кадас Петырöс ас дiнас корис шахтаса начальник Семён Абрамович Хейнман:

— Петр Васильевич, тэ мяян шахтаын том горной инженер, водзмöстчысь специалист. Ми тэныд вöзъям лоны шахтаса главной инженерөн. Но колö сетны парткомö шыödчöм, мый тэ көсьян лоны ВКП(б)-са членөн.

Петыр видзöдлiс начальник вылö, сэсся недыр мөвпалыштöм бöрын шуис, мый абу паныд. Гортас висьталiс та йылысь Шуралы, кодi вöли сöмын на локтöма удж вылысь. Гöтырыс опшкис сийös, мый верöсыс эз повзы кывкутана уджысь. Тадзи Петыр лоис шахтаса главной инженерөн. Зiлис унджык пыртны предприятиелөн уджö бур выльторяс. Шахта уджалiс быд тöлысь планъяс вевтыртöмөн.

А мамыс, Анна Григорьевна, сиктса морт, эз вермы овны му вылын уджавтöг да Шура моньыскöд зэв öдйö босьтчисны кирпичысь тэчöм куим жырья керка бер-

дын быдтыны дзоридзьяс. Быдтісны и өмидз да сәтөр, картопель да лук, ставыс сингьяс водзын... Нывбабаяслысь ноксьөмсө аддзисны шахтёръяс да сідзжө заводитісны муөн вөдитчыны. Көть эськө татшөмторйыс эз во сьөлөм вылас шахтаса начальниклы.

1958 вося ноябрь төлысьын Петырлөн семьяыс бара содіс. Шура гөтырыс чужтіс нылөс, кодөс нимтісны Светланаөн. Нулісны пыртны сійөс гусьөн Чусөвөй карса православнөй вичкоө. 1963 вося март төлысьын Шура бара чужтіс нылөс, кодөс кутісны ыдждөдлыны Наташаөн. Сійөс сідзжө пыртісны гусьөн Кунгур карса православнөй вичкоын.

Шахтаын главнөй инженерөн уджалігөн бур, мелі сьөлөма гөтыркөд орччөн Петырлөн семьяыс оліс шуда олөмөн да эз төдлы кутшөмкө майшасьөмгьяс. Ставыс вөлі тырмө. Но нем виччысьтөг Петырлы воис өти төдса морт-сянь юөр, мый Сыктывкарсянь неылын кутасны кыпөдны лесопромышленнөй комплекс. Вочасөн чужис мөвп мунны уджавны выльлаө.

Көні чужан, сәні и шогман

«1929 вося ноябрь 8 луно Слөбөда сиктын вөлі митинг, код вылын участвуйтысьясөс төдмөдісны, мый тані шуөма стрөйтны целлюлозно-бумажнөй комбинат»

(Важся газетгьясысь)

Ыджыд стрөйба вылын Петыр, кызди и шахтаын, көсйис лоны бур инженерөн. Гөтырыскөд сёрнитчөм бөрын босьтіс дженъыдик шойччөг да воліс Перым карө.

Пыраліс политехнической институтса строительной факультетлөн заочной отделениео да сёрнитчис сәни велөдчөм йылысь. Экстернөн помаліс тайо институтсо да лои инженер-строительлөн диплома мортөн. И со коми совнархозлөн корөм серти кык вуз дипломөн да партияса член билетөн Петыр став семьянас 1964 вося июнь төлысын мөдөдчис Эжва шуйга берегын ЛПК стрөитанінө.

Совнархозысь кадрьяс отделса начальник Николай Михайлович Матвеев, коді корис Петр Васильевичос кыпөдны ЛПК, дзик пыр жө сетіс ГАЗ-67 автомашина, мед шопер вайөдас пассажирьясөс «Сыктывкарспецпромстрой» трестлөн керка дорөдз. Петыр писө босьтис аскөдыс да пуксис шоперыскөд орччөн. Шура Наташа медся ичөт нылыскөд пуксис бөрья пуклөс вылас. Анна Григорьевна Светланакод меститчис моньыскөд орччөн. Муртса петісны карсьыс да воисны телевышка кыпөданінө, «вездеходыс» сибдіс няйт гуранө. Бөрө да водзө качайтөмөн шопер петкөдіс автомобильсө да шыасис пукалысьяс дорө:

— Эн ёна майшасьой. Миян туйыс татшөм дзик помөдзгыс. Ме, фронтөвой шопер, тиянөс дзоньвидзаөн ставнытө вайөда индөминөдз.

Дырнос спор вомөн вуджанінө воөм бөрын автомобиль сувтовкерис и мунысьяс аддзисны, мый пос пыддиыс вөліны сөмын сюрьяясыс. Сәки автомобиль вөчис кытшов да ляпкыдинөдыс өддзөдчөмөн вуджис шорсө да мөдөдчис водзө Улыс Човлань. Воисны Чов ю вомөн пу пос дорөдз. Автомобиль бара сувтіс. Шопер видзөдліс пассажирьяс вылө да шуис:

— Ме тиян вөсна кыв кута да кора ставлы петавны машинаысь. Вуджа поссө да бөр босьта тиянөс.

Пассажирьяс петісны машинаысь да подөн вуджисны поссө. Петыр видзөдіс, кызди автомобильыс вуджө поссө

да шахтёрлөн сьёлöмыс ыркнитлис: поскыс вежнясис öтарö-мöдарö. Но ставыс коли лючки, шопер матыстчис сулалысь пассажиръяс дорö да тшöктис сöвны. «Вездеход» бара мөдöдчис водзö няйт гуранъяс вомöн. Кор воисны Емваль ю вомöн вуджанинö, аддзисны, мый ю вомöныс поспыддидыс бара жö вöлины сöмын сюръяяс, быттьö пöрысь пöчлөн вомас гежöдиник сисьмыны заводитöм пиньяс. Шопер петис ывла вылö да гораа шутөвтöм бöрын горöдис:

— Ива-а-ан! Ва-а-арнавский!

Недыр мысти вөр дысь мыччысис ТДТ-75 трелөвочной трактор да матыстчис «Вездеход» динö. Шопер пырис автомобиль кабина пытшкас пассажиръяс дорö да шуис:

— Öти здукөн дежурной Иван Варнавский миянös кыскас мөдар бокас. А тi пукалöй, регыд нин воам кытчö колö.

И збыль, регыд мысти «Вездеход» вöли нин косинын да мөдöдчис водзö. Шуйгавылын тыдовтчисны кутшöмкö керкаяс и шопер шуис:

— Со и воим ЛПК-лөн Емвальса изыскательяслөн оланинöдз.

Тайö оланинсö прöйдитöм бöрын «вездеходös» суöдис карладорсянь локтысь тепловоз. Тепловозса машинист öвтис кинас орччөн мунысь «вездеходлы» да быттьö шуалис:

— Чолөм! Суөдöй менö, энö кольччöй!

Шопер аддзис öвтчöмсö да гөгөрвоöдис:

— Тайö мортыс пыр менö чолөмалö да бур туй сиö, а туйсö вöчны некод оз тöждысь. Сылы öд лöсьыд, көрт туйыд шылыд да няйт гуранъясыд абуöсь. Колökö татчö тиян локтöм бöрын лоас Эжвасянь юркарöдз чорыд веркöса туй.

Шуйгавылын регыд воссьыштис пармаыс да тыдовтчис

кушин, көні вөлі бытшласысь сутугаысь вөчөм джуджыд потшөс. Пельөсьясас кыпөдчөмаоьсь вышкаяс. На вылын сулалісны винтовкаа салдатъяс.

Петр Васильевичлөн юалөм вылө шопер бара гөгөр-воөдіс:

— Тані коймөд да дас коймөд исправительно-трудөвөй колонияяс, көні олөны да ветлөны понъяс да салдатъяс костын ЛПК кыпөдны куим сюрс гөгөр мужичөй морт. Вайисны ставнысө этапөн. Медводз стрөитісны джуджыд потшөс саяс аслыныс оланінъяс. Дерт, эз ёна бур керкаяс, а баракъяс.

А сэк кості Петр Васильевич аддзис, кызди неылын бытшласян сутугаа потшөс бокын воссис дзиръя, да сэтъсь тыдовтчис кукань ыджа понйөн киас карабина шынеля морт. А сы бөрся сьөрсьөн-бөрсьөн кутісны пентавны пемыдруд паськөма мужичөйяс да сувтавны нель морта радөн колоннаө. Найөс видзисны карабина салдатъяс. Ставныс мөдөдчисны керйөн вольсалөм улича кузя Эжва ю береглянь. «Вездеход» сулаліс бокинджык. А шопер шуис:

— Со и мөдісны ЛПК кыпөдысьясыд осьса полигон дорө, көні найө вөчөны көрта бетонысь колоннаяс да ригельяс, а кодсюрө кирпичысь кыпөдө стрөйбаяс, уджыд ставлы эм.

Тайөс шуөм бөрын вөрзьөдіс «вездеходсө» да матыстчис кирпичысь кыпөдөм кык судта керка дорө, көні өшаліс «Сыктывкарспецпромстрой» трест» гижөда пөв. Шопер видзөдліс гөгөрбок да «вездеход» кабина пытшкас пукалысьяслы шуис:

— Со и воим. Ставөн дзоньвидзаөсь да збодерөсь. А тэ, том инженер, збоя пыр управляющөй дорө. Иван Матвеевич зэв төлка морт. Могмөдас тэнө уджөн и пате-

раон. Сійо радейтө веськыд да збой йөзөс. Сөмын лиш-
нойсө немтор сылы эн больгы.

И збыль, Иван Матвеевич Иванец вөлөма бур сьөлөма
да төлка мортон. Том специалистөс вочаалис пөся чолө-
малөмөн. Сюся кывзис Петырөс да телефон пыр корис
асьсө вежысь Вежнин ёртөс. Тшөктис Петр Архипович-
лы дзик пыр жө выль локтысьясөс могмөдны оланінөн.
Та бөрын аскинас корис ас дінас водзө нуөдны удж йы-
лысь сёрни.

Войнас Петырлы эз узьсы. Мөвпалис, кызди выльла-
ын мыччыся сылөн кодзулыс, көні да кодөн кутас уджав-
ны. «Сыктывкарспецпромстрой» трестса управляющөйөн
урчитөм кад кежлө гортсыс мөдөдчис лысваөн көтөдөм
туй кузя стрөитны заводитөм стрөйбаяс пөлөн.

Кутшөм лөсьыд вөлі мунны да мунігмоз видзөдны
нимкодпырысь ас чужан муывса пуяс да кустьяс, шөвк
кодь турун вылө, кодьяс пөлөс шонді югөрьяс улын ка-
житчисны нөшта вежөн да мичаөн. И ывлавывса мич-
лунысь, и ыджыд стрөйбалөн серпасьясысь Петр Василь-
евичлөн сьөлөмас чужис нимкодълун да ыджыд эскөм,
мый ставыс лоө бур.

Көкъямыс час асылын Петыр вөлі нин «Сыктывкар-
спецпромстрой» трестса управляющөй кабинетын.

— Бур асыв, Петр Васильевич, — шуис управляющөй. —
Вай кад воштытөг дзик жө пыр сёрнитыштам тэнад
удж йылысь. Кыдз меным төдса, тэ пөшти дас во уджалін
главнөй инженерөн. Миян трестын уна управление
главнөй инженертөм. Со и ме тэныд вөзъя лоны на
пөвстысь өтиын главнөй инженернас.

Петыр пыдісянь мөвпыштчис да вочавидзис:

— Аттьө, Иван Матвеевич, таысь, но ме медводз көсья
бурджыка төдмасыны проектясөн, мый сэтшөм ЛПК-ыс,

да йӱзкӱд и та могысь меным медся бур лоны участкаса начальникӱн.

Иван Матвеевич мыйкӱ мӱвпыштӱс ас кежысь, друг нюммуниӱс да шуис:

— А тэ, Петр Васильевич, и збыльысь веськыда мӱвпалан. Колӱ медводз тӱдны ас водзад сулалысь могсӱ, аския лунсӱ. Медводз миянлы колӱ кыпӱдны ТЭЦ, и мед сийӱ сетӱс шоныд да электроэнергия ЛПК-ӱ. Но колӱ тӱдны, мый зэкъясыд уджалӱны оз нин сэтшӱм зӱля. Сэсся налӱн омӱльӱсь оланӱнъясыс. Баракод барак и эм. Со и ми мӱвпалам мукӱдлаысь татчӱ комсомольскӱй путӱвкаяс серти вайны том йӱзӱс. А тайӱ кад кежлас баракъяссыс колӱ лӱсьӱдны 60 морта общежитиеяс, медым сӱнӱ вӱлины асмогасянӱнъяс, косътысянӱнъяс и быд жырйын олӱсны кык-нӱль морт.

— Иван Матвеевич,— вочавидзис Петр Васильевич,— ме окотапырысь босътча тайӱ уджас. Сӱмын меным колӱ медводз тӱдмасыны баракъяснас да сӱнӱ олысьясыскӱд. Сетӱй та вылӱ куим-нӱль лун.

Тайӱ жӱ лунас Петыр пыралӱс спецкомендатураӱ да тӱдмасис сӱнӱ уджалысьяскӱд: майор Ромазановкӱд да капитан Ляхкӱд, кодъяс сылы вӱчисны зона кытшӱтӱ ветлӱдлӱм могысь пропуск да висъталӱсны, мый зэкъяс ӱнӱсянӱ кутасны шусыны «химикъясӱн», мӱд ногӱн кӱ, джынвийӱ вӱльнӱй йӱзӱн. Тадзи кӱсийӱ комсомолечьяс локтӱгкежлӱ «Сыктывкарспецпромстрой» трестса управляющӱй Иван Матвеевич Иванец.

Петыр лоис мӱд номера строительнӱй управлениеын участкаса начальникӱн да заводитӱс тӱдмасыны медводз баракъясӱн да сӱнӱ олысь йӱзӱн. Баракъяссӱ вӱлӱ кыпӱдмаӱсь потш кызта керъясысь да коластьясас вӱлӱ кӱтӱ китӱ ывла вылӱдзыс суй. Петыр шензис, кызди танӱ

олысыясыс төвйылісны. Джоджыс вөлі өти пөвста. Баракъясас сынөдыс вөлі зэв дука. Калидор кузяыс өзйисны сөмын кык электролампочкаөн.

Йөзкөд төдмасигөн Петыр медся збодеръясыс бөрйис бригадиръясөс. «Химикъяс» пөвстын бригадиръясөн лисны: Виктор Бойко, Николай Турбылев, Михаил Ибрагимов, Алексей Маркус, Иван Афанасьев, Сергей Вартапетов. Снабженечөн индіс Владимир Клейнерөс. Уджьяс пасьявны босьтчис Николай Каширин. Ставнысө вөлі вайөдөмаөсь ЛПК стрөитны разнөй лагерьясыс. Баракъясыс общежитиетяс вөчан удж котыртны управлениетяс Петыр корис прорабъясөс: Вениамин Роговөс да Алексей Выборовөс.

Баракъясас медводз ковмис көнөпатитны стенъяссө, выльыс вольсавны джоджъяссө, кодйыны да бетонируйтны туалетяс, вөчавны вежөсьяс кык-куим-нөль мортлы олөм вылө.

Петыр гөгөрвоис, мый уджыс лоө зэв кыв кутана да колө ставсө вөчны ас кадө. А көні да кодөн кутас уджавны сылөн Шура гөтырыс? Сійө өд горнөй инженер и кытыс тані вермасны индыны сылы уджсө? И ковмис пыравны Иван Матвеевич дінө да сөрнитыштны та йылыс.

Иван Матвеевич эз шөйөвош и дзик жө пыр лөньөдіс Петырөс:

— И татшөм специалистыд миян трестын колана мортөн лоө: «химикъясөс» да комсомольскөй путөвка серти локтыс том йөзөс стрөитчысысө велөдөм могыс көсьям восьтны учебнөй комбинат. Директорнас индөма Кузнецовөс. А тэнад гөтырыд кутас сәні уджавны инструкторөн.

И Петыр «химикъясыс» котыртөм комплекснөй бригадаяс отсөгөн заводитіс баракъясыс лөсьөдны 60 морта

общежитиеяс. Вежӧсъяс вӧчӧм да джоджсӧ выль пӧв вольсалӧм бӧрын пытшкӧс стенъяссӧ да пӧтӧлӧкъяссӧ эжисны кос штукатуркаӧн, белитисны да мичмӧдӧм могысь резина валикӧн вӧчалисны дзоридз серпасъяс. Но сантехникъяслы, электрикъяслы да связистъяслы ковмис ассыныс уджсӧ вӧчны неуна сӧрмыштӧмӧн. Общежитиеяссӧ ортсысянныс эжисны вагонкаӧн да краситисны силикатной краскаӧн. И вӧвлӧм баракъяс лоисны чача кодьӧсь. Керйӧн вольсалӧм туйяс да тротуаръяс пыдди нюжалисны бетонной туйяс. И кык вӧвлӧм колония пыдди чужис «Западной» микрорайон. Общежитиеын быд олысьлы «Сыктывкарспецпромстрой» трест сетис пружинаа кӧрт крӧвать, выль вольпась, юрлӧс, эшкын да узьлан белльӧ.

1964–1965 воясса тӧлыс вӧлі зӧв кодзыд. Сӧзь войясӧ кодзувъясысь кындзи енӧжас лӧсталіс зӧв уна пӧлӧс рӧмӧн войвыв кыа. И тайӧ кадас общежитиеын олысьяс эз вермыны пукавны асланыс жыръясын, петавлісны ывла вылӧ да чатӧртчӧмӧн видзӧдісны ывлавывса дивӧ вылӧ.

Выль во водзвывса ӧти татшӧм войӧ Иванец локтіс видзӧдлыны, кыдзи олӧны «Западной» микрорайонса ЛПК стрӧитысьяс. Иван Матвеевичлысь татчӧ локтӧмсӧ казялӧм бӧрын общежитиеяс дорын артмис митинг кодь. Трестса начальник пӧся чолӧмаліс чукӧртчӧм йӧзӧс Выль воӧн да ставныслы сиис дзоньвидзалун, бур удж.

Ӧти збойджык «химик» корис, мед найӧс татысь комсомолчъяс локтӧм бӧрын некытчӧ водзӧ эз вӧрзӧдны да колисны овны да уджавны ЛПК-лӧн цехъясысь прӧдукция лӧдзтӧдз. Эжваын олӧмыс заводитчис выль ног. «Сыктывкарспецпромстрой» трестын комсомолчъяс локтӧм бӧрын котыртчис комсомольской стройкалӧн штаб, кӧні начальникнас лоис Володя Зубов. Сылы отсасисны Коля Лютик да Миша Гадишев.

Медводдза могнас штаблөн вөліны, дерт жө, ЛПК-лөн стрөйбаяс. Но сэк жө колө вөлі лөсьөдны Эжваса оланінъясын бур пöрадок. И водзмöстчысыяснас лоисны «химикъяс». Найö спецкоменданткөд сёрнитчөм бöрын Эжва посёлокын котыртисны добровольнöй народнöй дружина. Дружинникъяс дежуритисны рытгорув да вөліны ывла вылын асылөдзыс. Сійö кадас ЛПК стрөитысыяс пөвстын эз вöвны гусясысыяс, тышкасны радейтысыяс. Вөлі лөн да удж радейтана олөм-вылөм.

«Химикъясыс» да комсомолечьясыс кындзи вöльнöй йöз пөвстыс Петр Васильевичлы ковмис котыртны Строитель посёлокын кык бригада, кодъясөн босьтчисны веськөдлыны Надуткин да Пинягин. Найö мастер Михаил Попов юрнуөдөм улын кыпөдисны брускусыс кык судта 12 да 16 патераа олан керкаяс. Регыдъя кадөн вөлі эштөдөма да сдایتөма государственнöй комиссиялы КБО, «Строитель» кинотеатр, пывсян, магазин, начальнöй школа, клуб.

Петырлы вөлі тöдса, мый Эжваса нельөд кварталын зэкъясөн кирпичыс кыпөдөм керкаяс сулалöны эштөдтөмөсь. И сійö бара торйөдис та могыс Сергей Вартапетовлыс комплекснöй бригадасө, прорабъяс Алексей Выборовлы да Александр Лосевлы сетис индөд эштөдны став уджъяссө нельөд кварталса керкаясын. Регыдъя кадөн Вартапетовлөн бригадаыс босьтчис уджө сьөлөмсяныыс. Збылысыс регыд мысти государственнöй комиссиялы вөлі сдایتөма «Чудесница» кафе, мөд, нельөд, дас нельөд, дас витөд, дас сизимөд номера олан нель судта кирпичнöй керкаяс да 31-өд номера шөр школа. Такөд өттшөтш «химикъяслөн» мукөд бригадаяс уджалисны ЛПК-лөн промышленнöй стрөйбаяс вылын.

1965 вося март төлыс шöрын заводитис пöльтны не-

быд рыгыв-лун төв. Апрель төлысь нөшта на лои шоньдөн. И лымйыс кутіс сывны керка вевтъяс вылысь и му вылысь. Ленинлысь чужан лун пасйом могысь прорабскöй участкаса контораё звөнитіс трестысь парткомса секретарь Иван Дмитриевич Туркин да тшөктіс Петр Васильевичлы трестса складысь босьтны 36 гөрд флаг да өшөдны «Западнöй» микрорайонса общежитие вевтъяс вылө. Петыр пыр жө тшөктіс Владимир Клейнерлы ветлыны трестса складө, босьтны флагъяссө да бригадирьяскөд кыпөдны найөс вевтъяс вылө. И апрель 21 лунө пажын кадө уналаын дөлалісны нин гөрд флагъяс. Но апрель 22 лунө мыйлакө 36 флаг пыдди кольөма сөмын 30-ыс. Та йылысь кызкө төдмалөма Туркин ёрт да зэв скөрысь телефон пыр звөнитіс Петырлы:

— Көні нө общежитиеяс вывсьыс мукөд квайт флагыс?! Тайө жө политической лоөмтор. Öні жө төдмав да звөнит меным.

Петыр пыр жө чукөртіс бригадирьясөс планёрка вылө да шыөдчис на дінө:

— Ті, менам дона бригадирьяс, öні абу нин зэкъяс, а «химикъяс», вольнөй йөз. И гусясьны ме тиянөс ог лэдз, кызди добровольнөй народнөй дружинаса командир. Талун войнас керка вевтъяс вылысь воши квайт гөрд флаг. Найөс өд, асьныд төданьыд, Ленин чужан лун кежлө вөлі өшлөма. Но со кодкө босьтөма. Мыжа морт кө веськыда висьтасяс, кута корны спецкомендантөс, трестса администрацияөс да парткомөс прөститны сійөс. А төдмавны абу сьөкыд. И ме эска, мый тайө мортыс öні жө петкөдчас миян водзын.

Бригадирьяс водзө сувтіс Виктор Бойко да шуис:

— Петр Васильевич, ёртъяс, ме босьті квайтнан флагсө и войбыд мусуклы да аслым вури трустикъяс. Көсьям

эстафета лунö финишөдз медводз воёдчыны. Кора став-
нытö менö прöститны.

Бригадиръяс нюммунисны, но некод эз серöкты. Сöмын
Михаил Ибрагимов шуис:

— Петр Васильевич, ми тöдам тiянöс и ставсянь ко-
рам шыödчыны начальство дiнö прöститны Викторöс.

Петр кызди вермис дорйис Виктор Бойкоöс. И збыль-
ысь, эстафета дырйи сiйö вöли медся водзын. Бур уджысь
сылы вöли сетöма Почёт грамота. Но регыд мысти Вик-
тор Бойко мунис гортас — Днепродзержинскö — вöльнöй
мортөн нин.

Тайö кадас помалисны кыпöдны кöрта бетонысь па-
нельяс да детальяс вöчан завод. И 1966 вося сентябрь
тöлысьö Петр Васильевичöс индiсны выль заводас главнöй
инженерөн. Удж вылын гөлöсас и синмас Петр Василь-
евичлөн вöли уна мелiлун. Но öти здукөн сiйö вермылис
вежсыны чишкалана кöдзыдöдз, кор морт эз вöчлы сы-
лысь тшöктöмсö. Выль главнöй инженер зiлис, мед быдөн
сьөлöмсянь пöртис олөмө ассыс могсö.

Петыр тöдмасис заводлөн проектнас да казялис, мый
проект лöсьöдысьяс абу стöчмөдöмаöсь предприятиелы
войвыв условиеясын уджалан технологиясö. Сылы ков-
мис ветлыны конструкторскöй бюроö да вензьöмсорөн
стöчмөдны ставсö. Татшöм ногөн заводлы лоис кокни-
джык воёдчыны проектнöй вынйöрөдз.

Петр Васильевичлы корсюрö ковмывлис цехъясса на-
чальникъяскöд да мастеръяскöд лун и вой мырсыны
да велöдны найöс уджавны технология торкавтөг. Регыд
мысти Слөббодаса КПД завод Эжваын лоис вынйöра пред-
приятиеөн. Сыөн лэдзöм изделиясысь кыптiсны вит суд-
та «67» серияа олан керкаяс Эжваса витöд да медводдза
микрорайонъясын.

Гашкё, сэсса тадзи сьёлёмсяньыс некён эз босьтчывны кыпöдны мортлы оланінгъяс, кыдзи Эжваын. Эз архитектурной мич понда, а Эжвао овмөдчысьяслы, налөн нывпиянлы бура олём вылө тэрмасьёмөн стрөитисны вит судта көрта бетонысь благоустроитөм патераяса керкаяс.

Отчыд ас дінас корис пыравны заводса директор Михайловөс да Петр Васильевичөс ачыс КПСС Коми обкомса первой секретарь Морозов ёрт. Иван Павлович шуис:

— Пыдди пуктана ёртгъяс, сьёкыда кыптö Усинск кар. Тіянлы ковмас отсавны сылы, мөдөдны сэтчө асланыд заводлысь изделиеяссö.

И, дерт, кыв шутөг ковмис босьтчыны пöртны олёмö тайö кыв кутана могсö.

А Эжвао ЛПК стрөитны локтөм комсомолечьяс некор на абу уджавлөмаөсь стрөитчысьясөн, эз тöдны медся коланасö. И Петр Васильевичлы ковмис шыөдчыны трестса учебной комбинатö, мед локтөм йөзөс босьтчыны велөдны.

Мөд лунас нин учебной комбинатлөн классьяс тырисны курсантгъясөн. А лун-мөд мысти ыджыд опыта бригадаяс содісны выль йөзөн, кодьяс окотитисны тöдны важся строительяслысь став гусяторгъяссö.

Отчыд стрөитчан площадкаяс кытшовтігөн Петр Васильевич аддзис, мый плөтник-бетонщикгъяслөн бригадир Илья Проничев вит судта олан керкаын став монтажной уджсö помалөм бöрын юклөма бригадаса войтырөс быд судтаö да найö ки помысь öшиньясöдыс ывла вывсянь мыччалөмөн лэпталöны витөд судтаö джодж плакаяс. А мортыд өд вермас сконгъясыны да öшинь пырыс усьны му вылө. Петр Васильевич стрөга өлөдіс бригадирөс безопасность-техника торкалөмысь. А Проничев сылы воча:

— Мый нö тэ, начальникö воөм ёрт, юртö вылө лэп-талан да горзан уджалысьяс вылө. Эн өмөй трестлөн стенö

өшөдөм чукөстөмсө лыддывлы. Сэтчө өд гижөма: «Сдайт-там ЛПК-лысь стрөйбаяссө урчитөм кадысь водзджык!» Ми стрөйтам керкаяс мортлы өдйөджык овмөдчөм могысь. Весиг уна удж вөчам ки помысь, кор оз уджав техникаыс.

Мый татчө сәсся шуан нималана бригадирлы. Зілісны йөзыс быд ногыс. Бур уджысь государство наградитіс ЛПК уна стрөйтысьөс. На лыдын плөтник-бетонщикъяслөн бригадир Борис Алексеевич Закиматов, коді лоис Социалистическөй Уджвывса Геройөн. Плөтник-бетонщикъяслысь бригадир Иван Иванович Кравцовөс наградитісны Ленин орденөн. Штукатур-маляр Елена Лукьяновна Мишаринаөс пасйөма Трудөвөй Краснөй Знамя орденөн. А Петр Васильевичлы мойвиис ВЛКСМ ЦК-лөн «Передовику ударной стройки химии» знак. Дерт, уджын и олөмын вермөны лоны тырмытөмторъяс, кодъяс йылысь колө висътавны торйөн.

Строительнөй уджъясыс эштөдтөмөсь на вөліны Комаров нима уличавывса вит судта олан керкаын. Тайө керкаас уджалісны маляръяс. А Петыр кыліс телефон пыр зөв стрөг гөлөс:

— Тэкөд сёрнитө партия горкомса стрөительнөй отделөн веськөдлысь Виталий Пантелеймонович Морозов. Эжва да юркар тайө кварталас оз вермыны тыртны олан керкаяс сдайтан план. Колө өдйөджык Комаров нима уличавывса керка гөгөр вөчны государственнөй комиссиялы лөсялана уджъяс. Сідзсө керкаыс ортсысянныс зөв мича, а ывла вылас му веркөсыс быттө вутшкөсь нюр. Аски локтасны керкасө примитны государственнөй комиссияса членъяс. Лөсьөдчы!

Петыр пыр жө вочавидзис:

— Виталий Пантелеймонович, керка пытшкас ноксьөны на маляръяс. Көнсюрө и плөтникъяс на эз эштөдны

ассыныс уджсö. Дерт, уджъяссö лоö вöчöма, но краск-
ыс оз удит косьмыны.

Войбыд уджаліс керка гөгöрыс бульдозер. Весиг лои
садитöма кустъяс да вольсалöма эжа пластъяс. Аскинас
пажын гөгөр керка дорö локтіс юркарсянь «Волга»
легкөвöй автомобиль да сэтысь петісны горисполкомса
председатель Виталий Путинцев, Иван Кононученко да
ачыс Виталий Морозов. Матыстчисны керка дорö,
гөгөртісны сы гөгөр. А сэсся корисны восьтны коймöд
пыранінсьыс öдзöссö, пыртны сэтчö пызан да сувтöдны
мöд судта пос площадка вылö.

Петыр тшöктіс керкасö видзысьлы вöчны, кызди
тшöктöны. Сэні жö кырымалісны кабалаяс. Эштöдтöм
на керкасö лои сдایتöма овмöдöм вылö.

Бöрынджык тані овмöдчöм войтыр асьныс эштöдаліс-
ны строительясөн помавтöм уджъяссö. Овлывліс и тадзи,
кор плансö тырталісны кабалаяс вылын.

А ЛПК-ыд 1969 вося июнь 25 лунö сетіс медводдза
продукциясö. Öні, кызь öтиöд нэмö пыригөн, ёна сöвмöм
Эжва районын олöны 60 сюрс морт. Быд витöд морт
гөгөрвоö да вермö сёрнитны комиөн. Енмös радейтысь-
яслы да сылы эскысьяслы кыпöдісны Преображеннö
вичко. Бумага вöчан нельöд машина уджавны лэдзöм
бöрын ЛПК кутас лэдзны 650 сюрс тонна зэв бур бумага,
а фанера вöчан цех пондас тöлысьнас лэдзны 6,8 сюрс
кубическöй метр фанера. А öд войдөр мөвпавлісны во
гөгөр ЛПК-ын лэдзны 100 сюрс тонна бумага, 280 сюрс
тонна картон да 340 сюрс тонна целлюлоза.

Техникаөн тырöм цехъясö удж вылö быд лун воylvлö
куим сюрс сайö морт, кодъяслөн шөр арлыдыс 38 арös,
а сідзсö уджалöны нин 20–25 во.

Батълөн мөвпъяс да төждъяс

«Видзчысысь батъ челядьлы бур-
джык төждысысь батъ дорысь»

(Вежа небөгьсь)

Өні Петыр, некымынысь нин пöльö воём бöрын, кутіс мөвпыштлывлыны аслас олөм йылысь. Менам пиа-нылаяс лоины нин батъ-мамъясөн, шулывліс ас кежысь, и аддзисны аслыныс поз. Но ковмис кö эськö меным бара быдтыны найöс, ме эськö со мый вöчи:

— Ме эськö ёнджыка радейті ассыым Шура гөтырöс.

— Ме эськö тшöкыдджыка да долыдджыка серавлі аслам челядькөд миянөн вöчөм öшыбкаяс да миян радлунъяс вылö.

— Ме эськö пыр кывзі пыдісянджык ассыым челядьöс да пыдди пункті налысь видзöдласъяссö, весиг ичötдырсянныс.

— Ме эськö вöлі веськыдджыкөн аслам виччысьтөм слаблунъяс дорö, эг зіль дзебны ассыым öшыбкаясöс да ыстысьны кодкö мөд вылö.

— Ме эськö кад сюрөм бöрын шыödчылі Ен дорö, кори дорйыны да мездыны менö да менсыым челядьöс грекъясысь.

— Ме эськö унджык кад вичмөді аслам челядькөд ноксьөм вылö.

— Ме эськö ёнджыка бурö пункті ассыым челядьöс да ошки найöс ас костын.

— Ме эськö ёнджыка зіли казьявны олөмсьыс медся ичöt посниторяссö да век шыасьлі бурсиана кывъясөн.

— Öти кывйөн кö, меным бара ковмис эськö быдтыны ассыым челядьöс, ме эськö зіли матыстны Енлөн шуөмъ-

яс дорё семьяысь ставнысё да пыртны найос олёмö. И ас костын быд лун ме эськө зіли, медым менам челядь ад-дзисны миян вöсна Енлысь тöждъяссö да найö вöліны сöстөм лолаоёсь, бур сьөлöмаоёсь öта-мод дорас, пыдди пунктисны матыссаеяссö да бать-мамсö. Öд тайос жö көсийö Ен аслас Вежа гижöдас.

Колöкө батьöн лоны и кокни, но семья водзын бательы зэв сьöкыд. И коді оз вермы пöртны олёмö бательысь могъ-яссö, сьлөн абу моральной право лоны батьöн. Батьлөн тырмытöмторъясыс омөльтор вылас öдйö кыскöны челядьöс. Бательы оз сöмын ков велöдны ассьыс челядьсö, но и петкөдлыны ас да йöз костса олёмас медся бур пример, медым эз вöвны бать сьөлöмын шог лунъяс челядьыслөн лекторъяс вöчöмысь. А челядьлы бур вöчысь бать вермас дзик жö пыр бурдöдны наөн вöчөм дойяссö. Со та вöсна и колö видзны бательы ассьыс челядьсö ассьыс синъяссö моз. Öд бурджык, кор бөрдö сьлөн пиыс, а оз ачыс батыс аслас пиөн сылы вöчөм дойысь. Коді кужöмөн индалö да видзö ассьыс челядьсö, сылы и пöрысьмөм бöрас лоö насянь отсөг.

Бур сьөлöма да мелі батьтөг оз вермы лоны семья пытшкын бур быдтысьöм школаяс, колледжъяс, лицейяс, институтъяс вылö ыстысьöмөн. Коркө ёна важөн нин Демокрит гижлöма: «Батьлөн бур мывкыд эм медся вынатор челядьöс быдтөм могысь. Бать мед вöлі аслас челядьлы ёртөн да отсасысьөн, а эз тиранөн».

А йöз кост шусьöг висьталö: «Коль ас бöрад аслад челядьлы жö озырлун, а ас йывсьыд зэв бур паметь; эн зарни шмак, а ассьыд сöстөм ним да вич; эң эзысь ёкмыль, а ведзö вылö бур олём йылысь наука; эн ыджыд көрöмина, а терпитны кужöм; эн озыр ышнясьысь йöзöс, а тэ вöсна бура тöждысьысь ёртъясöс».

Батъяслы колө помнитны, кымын ёнджыка ми лоам Енлысь шуомъяссө пыдди пуктысьясөн, медым на отсөгөн велөдны ассыным ныв-пиянөс, сымын кывзысьысь-джыкөн лооны найö асланыс олөм-вылөмын.

Батъяс, лоамой жö шондi югөрөн асланым челядьлы да налөн быдмысь челядьлы, медым найö нуодасны тiянысь рөдтö, локтысь лунъяссö да вояссö, колөкө и нэмъяссö.

Дерт, семья пытшкад ёна колө мамыд, но өтдортчөмөн оз коль и бать. Бать да мам семья лөсьөдысьяс и челядьöс быдтысь-велөдысьяс! Тадзи вöли, тадзи и кольö локтысь нэмъяс кежлö. Сöмын мортлы колө пыдди пуктыны Енлысь даснан шуомсö да на ногөн лөсьөдны олөмсö семья пытшкад. Найö öд мортлы лооны медся колана оланпасъясөн нэмъяс кежлö. Лоö кө мывкыд да вежөр, лоö и бур мортлөн олөмын...

И быдсяма эскöмыс эм. Ми эскам асланым челядьлы и тайö эскöмыс шонтö миянөс, кодъяслы ковмис мунны асланыс бөрйөм туй кузя и нуны олөмлысь сьöккыд нопсö уна ногөн вежласян кадъясö.

Шуам, немтор лөкыс эз вöвлы миян олөм туйын, немтор! И со тэ босьтан аслад киö ассыд кагатö, кутан сийöс ас водзад и тайö здукас тэныд вössö морт олөмын збыльыс. И тайö збыльсö аддзан сöмын кагалөн чужöмын да пöрысьмөм мортлөн кулөмын...

Сöстөмлун эм тайö збыляс. И мый тэ эн вермы, эн куж, сет аслад челядьлы. Но сiдзи, медым ставыс налөн вöли сöстөм, и найö вермасны водзö олөмын сетны йöзлы югыд да шуд... Тадзи мед ставыс вöли! Тэ эн повзы. Тэ жö ачyd, кызди мый вермин, матыстiн аслад олөмнад тайö öнiя кадсö!

Россия ставсö ас вывтiыс нуодас, и миян Коми муö

юкыштас бурсо и лёксö рыночной экономикао вуджигон. И он сомын тайо оломсыс босыт ас вылад ставсо. Ношта на унджык тэ верман, ковмас ко, ас вылад лэптыны. Мед тэ ко он вермы, тэнад челядыд да внукъясыд вермасны, ми од ас кадö ставсо ропкытөг ас вывті нуим и оломö пöртім. И, гашкө, сы вöсна и висьодчам да врачьяслы дөзмөдчам. Но Ен отсалас да овны на кутам водзö, индавыны туйяссö внукъяслы, сы кузя налы отсавны вöчавны медводдза воськовъяссö. Тадзи и Россия заводитö вöчавны медводдза воськовъяссö крепыд рыночной экономика дырйи овмөс лөсьөдигон. Висьяштас, сэсся совмас да лоö став мир пасьта медся озыр да вына странаон. Тайо эм миян оломын медся сьолөмпытшса эскөм. Россиялөн онъя могыс таын!

Сиктын овны көсйөмыс эз быр

«Керка — крепость, семья — государство, ашпöрлун — эмбур»

Пыр тшөкыдджыка мөвпала отитор йылысь. Ме кө эськө вөлі дзоньвидза да шөр арлыда мортон, быть эськө локті ас чужан Эжва юбокса Куломдін сиктö, көні медводз синмад шыбитчöны тувсов ваон ойдлан видзьяс, паськыд ыбьяс. Тайо муяссö важысянь ёна вынсьөдлісны да найо сетлісны эз омоль урожай. Да и пуясыс тайо му вылас одйö быдмöны. Вөрзьөдан кө кызд пулысь сямөдсö кырсьнас, зараваыс кутас петны тюрөбөн. Менам татчö локтан кадöй тулыс. Тулысыс ставнас вөлі эськө менам. Ме цар тулыслөн царствоын. Сиктса йөз пиысь унаон помнитöны да төдöны менö да менсым рөдөс.

Ме — Кулөмдинса морт. Пета кө сиктса кыр йылас да горөда, менө кыласны пармаыс, ойдлан видзьясыс да гөра-көдза муясыс. Кыласны да кутасны төдны, мый ме бөр локті ас чужан сиктө и эг өтнам, а гөтыркөд. Тшөтш и челядь да внукъяс пиысь кодсюрөос сьөрысь вайөді пыр олөм вылө.

Ме видзөдлі зэв сюся кырйывса гөра-көдза муяс вылө да мөвпышті, мыйта тані вермас быдмыны люцерна, бобө-нянь, тимофеевка да зөр сора шыр анькытш, кодъяс лооны зэв пөтөса көрымөн гортса пемөсьяслы. Сідзкө, миян сиктса гөра-көдза муяс вылын вермасны сөвмыны вынйө-ра овмөсьяс. И ме көсья лоны аслам чужан сиктын на пөвстын, кодъяс зильөны лөсьөдны зумыд ашшөр овмөс. Ме ньөба аслым му да кута быдтыны аслам челядькөд гортса пемөсьясөс, вөдитны картофель, капуста, морков, сёркни, лук да мукөдтор, кодъяс лооны пызанывса вөлөгалы подулөн миян став семьялы.

Дерт, лоө пызан вылын и яя да йөла вөлөга, зараваысь вөчөм ырөш, лооны тшакысь вөчөм сөянторъяс, лоө и вотөс, и свежөй чери.

Ме эськө кута ставсө вөчны сы могысь, медем меөн котыртөм овмөсыс паськаліс да сетіс пыр унджык став коланасө бура олөм вылө. Ме эськө босьті содтөд уджалысьясөс, кодъяс гөра-көдза муяс да град выв пуктасьяс вөдитөмысь өтдор вермисны дөзьөритны мөсьясөс, вөвъясөс, ыжъясөс, порсьясөс. Наысь кындзи эськө босьтчи видзны чипанъясөс да дзодзөгъясөс.

Ме эськө эг кут вөчны видз-му овмөсса уджъяссө ылө-сас. Тшөкыда понді советуйтчыны видз-му овмөсса учёной-специалистъяскөд, мед босьтны видз-му овмөс культура-яслысь озыр урожай, мед быдтыны да видзны уна йөла да яя гортса скөтөс.

А кор во помас сиктса войтыркөд өтлаын донъялам вөчөм уджсө, аддзам, мый коді зіля уджаліс, сылөн ставыс тырыс, а коді дышөдчис, дьөбө коліс. Сэки ме эськө татшөмъясылысь ньөби мусө. Тані шензянаыс нинөм абу. Рынок дырйи овмөдчө бура да озырөн лоө сійө, коді вежөра да уджсө радейтө.

Мөвпала да, збыльысь өмөй морт вермас лоны шудаөн, кор сылөн эм сөмын няньтор да яйтор, а юр весьтас омөлиник керка вевт?

Ме аттьөала Енмөс сыысь, мый эмөсь свет вылас зіль уджалысь йөз. Өтияс мырсьөны гөра-көдза муяс вылын, быдтөны нянь, дөзьөрیتөны гортса пемөсьясөс, мөдьяс шахтаясын да рудникъясын перйөны из шом да руда, коймөдьяс кыпөдөны уна судта керкаяс, нельөдьяс велөдөны челядьөс. Нянь быдтысьяс, көрт да чугуи сывдысьяс, машина вөчысьяс, Ай му дорйысьяс да пөрадок бөрся видзөдысьяс вөчөны му вылын олөмсө бурджыкөн да мичаджыкөн. И ас сиктын өнйя овмөс вөдитөмыд меным кажитчө этша на. Ме эськө босьтчи и вузасьны ас овмөсын вөчөмторьясөн. Мед мян сиктө вольвлісны ньөбасьны район пасьталаысь быд төлысь бөръя вөскресенньө. А сикт шөрас уджаліс вузасян ярманга, кытысь позис ньөбны ставсө, мыйөн озыр район да Кулөмдін сикт.

Ме ас сиктын көсья лоны Мөкей рөдысь пыдди пуктана мортөн. Ме тані вөлі коркө том. Ветымын во сайын менам вөлі пашкыр юрси, ме вөлі збодер, лөсьыд статя зон. Медся кузь луныс меным кажитчис дженьыдөн.

Ме нөшта мөвпала ярманга эрд вылас восьтны лавка, медым сэтчө пырысь вермис ньөбны ставсө, мый сылы колө. Лавка помас мед уджаліс сөян-юанін. Ньөб, мый тэныд колө, нурьясьышт, ю быгъя тагъя сур. И ставыс өд тані эськө вөлі донтөм. Позис чөсмасьны и сиктса

сёянторъясөн: пөим пытшкын пөжалөм картупельён, чеснока порсь госөн, шоммөдөм сола капустаён. И быдөн эськө пукаліс кучикөн эжөм креслөясын. А Шура гөтырөй вөлі эськө йөз водзын да семья пытшкын мичлунөн да ныв-пи бөрся төждысьысьён.

И век кежлө лоисны мусаясөн

Тэ менө помнитан, пыдди пуктана сиктса морт? Ми өд тэкөд том дырсянь төдсаөсь. Со и видзөд өні ме вылө да сюркняв пель саяд. Со мый вермис вөчны мекөд комын сайө во зэв кывкутана удж да планъяс вевтыртөм вөсна дугдывтөг майшасьөм. Менам коркөя тыр вир-яя тушаөй лоис пырыс тыдаланаөн. Вежсьө тай мортыд. А том дырйи кутшөмөн вөлі! Нывъясыд ме вылө тшөкыда гусьөн видзөдлывлісны. Но гөтырөс некод вылө эг вежливлы. Сійө менам Уралысь. Синъясыс пемыд кельыдлөз рөмаөсь. Быттө сорлалөмаөсь саридзлысь лөз рөмсө енэжлөн югыд лөзыскөд. И зэв автяөсь найө. Нөшта наын петкөдчө нюм да серам пөсь шонді югөръяс сорөн.

Тайө пемыдлөз синъяссыс ме пыр лыдди сьөлөмсянь петысь шытөм кывъяс: «Ме кута радейтны ассым мусаөс. Ме сөмын тэнад, Петьө, и менам эм тэ, сөмын өти муса мужичөй».

Шура пыр кежлө кольлө ме дінө меліөн, рамөн, челядьыс дорө шань мамөн. Тайөс бура төдөны ставөн ськөд уджалысьяс и өти керкаын олысьяс пиысь. Ме жө сылы пыр аслам оласногөн төдчөдлі, мый менам сы дорө сьөлөмын и лов вылын эм помтөм муслун. Шура аслас веськыд ыргьян роч оласногнас пыр аддзис Петырлысь сійөс радейтөмсө. И вөлі на костын да семья пытшкын пыр шы ни төв.

Ас водзё пукті мөг: лоны коланаён

«Отсав аслад матыссалы,
кызди мый верман»

(Вежа небогысь)

Сиктса да карын дача вөдитысь войтыр окотапырысь ноксьоны муён, быдтоны град выв пуктас да босьтём урожайсё төв кежлө меститоны гуо. Сиктса морт аслас керка дорё либё гөбөчас кодйё гу да сәні видзё град выв пуктассё. А карсалы, коді олө уна судта керкаын, кызди бергөдчыны? А ме пөльзуйтча балконөн...

Зэв бура косьтём 25 миллиметр кызта пөвъясысь вөча нель-ө-вит мешөк картопель төрмөн вевта көрөб, пытшкөссё эжа 80–100 миллиметр кызта пенопласт плитаён. Сэся босьта көрөб кузяыс 1,2–1,5 миллиметр кызта көрт лист, артала пасьтасё, медым тайё листсыс позис вөчны 120–150 миллиметр диаметр кызта труба да лист веркөсас чертита 50×50 миллиметр пасьта квадратъяс. И визьяс вомөнасяннъясас пискөда сверлөөн 5 миллиметр ыжда диаметра розьяс. Артмөм розьяса листсыс вөча труба. Труба пытшкас өти помсяныс да мөдарсяныс сюя электропатронө проводъясөн пысалөм 150–200 ватта электролампочкаяс. Тайё лампочкаяса трубасё пукта вөсни көрт бедьясысь вөчөм сідз шусяна «кошка» вылө. Пыдөссияныс пенопласт веркөсөдзыс труба веркөсыс мед вөлі эз матынджык 250–300 миллиметрысь. Көрөбас трубасё пуктөм бөрын град выв пуктассё сэтчө колө сөвтны ки помысь.

Ывла вылын шоныдджык поводдя дырйи труба пытшкас мөд өзйё сөмын өти электролампочка и позьё көрөбыслысь восьтлыны вевтсё да босьтны сэтысь ки

помысь сөвтөм картупельсө. А ёна көдзыд поводдя дырйи труба пытшкас мед öзйöны кыкнан лампочкаыс. И востлыны көрöбыслыс вевтсö оз ков!

Тулыснас пыралис орчча керкаса олыс да веськыда сёрнитис мекöд:

— Петр Васильевич, тэ аслад инженернöй вежөрнад зэв буртор меным вöчин. Ме кывлi тэнад балконыввса көрöб йывсьыд да вöчи тэ моз жö. Тöвбыд видзи сэнi картупельсö да весиг кöйдыс вылö коли. Аттьö тэныд бур мөвпсьыд!

Ме тöвбыдөн казяли: труба помъяссö колö тупкыны пробкаөн, сэки лампочкаяссяньыс шоныдыс кутас көрöб пасьталаыс разавны öткодя.

Менö — батътөм мортöс — ыджыд бать зэв ёна радейтис. Гөститöдлiс пражитөм чери пöкйөн да некйөн, юктöдлiс заваритөм сьöд роч тшайөн. Сакарсö сетлiс чашка тшай дорö анькытш тусь ыджда да шулис:

— Ю, ю, пиö, пöсь тшайсö, кынöмыд оз кут висьны.

А ме сылы:

— Ыджыд батьö, тэ менö пыр гөститöдан пражитөм чери пöкйөн да некйөн, юктöдан роч тшайөн да сетан весиг сакар. И ме кычипи моз велали да школа бöрын пыр которта тэ дiнö гөститны, быттьö сiдз и колö. Но ме видзöда да аддза: тi ыджыд мамкöд заваританныд теребей либö пакула да юанныд сакартöг, мыйла?

— Ми öд, пиö, важ йöз нин да миян кынöмлы ставыс бур, а тэныд, нэриник на да, колö чöскыд сёян-юантор.

1943 вося март тöлысь помын енэжыс весасис тöвсья кымөръясысь. Кутис пöльтны небыдик рытыв-лун тöv. Керка вевт доръяссянь му веркöслань пондiсны нюжöдчыны кыз да кузь йи нёнъяс. Ывла вылын кутис кывны тулыслөн лов шыыс.

И со татшөм кадö ме школа бöрын локтi ыджыд батыясö. Ыджыд бать öшинь дорас мыйкö вöчис, а ыджыд мам пач водздорас ноксис. Пыри да чолöмалi найöс:

— Чолöм, ыджыд бать, чолöм, ыджыд мам. Тувсов лунöн тiянöс, талун ывла вылас шоныд да весиг воробейяс збоймисны.

А ыжыд бать меным:

— Да, пиö, тулыс матысмис миян кильчö пос помöдз, а таво тöвнас эг вермöй градъяс вылö петкöдны ни öти додь куйöд. Гöль во миянлы ыджыд мамыдкöд вермас лоны. Куйöд выннад градъяс вылад мый пуктан, сiйö и воас. Но, пиö, ме надейтча Ен вылö да со вöча черпушка. Кöсья ветлыны, вöвсö кö колхозыд сетлас, Дон сиктöдз да Дон ты пыдöссьыс со тайö черпушканас гумлавны куим-ö-нель телега тыр ты пыдöсса нюйтсö. Донсаяс чуйдiсны, мый нюйтыс отсалö зэв бура быдмыны град выв пуктаслы. И кутан кö содтыны сiйöс гортса пемöсьяслы помöй пытш-кас, содö налөн азымлуныс. Мöс зэв горша сэки сёйö весиг идзас, а порсь заводитö ставсö сёйны, мый сетан, кык пöв унджык, да öдйö тшөгö.

Кык лун мысти локтi ыджыд бать ордö да сiйö ошйысис Донö ветлöмнас. Кильчö пос помсьыс петкöдлiс нель пельса, кодъясöс вöли тыртöма пыж мавтан сир кодь сьöd няйтöн. Ме юалi:

— Ыджыд батьö, мый нö выль пыж кöсьян вöчны али мый, та мында сирсö лöсьöдöмыд?

— Ог, пиö, ог. Менам пыжыд эм, тшуп бердö домалöма дзык выль пыж. И пöсь сирөн мавтöма. А тайö пельсаясас Дон ты пыдöсса нюйтыд и эм. Шондöдас дзыкöдз да ми ыджыд мамыдкöд градъяс вылö гөртöдзыс коялам. А тэ пыр да шердынысь видзöдлы, мый ыджыд батьыд нюйтсьыс öтдор праздник лун кежлö вайис.

Ме котөрөн кайи кильчө пос кузя да пыри керкаас. А сәни гөбөч өдзөс водзас ыджыд мам босьталө шердынысь өщөпек кузьта сынъясөс да керө черисө. Сы бокин пукалө ыджыд съод кань, дзирлөдлө лөз синъяснас да мыйкө зэв азыма сөйө. Ыджыд мам видзөдліс ме вылө, мыйкө сетіс каньыслы да шуис:

— Воськовт, воськовт, пиө, водзө да пуксы пызан саяс, менам регыд лоө дась латка тыр пражитөм чери пөк да нек. Со тайө лөз синма видзанторйыс сювъяссө свежөй чериыдлысь оз сөй. Радейтө сөмын нексө. Но немтор. Ыджыд батыд праздник лун кежлө вайис шердын тыр мича сынъясөс, кера да солалышта, мед оз чир.

Лымйыс эз на быдлаысь удит сывны, а ыджыд батыө ыджыд мамкөд градъяс вылас коялісны нин муртса сылыштны удитөм нюйтсө да гөрисны муыс шоналөм бөрын. А сәсся тулыс чөж тәрмасьтөг пуктісны торйөн став пөлөс град выв пуктассө. И кор арнас кутісны босьтны градъяс вывсьыс урожайсө, налөн картупельыс быдмөма котырас квайт-көкъямыс, быдөн мужичөй кулак ыжда. Капуста маच्याсыс быттьө шылясьөм ыджыд изъяс, лукйыс позъяс вит-ө-квайт. Бура артмисны и сөркни, свеклө, морков, мөс сөркни, парникса өгурцы.

Тайө воө Енмыс ыджыд батыөс эз өбидит град выв пуктасөн, көть и ковмис сылы ёна зільны да вөчны уна кипом удж.

А ме мөвпала, мый ты пыдөссьыс нюйтсө позьө лэптыны механизмъясөн да вөчны бур уна йөзлы пөльза вылө. Медводз колө вөчны понтонъясысь ва веркөсөдыс өтарө-мөдарө ветлыны вермысь площадка. Сы вылө сувтөдны нйит кыскан насос. Ветлөдлысь площадка вывсьяныс позьө кыскыны нюйтсө бус кыскысь машинаөн

моз да йӱткыны шланг пыр коланаинӱдз. Дерт, бурджык эськӱ кизьӱр нюйтсӱ сулӱдыштны да бӱрынджык сукмӱм нин нюйтсӱ новлыны сӱтчӱ, кӱнӱ сыысь позьӱ вӱчны брикет гранул либӱ порошок да инавны найӱс му вӱдитысьлы. Ме ногӱн, найӱс окотапырысь ньӱбасны дачникъяс, сиктса йӱз, кодъяслӱн эм град йӱр. Оз ӱткажитчыны и видз-му овмӱс кооперативъяс.

Дон ты пыдӱсса нюйтыс, рочӱн кӱ, сапропель, зӱв коланатор!

Водзӱ олӱм йылысь мӱвгъяс

Медтӱдчанаыс мортлӱн олӱмын — корсьны Ен дорӱ туй да овны сылӱн велӱдӱм серти.

Морт став олӱм чӱжыс зӱльӱ корсьны сӱтшӱм оланӱн, кӱнӱ ыджыдалӱ Мир, Удж, Радейтӱм, кӱнӱ олӱны тӱлкалада олӱмӱн, Енлысь шуӱмъяссӱ пыдди пуктӱмӱн.

Кызь ӱтиӱд нӱм заводитчигӱн Россия кутӱс пырны рынчнӱй экономикаӱ да оланпасъяс серти олӱмӱ. Дерт, ставыс тайӱ ӱти здукӱн татшӱм ыджыд странаын оз артмы. Вылыс пырӱдчӱ сьӱкыда. Выль пӱлӱс олӱм выль пӱлӱс олӱм и эм. Выль йӱз кутасны выль олӱм вӱснаыс юны, кыдзи юӱны жар поводдя дырйи горш косьмигӱн косьмыны заводитӱм юысь васӱ. Дерт, медводз колӱ сетны ваыслы сӱдзыштны, медым став няйтыс да гудырыс пуксяс пыдӱсас. И сӱмын сӱки юны, видзчысьӱмӱн, медым пуксьӱм гудырыс эз кыпты бӱр да вермис веськӱдны горштӱ сӱдз ванас.

А йӱзлӱн олӱмыд кодзувкотъяслӱн кодъ. Пазӱдӱсны карсӱ, но чукӱртчасны да бара кыпӱдасны ыджыдджыкӱс да мичаджыкӱс, овмӱдчасны сӱтчӱ да кутасны овны шы

ни төв. И быдөн аслас вежөрөн да ашпөр уджөн кутас лөсьодны выль олөм.

А од медся тодчанаыс морт олөмын тодны, кытчо мунан бөрийөм туйодыс. Кадыс овло мортлы зэв сьокыдөн да гөгөрвотөмөн. Но мый вөчан. Видзодны кө да сөмын надейтчыны тайо вежласян кад вылас, йөзыд унаөн нин вермисны мөдар югыдас сетчыны шудсө аддзывтөг... Мортлы колө овны Енмөн сетөм кадколастсө, кызд вөвлі важысянь нин лөсьодөма: «Мужичөй кувны лөсьодчө, а тыла вылө на көдзө». Унаөн оз тодны, мыйкөд откодявны өнiя перестройка дырся кадсө... Видзөй медводз ассьыныд нимтө! Служитны немтор вылө видзөдтөг колө... Ай мулы да Енлы. Кывзы тэ, том морт, олөма мортөс. Сийө весьшөрө некор немтор оз шу. Енлы эскөм абу дөрөм, кодөс верман пасьтавны ас вылад да мунны.

Тыр-бур олөм морт сьөлөмө локтө православной христианской обрядьяс пыр. Православной Енлы эскөм, кодөс Коми муө вайис да пыртис коми морт сьөлөмө Перымса Степан, лоө кыззи ыджыд өгыралысь бипур и сийөс колө том мортлы дугдывтөг пестыны аслас сьөлөмын.

Енлы эскөм — тайо медводз радейтөм. Сийөс төдмалөны асланыс сьөлөмнас челядь, бать-мам. А мөдар помсянь сийө паськалө матыссаяслы, гөльяслы, корысьяслы, вись-сьяслы, коньөръяслы да дзескыдiнын пукалысьяслы. Енлы эскөм кутас овны налөн сьөлөмын сы вөсна, мый радейтөмыс и эм Енмыс.

Но этшсө төдтөм морт оз пыдди пукты Енмөс, кодi ставсө терпитө да видзө ас пытшкас ставсө, медым мездыны грекө вөйөм мортөс да сы гөгөр лөсьодны мир да төлка-лада олөм. А грекө вөйөм морт тэрмасьө да сөлө доддяс, быттьөкө матысмөны сылөн бөръя лунъясыс.

Тэ коми? Сидзкө, тэныд некод вылө надейтчыны. Эн

яндысь. Радейт быд пӧлӧс уджсӧ, кодӧ вердӧ да юктӧдӧ тӧнӧ и семьятӧ. Уджыд кокъяс вылад кутӧ. А кызди сӧмын кутан дышӧдчыны, сӧдз и нар вылад нӧровтӧдас. Мортгид, кор радейтӧ сьӧлӧмсянь уджавны, пыр овлӧ дзоньвидзаӧн. И Ен отсалӧ дыр овны сылы Му вылас.

Дерт, кор кутан нӧрпавны, колӧ пӧльзуйтчыны бурдӧдчан быдмӧгъясӧн. Найӧс сы вылӧ и лӧсьӧдӧс Енмыс мортъсь водзджык. Енлы бурсийӧм да висътасьӧм, сыысь кындзи и вежа даръясьӧм — со мортлы медся бур бурдӧдчанторъясыс. А став мукӧдторйыс сӧмын отсасысьсӧн лоӧны.

Тэ коми? Ӧшӧд сьылӧад перна да ну ассыд кресттӧ аслад туй помӧдз. Нимкодясь, мый ас нэмнад удайтчис мунны татшӧм кузь туй — вояс да верстъяс пыр.

Воясыд мунасны — радейтӧмыс кольӧ. Мыйла, мыйла тӧ, вояс, вӧлӧнныд сӧтшӧм лӧсьыдӧсь! Эн бӧрд мортлӧн сьӧлӧм! Тэ бӧрся локтӧны тэ кодъ жӧ пӧсь сьӧлӧма войтыр. И, колӧкӧ, лӧсьӧдасны водзӧ олӧм вылӧ ассыныс семья. Семья — тайӧ мортлӧн шоныд да югыд керка! Сӧнӧ мортлӧн аслас олӧм да аслыспӧлӧс гусяторъяс. Бур семья пыр зӧльӧ овны тӧлка-лада олӧмӧн.

Семьяын пыр медыджыдыс бать. Быд асыв сӧйӧ садьмӧ да гусьӧн юалӧ ассыс: «Ловъяӧсь-ӧ да дзоньвидзаӧсь-ӧ ставныс семья пытшкын да ставныс-ӧ вермӧны пызан сайӧ пуксьыны пӧсь сӧян-юан дорӧ?» Нуръясьӧм бӧрын ставӧн босьтчӧны мӧвпавны бур олӧм-вылӧм йылысь. И сӧки бать видзӧдлӧ пызан сайын пукалысьяс вылӧ да шуӧ:

— Миян олӧмыс да уджыс пыр вӧлӧны зӧв сьӧкыдӧсь. Но ми чӧждысим сы вӧсна, медым аския луныс миян странаын да Коми муын вӧлӧ югыд да лӧнь. А ӧнӧ адзам, мый колӧ лӧсьӧдны выль оласнога том йӧзӧс. Медым

овмөдчыны морт ногөн да этш төдөмөн, том мортлы колө аслыс бөрйыны олөм визьөдыс мунан туйсө. И, дерт жө, ёна велөдчөмөн да зільөмөн, матыссаясөс пыдди пуктөмөн. И сәки сийөс асысө кутасны пыдди пуктыны.

Воис кызы өтиөд нәм. Воисны выль төвруяс. Но и бөрө кольөмторъясыс вермасны выльысь локны. Но унаөн тайөс оз көсйыны. А мыйла? Лөк али мый вөлі, кор уджалысь морт быд төлысь босьтліс нажөвитөм удждонсө, вермис ветлыны быд во төдсаяс дорө ылі каръясө, бурдөдчыны курортъясө. Но ставөн водзвыв төдтөг пырисны выль олөмө. И страналөн быд пельөсын кутіс кывны сёрни политической да экономической кризис йылысь. Но кризис эм талун. Аски, колөкө, оз ло. Ен да вичко век кежлө кольөны. Найөс некод оз вермы олөмысь киритны. Удж, Ен да Семья лооны мортлөн вежөрын зумыд подулөн. Морт пыр кутас зільны нажөвитны унджык сьөм да тыртны семьяыслысь олөмсө радлунөн да шудөн.

Кризисыд волө да бөр помассьө. А ас чужан му, ас культура, искусство да духовной олөм кольөны морт сьөлөмө нәм кежлө да сийө на отсөгөн кыпөдчө ловнас, а оз чегсы. И кутас овны выль олөмөн. И колө зільны бурджыка да озырджыка овны шуда да гажа Му вывса олөмөн. А чужанінас воөм бөрын сийө медводз кежалө война вылын пөгибнитөмаяслөн сикт шөрын сулалысь обелиск дорө да копыртчылө воинъяслы, кодъяс сетісны олөмнысө өнія йөзлөн шудлун вөсна. А сәсся та бөрын сийө локтө вичкоө пөль-пөчсө да бать-мамсө казытыштны. Найө өд велөдісны сийөс став бурас, велөдісны и Ен нимөн овны да уджавны став войтырыслы бур вылө.

Вичкоө пыралөм бөрын сиктө воөм морт кежалө шойна вылө, кытчө дзөбөма сылысь матыссаясөс да та бөрын пыралө ловйөн кольөм рөдвужыскөд да матысса-

ясыскөд аддзысьлыны. И сөмын та бөрүн петө гөгөртны сылы челядьдырсянь тődсаинъяссө.

И, дерт жө, тайө дзормөм нин юрсиа пөрысьмөм мортыс весь оз ов. Сійө пыр вөлі сьөкыд да кывкутана удж вылын, оліс ас сиктысь бокрын да өні петіс пенсия вылө. И мый жө? Сылы убөлитісны сетны войт мында пенсия. А гөгөр ставыс вывті дона. Важ паськөмыс важөн нин киссис. И му вылын уджавны тайө пөрысьмөм мортыс оз нин вермы. Но сійө абу өтнас татшөмыс. Татшөм гөля олысь лыдө өнія кадө веськалісны кызвын войтырыс.

Коді мыжа, мый странаыс ставнас висьмис сьөкыд аслыспөлөс висьөмөн? А өд мыжаяснас ми лоам асьным. Ми вузалім асьнымөс ваучеръяс вылө. Көдкө вермас шуны: «Миянлы көсйысисны бур олөм лөсьөдны 500 лунөн да пөръялісны». Но өд ми асьным асьыным гөлөснымөс бөрийсигөн сетам сы вөсна, кодөс весиг өгө төдөй да синмөн эгө аддзылөй. Сідзкө, збыльысь мыжаөсь ми асьным, мый сетім грабитны асьнымөс да кодъяскө миянөс ылөдлөм тшөт весьтө стрөитөны аслыныс коттеджъяс.

Бокысь локтөм морт миян Комиын пөльзуйтчө мупытшса да муверкөсса озырлунъясөн, кызди көсйө да кызди сылы бурджык. Сэк жө, ме серти, колө, медым став тайө озырлунсьыс вөлі пөльза сылы, коді тайө му вылас олө-вылө да уджалө. А Коми муса кар-сиктын войтырыс эскөны на, мый татшөм озыр му вылас олөмыс вермас лоны свадьба вылын кодьөн гажаөн да мичаөн. Сідзи и кажитчө меным, быттьө шөпкөдөны пөрысьмөм козьясыс да кызьясыс: «Эскөм серти тиянлы лоө ставыс. Колө сөмын төждысьысь көзяин!» И сиктса, и карса войтыр окотапырысь босьтчасны уджавны видз-му

овмөсын да промышленностьын. Кутасны овны воысь-во бурджыка да судсянаджыка Енлы эскигтыр.

Ми — коми войтыр — асныра йӧз. Миян аснырным важӧн нин тӧдса ставлы. Медым вежны асьыным оласногнымӧс, колӧ миянлы ас пытшкын челядьдырся рамлун. Татӧг морт вермӧ чорзыны да воштыны асьсӧ йӧз пӧвстас. А раммӧдны сылысь сьӧлӧмсӧ вермас сӧмын Енлы эскӧмыс, кодӧ шуис: «Веськыда висьтала тӧянлы, онӧ кӧ бергӧдчӧй веськыд туй вылӧ да онӧ лоӧй кыдзи кагаяс, онӧ пырӧй Енӧжыввса Царствоӧ».

Миян пӧль-пӧчьяс ас кадӧ петкӧдлісны бур сямнысӧ да примитісны Перымса Степанӧн вайӧм православнӧй Енлы эскӧмсӧ. Ен нимӧн видзисны ас чужан мунымӧс лӧк йӧзысь да вӧр-васӧ урӧстӧмысь. Сідзкӧ, тайӧ бур важсӧ колӧ сӧвмӧдны-паськӧдны.

Коми морт зӧв винӧв. Вермӧ дыр терпитны, а сӧсся соссӧ пуджӧмӧн босьтчӧ вежӧра кӧзяинлӧн индӧдьяс серти уджӧ да сьӧлӧмсянныс вӧчӧ ставсӧ олӧмсӧ бурмӧдӧм могысь. Тешкодь жӧ и овлӧ коми мортыд. Колхозьяс котыртӧгӧн сійӧ мый вынсьыс пыксис сӧтчӧ пырӧмысь. А ӧнӧ ашӧр овмӧс сійӧс повзьӧдлӧ. И вермас-ӧ сійӧ Коми мулӧн став лышкыдлуннас тӧлкӧн пӧльзуйтчыны?

О, чужан муӧй, кутшӧм яндзим миянлы тӧ водзын лоӧ, кор ми кӧсьям кольны асьыным важ ӧбликнымӧс налы, кодьяс локтасны овны миян му вылӧ миян бӧрын да кутасны овны да уджавны, колӧкӧ, миянысь бурджыка. Оз пондыны тӧдны гусясьӧм, пӧрьясьӧм, уджтӧг да удждонтӧг олӧм.

А чужан муысь бокӧ мунӧм морт пу кор кодь, кодӧс тӧв уськӧдіс пу вылысь. Но пуыс оз жалит, мый сы вылысь уси корйыс. Сылӧн коркӧ бӧр быдмас сӧтшӧм жӧ

кор. И, колөкө, мичаджык да вежджык. Но кор сійө быд-тас тайө корсө, кор?

Ми ыджыд кадколаст вөлім крест да партбилет костын. Тайө вөлі ставлы зэв сьөкыдтор. Кодарлань синны?.. Но эн тэрмась. Синтө чөвтлы ас вылад. Кывзы асьтө. Сьөлөмсянь кор Енлысь отсөг... Коми муой! Ми пыр тэкөд. Эн шогсьы. Öнi муно сиктеса да карса йөз пөвстын духовной вынъяс чукөртан удж, медем кызы өтиөд нэмын босьтчыны овны этш төдөмөн цивилизуйтөм мирын. Но волөны на мукөд муысь йөз, кодъяс зильөны пакөститны коми войтыр пөвстын. Найө падмөдөны вичкоө ветлөмысь, выль чужөм кагаясөс Ен нимөн пыртөмысь, шонъянойясөс сьылөдөмысь. Лыддьөны комиясөс оз ёна бур оласнога войтырөн. А татшөм мөвпъяса локтөм йөзыд ас вежөрөн олысь вужвойтырлы кыдзи сэзы енэж дырйи гым!

Медся төдчанаөн коми мортлы лоө уна кывъя йөз пөвстын чөла, төлкөн-ладөн олөмсө нуөдны да быд чужөм төжд-майшасьөм вылө корсьны өтувъя воча кыв. Отлаын олигөн мөд кывъя морт нинөмөн оз торъяв сыысь, кодкөд сійө олө өти му вылын, өти гөрөдөн көрталөмөн, өти оланпасъяс серти. Öд видзчысьысь мортөс ачыс Енмыс видзө.

Коми морт, мый вөсна тэ шогсян?! Оз арлыднас мортыд ло озыр, а вөчөм уджнас. Весьшөрө котралөм-пессьөмысь тэ ло ылынджык. Сэк жө матыстчы Ен дорө. Кутан кө Енлы эскөмөн удж корсьны да быд удж вөчны, пондан бурджыка овны. Кор сьөлөмсяныд кутан уджавны, аслыд лоө лөсьыд, и матыссаыдлы верман отсөг сетны, мөвпалө коми морт, кодлөн дзормыны нин заводитөма юрсиыс. Видзөдласыс сьлөн пыдисянь мөвпалысь мортлөн. Колөкө и ті корсюрө вочаасьланьыд сьлөн

видзёдласкөд. Но сійө оз дзев бокө ассыс синъяссө. Пыр видзөдө веськыда. И мөд мортлы кажитчө, мый сыкөд паныдасьысь аддзө олөмсьыс ёна ылөджык да вермас отсавны сы бөрся мунысьяслы, индыны налы олөмас стөч да веськыд туй.

А кутшөм сійө веськыд туйыс? Ёні странаын йөзыс кутісны лёклань сетчыны. Телевизор пыр петкөдлөны яндзим төдтөм фильмъяс. А мый аддзам ас гөгөрысь? Автомобильяс ветлөдлөны газонъяс вывті. Улича вывті ветлысь-мунысь быд ногыс ёгөсьтө ас бөрсяыс. И кор нө быдөн на пиысь велөдчас сөстөма овны?

Сэк жө босьтны кө паськыдджыка, морт рөдлөн исторыяс воис кризисө. Тайө кризисыс зэв бура төдчө сөмын миян Россияын. Но сійө регыд шымыртас став мирсө. И сэки сөмын ми, кодъяс медводз босьтім ас выланым тайө кучкөмсө, вермам мездыны став мирсө тайө артмөм кризиссьыс. Медся бур да төдчана мөвпъясыс — Достоевскийлөн, Циолковскийлөн, Федоровлөн, Вернадскийлөн, Данил Андреевлөн, Солженицынлөн — чужлісны миян му вылын, миян гөль каръясын, миян корысьө воөм сиктъясын, миян тюрьмаясын, тшыгъялөмөн олігөн. Буретш сәні, көні татшөм мөвпъясыслы и колө вөлі чужны.

Миянөс мустөмтөны Рытиввылын и Асыввылын. Сы вөсна, мый йөз оз радейтны сәтшөмъясөс, кодъяс найөс мездөны да дорйөны. Та вөсна найө и ыстісны крест вылө Иисус Крестосөс. И ми сідзжө лоам татшөм сяма жертваөн, йөзөс мездан жертваөн, коді вештас став вывсьыс грекъяссө. И тайө му вылас сывкнитас ярьюгыд, шуда выль олөм.

Морт ставсө вермас, сөмын сылы колө лоны бур вылө лачаөн. Оз ков некор лэдзчысьны ловнад. Медся төдчанаыс — лоны вежөраөн, сюсьөн, дзоньвидзаөн, вынаөн, мед

вермыны вѳчны колана удж. Аскиа лун понда колѳ
тѳждысьны. А муывьса олѳмыд абу пеж. Колѳ сѳмын
аддзыны да кывны сійѳс да овны ваьсь лѳнджыка, веж
турунысь улынджыка, вывтиасьтѳг да дзоридзавтѳг, мед
оз нетшыштны да вѳчны тѳьсь букет. Морт аслас олѳмын
нѳм чѳжыс корсьѳ туй, мед сылы вѳлі лѳсьыдджык да
бурджык. А лоѳ сійѳ американечѳн либѳ францужѳн,
сылы веськодь. Но ас му вылѳ сійѳс пыр кыскѳ да сійѳ
видзѳ аслас паметяс важсѳ, мый вѳлі да кодѳс тѳдліс че-
лядь дырсяньыс. И дыр мѳвпалѳм бѳрын сійѳ шуас:

— Ме аддзылі аслам сингъясѳн унатор и эска: Россия
сѳвмас да лоас американскѳй да европейскѳй капита-
лизмысь вынаджыкѳн.

А миян ьджыд керка — Му — со мый дыра нин
бергалѳ ас да Шонді гѳгѳрыс. Войнаяс, революцияс,
йѳзлѳн шог олѳмыс бергалісны жѳ Шонді гѳгѳр Муыскѳд
ѳтлаын. Та вылѳ видзѳдтѳг, кызди велѳдіс Енмѳн Му вылѳ
ыстѳм морт, Шондіыс вѳлі быд морт сьѳлѳмын.

О, Енмѳй! Коляс кадыс, и ми век кежлѳ мунам му-
ывьса олѳмысь. Миянѳс вунѳдасны. Вунѳдасны миянлысь
чужѳмнымѳс, гѳлѳснымѳс. Но миян тайѳ муывьса тѳжд-
майшасьѳмгъясыс вуджасны радлунѳ налы, кодгъяс ку-
тасны овны миян бѳрын. Шуд да мир лоѳ му пасьтала-
ыс. И кутасны казьтывны бур кывгъясѳн да бласлѳвит-
ны миянѳс, выль пѳлѳс олѳм лѳсьѳдысьясѳс.

Бөркыв пыдди

Свет вылас эмось уна пөлөс йөз. Өтияс ру кодь гудырөсь. Ас гөгөрсә олөм вылас найө видзөдөны веськодьпырысь. Но эмось и мөдьяс. Найө шонді лун кодьөсь. Олөмсьыс пыр мыйкө корсьоны, туялөны да зильөны бурмөдны сійөс.

Медводдаяс вылас ыдждалө Төлысь. Мөдьяс вылас — Шонді. Татшөм торъялөмыс артмө мортлөн чужан кад вөснаыс. Өтияс чужөны төлыся войө, а мөдьяс — шонді лунө. Төлысь югөрьясысь муыввса олысь лоө олөм дорас веськодьөн да көдзыдөн. Шонді югөрьясысь сійө босьтө пөсьсө да жарсө, лоө муткырасысь шор кодьөн, зильөн да уджачөн.

И колө чайтны, мый тайө повестьса геройыс, Петыр, вөлі чужөма шонді югөрьяс улын. Школаас велөдчигөн лун шөрыс лөсявліс кузь переменалы. Детина эз кольчыв классас мукөдьяс моз, а котөрөн петавліс ывлаө колхозной му вылысь мөс сөркни шепавны да гөститөдны өртъяссө либө ышөдліс найөс ворсны мачөн, котравны. А видз вылын уджалігөн сійө лун шөрнас куртан машина вылын зіліс куртны унджык лөдзьяс, пажнайтны чом дорас воліс сөрөнджык да сэсся пыр жө өртъясыскөд котөртліс купайтчыны.

Институтас велөдчигөн лун шөрнас эз котөртлы буфетө, а пырджык пукаліс чертөжнөй залын, медым мукөдысь водзджык босьтны «зачёт». Шахтаын да Эжваса стрөйбаяс вылын уджалігөн пыр жө ышөдліс мукөдьясөс нөшта унджык шедөдны. Татшөм өд и эм шонді югөрьяс улын чужлөм мортыд. Пыр сылы медуна колө. И весиг пөрысьөдз томөн кольө сылөн лолыс.

Коми пармаын эмось юяс, кодьяслысь йывсө позьө аддзыны дзык пыр. Өтияс заводитчөны ёльяссиянь да ви-

зувтöны ставлөн синъяс водзын эрдъяс вывті, дзирдалöны-пöртмасьöны шонді водзын асланыс рөмпöштан кодъ веркöснас водз асывсянь сёр рытöдз. Мөдъяс босьтчöны визувтны мусинсьыс нитшка сёнсянь да визувтöны пыр дзебсясьöмөн, кытчöдз медбöрын оз петны йöз синувса эрд вылöдз.

Петырлысь олөмсö позьö öткодявны ёльсянь заводитчысь юкөд жö. Ставсö, мый лыддысьысь тöдмаліс сы йылысь тайö гижөдсьыс, пасьялöма веськыда. Дерт, сійö, вöлі кö дзоньвидза мортөн, вермис на вöчны йöзлы уна буртор. Но... пыдди пуктана лыддысьысь, сійö лоис инвалідөн. Сэк жö висьöмыслы оз сетчы да асьыс став вежöрсö зільö сетны мукөдъяслы бур вöчөм могысь. Та вöсна и гижис тайö повестьсö коми кыв вылын семейнöй архивса документъяс вылö мыджсьöмөн.

Мөвпъясыс авторыслөн бергалöны сы гөгөр, кыззи эськö олөмсö тайö выль нэмас лөсьöдны войнастөг да вир кисьттөг, уна мукөд нелючкитөг. Медым сылөн аслас и мукөдлөн внукъясыс да внучкасыс олісны этшсö тöдөмөн да шудөн да дзоньвидзалунөн тырөм велөдчөм мортъясөн.

Авторлы тшөкыда вöтас уськөдчылö ыджыд гөрд звезда шлёма да кок шег дорөдзыс кузь шынеля батыс, гөрд көсынkaa, сортоучастокын звеньевöйөн уджалысь мамыс. Найö корöны му вылас видзны зыктөм шуда Ен нога олөм. Петыр пыр казьтылö асьыс батысö да мамсö пöсь сёян-юан дорын найöс вошйөдөмөн. Сідзкö, бур сьөлёма мортөс сылөн бать-мамыс чужтісны да быдтісны. И экисны, мый сійö рөдсö налысь нюжөдас водзö.

Петыр томдырсянныс узыны водан кадö радейтліс петаवлыны ёвла вылö да нимкодясьны кодзувъясөн. И весиг пöрысьявылас висигас нин сійö пыр петаवलывліс

кильчө пос дорас. Петыр тōдiс гороскопысь кодзувъяс-
лысь пасйōдъяссō да тайō кадас тшōкыда мōвпавлiс,
кутшōм кодзувъяс улын сийō чужис, кутшōм кодзувъяс
сылы вайōны шуд да кутшōмъяс — лѣкторъяс. И со тадзи
енѣжас видзōдiгōн сылы кутiс кажитчыны, мый кутшōм-
сюрō кодзув сылы надзōникōн вōзйō музыка звōн. И
тайō звōнсьыс сылōн синъясыс вазьōны, мыйысь код-
зувъяс заводитōны дзирдавны-пōртмасьны ѣнджыка. И
Петыр мōвпалiс, мый муывса олōмыс мортлы медся
ѣна лōсялō. А кор сылысь мōвпъяссō босътчылiсны вен-
ны сумленнōяс, кодзувъясыс сылы пыр лолiсны бокō-
вōйōн, кōдзыдōн, веськодъōн, ковтōмōн. Со татшōм жō
кодзувъяс енѣжас дзирдавлiсны, кор Петыр эз на вōв чу-
жōма. Налōн енѣжас олōмыс помтōм, а мортлōн олōм
вывтi дженъыд, дзик кага дōрōм кузьта. И колō-ō ōти
шуда здук вōсна вермасьны олōм нюжōдōм вōсна. Абу-ō
бурджык сетчыны рōкыслы?

Со тадзи мōвпалiгмоз Петыр сулалiс и ōти август
тōлысья рытын кильчō пос помас. Видзōдiс енѣжō да
морōстырнас лолалiс сōстōм сынōдсō. И пыр ѣнджыка
сийōс майшōдлiс мōвп, кыдзи эськō позьō нюжōдны нѣмсō
нōшта во дас кымын кежлō да овны пōльыс арлыдōдз —
ōкмысдас сайō во.

Петырлы, дерт, абу окота овны сѣни, кōнi дзоридзалō
гусясьōм да пōръяссьōм, ыджыд сьōм вōсна мортōс мыр-
дōналōм да виōм. Оз кōсйы сийō овны сѣни, кōнi ставсō
позьō вузавны да ньōбны, кōнi немторлы и некодлы оз
позь эскыны. Сийō кōсйō эскыны бур збыльторъяслы —
сōстōм ловлы, веськыд мортлы. Сийō кōсйō асывъяснас
садьмыны ас окота сертиыс, эскōмōн, мый сылōн ма-
тыссаясыс кутасны овны сы моз жō рытōдзыс, и некод
найōс оз ви и оз шыбит кокъяс улас бомба.

Сиктса крестьянско́й семьяыс петом морт Петыр ас коддьомъяс сертиыс вöлі вежора мортон, школаын да институтын велөдчис бура, уджаліс пыр кывкутана уджъяс вылын. Йöзыс пыдди пуктісны сійöс да кывзысисны. Петырлөн налы индöдъясыс да сöветъясыс вöліны оланпасөн. Но öтчыд Петырöс корисны компартия горком бюро вылө, көні вöлі ёсь сёрни. Гортас автобусөн локтігөн сійöс босьтіс паралич и коркөя вынйора морт лоис первой группаа инвалидөн. Но ловнас сійö некор эз көйы висьмыны да со и гижис тайö небöгсö.

Повесты́н гижöмторйыс дзик ставыс збыль. Гашкө, кодкө вермас шуны, мый тадзи оз вермы лоны. Но вежөраджык морт, дерт жö, гөгөрвоас авторöс да сувтас сы дор.

Гижöдыс серпасалö да петкөдлö коми мортлысь важся и öнйя олөмсö. Ми öд огö вермöй овны сöмын важнас. Олөмыс нюжалö да лоö том йöз сайын. Найö водзö нуöдасны олөм визьсö. Корскүрö олөмын лекторъясыс вермöны бергöдчыны бурлань. Но тайö овлө гежöда. И оз ков бергавны да корсьны бурсö бöрысь. Колö видзöдны водзö. Оз ков жалитны, мый вöлі. А бур мывкыдөн да сямөн медбур корсьны ассьыд шуд. И сійö лоас. Тэ верман ас мывкыдөн лөсьöдны ассьыд олөмтö. Но та вылө тэныд ковмас пуктыны став кужöмлунтö да вынтö. И ставыс кө тэнад артмас, тэнö кутасны пыдди пуктыны да радейтны. А мöдысьджык дыр оз вунöдны. И коляс йöзлөн казтылөмъясын тэ йылысь бур паметь. Со тайö мөвпсö и көйи ме тöдчöдны аслам нейджыд небöгын. Чайта, лыддысьысь гөгөрвоас менö, гөгөрвоас, кызди колö овны тайö му вылас Ен нимөн.

ЮРИНДАЛЫСЬ

1. Водзкыв	3
2. Быд сиктлөн аслас мыгөр	4
3. Енмөн индөм ин	8
4. Олөмыс муно водзö	12
5. Олөмыс томмö	27
6. Йöкты керка, йöкты пач!	34
7. Победа лун	42
8. Кадыс визувтö водзö	45
9. Лоа шахтёрөн!	50
10. Көнi чужан, сэнi и шогман	61
11. Батълөн мөвпгъяс да тöждгъяс	75
12. Сиктын овны көсйöмыс эз быр	78
13. И век кезлö лоисны мусаясөн	81
14. Ас водзö пуктi мөг: лоны коланаөн	82
15. Водзö олөм йылысь мөвпгъяс	86
16. Бөркыв пыдди	95

Липин Петр Васильевич

«Бөрө кельбамас оз вун»

(Прошлое не забывается)

Повесть-воспоминание на коми языке

Редактор И.И.Белых

Бумага офсетная. Печать офсетная. Формат 60x84¹/₁₆

Усл. печ. л. 6,0. Тираж 50.

Отпечатано на участке оперативной полиграфии КРИРОиПК



Тайö небöгыслөн авторыс, Петр Васильевич Липин — вöвлöм горнöй инженер да инженер-строитель. Чужлис-быдмылис Вылыс Эжваса крестьянин семьяын. Уджалис Уралса шахтаясын. Стрöитис Сыктывкарса лесопромышленнöй комплекс. Öнi пенсия вылын нин. Сьöкыд висьöм вылö видзöдтöг босьтчис литературнöй уджö. Тайö сылөн коймöд небöг. Таöдз авторлөн петавлисны нин рочөн «Вспоминая прожитое» (1999) да «Эликсир молодости» (2001) небöгъяс.